

LAVRÆ CERETÆ
BRIXIENSIS

Feminæ Clarissimæ

EPISTOLÆ


jam primum è M S in lu-
cem productæ

à

IACOBO PHILIPPO TOMASINO,
Qui eius VITAM, & NOTAS
addidit.

Ad Illustriss. & Reuerendiss.

D.D. CASSIANVM A' PVTEO
ABBATEM S. ANGELI, DIVI STEPHANI
Equitem & Commendatarium.



Patauij, Typis Sebastiani Sardi. 1640.

Superiorum Permissu.

AVARA CERETA

1811

1811

1811

1811

1811

1811

1811

1811

1811

1811

1811



1811

1811

Illustrissimo & Reuerendissimo
D.D. CASSIANO A' PVTEO

ABBATI S. ANGELI, DIVI STEPHANI

Equiti & Commendatario.



Virerum eventus in commu-
nem vitæ vsum obseruarunt.
Viri longis experimentis cō-
spicui, quàm sint mutabiles
mortalium conditiones abundè norunt.
In quorum numerum quandoquidem
Te iure quodam meritissimo, Vir Am-
plissime, reponunt quotquot prudentiæ
opinionem affectant, libet hîc novum
mundanæ scenæ exemplum tuis oculis
subjicere.

Eruditissima matrona orta nobilibus
Cenomannis, superioribus seculis orbi
vniuerso spectata, rerum vicissitudine
longisq; patrię dissidiis ingrata obliuione
veluti sepulta diuq; neglecta latuit, sem-
perque forsitan latuisset, nisi, dum parū



no-

notas ac ferme pulverulentas Bibliothecas hinc inde excutio, à tuncis periclitantem è frequenti ipsorù cumulo, qui nondum typos experti, in lucē protulissem. Excitata iam nativo eruditionis suæ ornatu, ne denuò exoleseat, Romam pergit, ad illam Orbis Dominam, quæ literarum emporium, ubi quidquid à barbarie reliquum volvere fata priscam adhuc majestatem spirat. Sed quia sexus innocentior Patronum exigit, me paratio ad tuos lares accedit, ut benignè tuo more excepta magnis nominibus associetur. Ita eximia feminae virtus ac eruditio meretur, Nec ulli uerius quàm Tibi hi labores conueniunt, cui me maiora quàm tenue hoc obsequii monumentum debere fateor, quem unà cum fratre Carolo Antonio mitiorum literarum omnisq; antiquitatis amantissimo non modò vobiscum commorantem omni officiorum genere ornasti, ac propè onerasti, sed

etiam

etiam reducem nullo tempore prosequi
desinis. Absētis hoc pignus esse velis, qui
Te veluti præsentem quotidie in ore, in
oculis, gerit. Matronæ interim vacatio-
nium accipe, quo suas hasce Epistolas
elegantissimo tuo Musco hoc titulo di-
cat: CERETAM AD AETERNÆ FAMÆ
SECVRITATEM OPTIMO PVTEO TOMA-
SINVS TRADIT. Vale rei literariæ de-
cus, & Charitum ocelle.


Patavii Cal. Maj. Anni. MDC. XL.

*Gratias & Virtutibus tuis
addictissimus
Jacobus Philippus
Tomasinus.*

AD LECTOREM!



ASSANDRÆ FIDELI, ab exi-
mia eruditionis fama inter le-
ctissimas feminas ætatis suæ or-
namēto, LAVRAM CERETAM
aliquando sociam promissæ, modo
nostra cura luci tradita illius monumenta mi-
riori iudicio exciperentur. Fidem quòd nunc
liberem, tua, Lector, factum benignitate;
quam hac nostra sibi non inferiorem pollicetur.
Sexui & sæculo libens indulgebis, quæ hic in-
condita, vel nimis libera. Cetera si tuo favore
non dedignaberis, quæ adhuc latent, verinſq̃
Nogarolæ scriptis publicam notitiam impetra-
bis.



LAVRÆ CERETÆ V I T A

IACOBO PHILIPPO TOMASINO
AVCTORE.



BRIXIA aeris salubritate & loci
amœnitate non minus, quàm
origine & antiquitate, spectabi-
lis undequaq; & conspicua, verè
totius Galliæ Cisalpinæ flos est
& ocellus. Pagis namq; frequentissimis, val-
libus amœnioribus, frumento, oleo, vino,
lino, rebusq; omnibus ita luxuriat, vt meritò
Franei, cùm iis olim esset in delitiis, non exi-
guam ipsius agri partem *Francam curiam*
appellarent. Iacet Vrbs in planitie ad ra-
dices colli qui dicitur Cygneus; vnde Catul-
lus ex recensione Mureti,

Brixia Cynea supposita specula;
ædificiis plena & habitatoribus. Spectan-
tur in ea sumptuosa & magnifica templa ra-
rioribus picturis exornata. Diues est artifi-
cum: Antiquitatibus abundat; fontes fre-
quentiores eam amœnorem reddunt. Viri



armis ac literis æqua lance celeberrimi domi
forisq; omni seculo hinc exiere, quos elogiis
concelebrarunt multi, & præsertim Octavius
Rubeus patriæ vetustatis elegatissimus scrip-
tor. Eandem urbis felicitatem ante ipsum
Hieronymus Campagnola cuius noster ad
Cassandram Fidelem tangit: *Videbis Brixia-
norum civitatem affluentem equestris ordinis
Viris, Iureconsultis, Philosophis, Medicis, sin-
gularis quidem doctrinæ, tam venusta nobilita-
tis ciuibus uberrima divitiarum copia refertis,
ut Regulas possint merito comparari.* Solertis
autem ingenti populus, armis præcipue dedi-
tus est. Familiæ hic nobilium multæ nume-
rantur, titulis honoribusq; inter cæteras Ita-
liæ præstantissimæ. Ut pulcherrima Urbs
est, sic omnibus rebus affluens. Hinc verè
de ea Iul. Scaliger.

*Quæ pignus scatebras specula despectat ab alta,
Postulat imperii Brixia magna vices.*

*Cælum hilare est, frons læta Urbi, gens nescia
frandis,*

Atq; modum ignorat divitis uber agri.

Nec solum Viris præclaris qui voce & scrip-
tis varias Europæ nationes illustrarunt, quotiæ
Sanctitatis fama nobilitavit; Sed Mulieribus

etiam

etiam summa pietatis ac doctrina exornata
fuit, quorum nomina veterum monumentis
passim nota : ut meritò Ludouicus Cendrata
Veronæus apud Capreolū Historiographum
Brixiensem *Academia non solum hominum, sed
etiam Faminarum appellauerit*. Inter plures
foeminas nobiles memorare iuuat Luciam
Albanam Aduocatam, & Veronicam Gam-
baram, Carmine Italico variaq; eruditione
celebrem, cuius famam nunc summa cum
laude peregregiè Deidamia Gambarara Co-
mitissa virgo eruditissima, & omni genere
virtutum ornata sustinet. Vna verò mihi
LAVRA Cerete hîc delineanda venit, docu-
mentis ex ipsamet depromptis, & Andreæ
Moretti Philosophi, Medici, ac Mathema-
tici humanitate, quum cætera vetustas ob-
scuranerit : non tam ut Urbis præconiis ali-
quid accedat, quàm ut fidem publicatam li-
berem, & caduca rerum mortalium condi-
tio famæ perennitate subleuetur : etiamsi pro-
lixis verborum encomiis Ceretæ memine-
rint alii, quorum fama minimè obscura est.
Magnifica sunt ad Cassandram Campagno-
læ verba : *Te hic legum liberaliumq; Artium
græcarum latinarumq; doctores circumsta-*



bunt etiam admirantes doctrinam artemq; dicendi: Te nupta, Te vidua, quarum princeps est *LAVRA CERETA* vidua sanè literatissima: Te virgines omnes nobiles veluti Sanctæ. In eandem sententiam Helias Capreolus de Rebus Brixienſium Lib. xii. Sed ea literarum doctrina floruit tunc ciuitas ipsa, ut non modo viri, quorum opera plurima atq; doctissima in Gymnasiis publicè leguntur, sed etiam *Laura Cerete* cuius nostra nō paruum elegantissimarum scripserit Epistolarum volumen: cō certè inter virorum opera dignius, quò multos una ipsa mulier etiam dignissimos excesserit viros, ut antiquarum feminarum decus & presentium ornamentum ab eruditissimis viris meritò sic appellata.

CERETAE familiæ appellationem dedit Cetetum antiquum agri Bergomensis oppidum, cuius incola Oprandinus numerosa progenie nomen dilatans pronepotem habuit Baptistam, quem Medicæ artis famâ Brixie, quā obsidione vrbs premeretur, Anno 1430. ad annum propè 1465. claruisse accepimus. Filium is reliquit Siluestrum publicis muneribus conspicuum, qui ex Veronica de Leno antiquissimæ familiæ Splendore clara coniu-

ge Anno 1469. cū primam suscepisset filiam, Lauræ nomen ei imposuit, in memoriam Lauri, quæ in horto domestico iamdudum antea hibernis injuriis exaruerat, quam ipsa miro eloquii artificio depinxit, dum inter cætera scribit, *quod polituras horti frondentis procacibus ramis umbrabat.* Filios præterea habuit ille Basilium, Danielelem, ac Hippolytum, binasq; Filias Deodatam, & Dianam. LAVRAE monstrosa contigit nutrix. De qua sic ipsa: *Montana fuit altera à Matre me nutrix, quæ tumida guttur enode rugabat oralurida, impeditos ægrius anhelitus trahens. Tremebam memini monstrosam hanc faciem horridula, ex quo simplicior innocentia, fari nescia, ab hoc diurno lemure citiàs se, quàm crediderat, propemodum exemit.* At Lauræ species admodum venusta; quam ex vultu artificiosi operis aliquando conspexit Octavius Rubeus. Sed nullum ejus hodiè apud Brixenses vestigium. Quæ enim olim videbatur Lauræ nomine insignita, elegantia suâ multis suspicionem iniecit Lauræ; quam Petrarchæ Musa celebravit: quo nomine in Sabaudiam nō exiguo precio transportata fuit. Infans lumbricos passa, puella variolas, va-

letu.

letudinem postea integram habuit. Pietatem cum primis literarum initiis domi apud Parentes imbibit: Septimum postquam attigisset annum sacris Virginibus intormanda traditur. Hic illa jam literis incumbere, iam acupingere, miranda profectus celeritate. Biennium postquam hic exegisset, domum reuocata quum rara edidisset animi documenta, Pater Grammaticis cæterisq; literis mitioribus erudiendam curat. Ingenio cum esset versatili ac prompto, studiis maturè domesticarum rerum administrationem iungendam censuit idem. Paruit illa, sed nunquam literarum immemor. Et quidem iactis probè Græci sermonis fundamentis seueriores disciplinas maturè serioq; adit; nec ullam humanæ sapientiæ partem intactam reliquit, eloquentiæ in primis Romanæ dedita. Morum doctrinam & Civilem prudentiam suo genio aptam excoluit. Nec rerum naturalium contemplationem, etiam stirpium omisit, maximeq; celestiū, quæ peculiariter sibi Mathematū appellationem vindicârūt; contenta ad vberiore historię noticiam

Ex char: a pictos addiscere mundos.

Sacrarum quoq; literarum noticiam auidè
hau.

hausit. De Patris sententia & arbitrio omnia, cui Pictoria & Præfecturæ dignitate aucto semper adhæsit. Sed, quæ ipsius prudentia erat, Petro Serinæ civi suo, probò & docto Lauram coniugem locat. At himium brevis humanæ felicitatis vsura. Vix enim octo & decem menses cum marito exegit, quum ipse dirę febris fatali necessitate sine prole in meliorem vitam auocatur. Eius memoria sic ad Barbaram Albertam prosequitur ipsa: Occurrunt oculis lachrymæ, & inquietam me habet dolor insignis, quotiens præ me fero memoriam viri defuncti. Hic enim ad humanitatem maiorum cura indulgentiæq; compositas comiter ad eò mecum se gessit in omnibus, ut in meo me literarum quietissimo studio sub pignore inuiolata pacis amauerit. Erat enim inter nos una semper unitas, una pax, una concordia. Sed illi (proh dolor) in tenerrimo ætatis flore mors ingruit, & dum meliora adolescentiæ meæ promitterem, omnia mihi paruo momento iniquitas fortune surripuit. Doloris itaq; acerbicatem vt leniter, non reperitis nuptiis totam sese literis dicat. Disputationum Theologicarum pertæsa, quod, vt fateatur ipsa nollet in Deum laboriosum aliquid con-

templando moliri, sed credere : relictis etiam Mathematicorum spinis, eam potissimum sequebatur Sapientiam, quæ mortales censentur meliores euadere. Crebri de hac ad amicos ipsi sermones habebantur. Nec ferme aliud iactant eruditæ eius Epistolæ, quas fortuna meritissimo ipsius nomini superstites voluit. Bone Deus, quàm hîc omnia supra sexum animum planè virilem spirant : licet interdum sermo eius æui licentiam & paulò affectatiores dictionis flosculos trahat. Quàm hîc omnia sententiarum globulis nitent ? Quod non ubiq; dicendi artificium elucet ? Quæ non animi sublimitas ? Vnam cogita Epicuri doctrinam de Virtute Amicis præferenda; de Voluptate eiusdem explicationem; Germanæ militiæ defensionem adde, viuum itemq; Inferni typum. Quàm erudita, quæ de Planetarum influentiis in vegetabilia, de Donariis, de hostia humana, de maritali iugo; quàm amœna & festiua de conuiuio, quàm varia de Itinere; seuera de varia per characteres medicatione, de Venetorum constantia, de Mortis imagine, de Principum avaritia, de fortuna, de muliebri luxu; quàm prudentiæ plena ad literas & studio-

rum

rum moderationem exhortatio Verbo ,
quàm ingeniosa , arguta , omnia . Quid mi-
rum ? Ingenii facilitatem iuuit ingens litera-
rum gloriæq; studium , atq; alienæ virtutis
æmulatio , quam præcipuè in Laura Petrar-
chæ idolo spectabat , cuius æternitatem se
intimiùs affectasse liberè profitetur . Sed in-
tra modestiam , cuius nunquam non memor
vixit . Nec sine exemplo sui sexus eiusmodi
animi cultum captasse ostendit claris earum
titulis , quæ ipsi literarum celebritate præluxer-
unt . Accessit firma corporis valetudo , cuius
adiumento indoles illa quotidie vires agebat .
Maximas animi dotes in primis ornabant
candor niueus , summa Pietas , ingenii liber-
tas , non sine vehementi nota in aduersarios .
Nec sanè iniusta ei fuit indignandi causa ,
quum increbescente literarum famâ se multis
præter meritum invisam cognosceret . Suos
tamen habuit Patronos & familiares , quibus
cum frequenti literarum commercio contra-
ctam necessitudinem artè coluit . Ascanium
scilicet Mariam Vicecomitem Sfortiam , in-
ter Patres purpuratos non exiguæ auctorita-
tis , Franciscum Fontanam Oratorem Re-
gium , è Cl. Viris Benifacium Bembum , An-

gelum Capellum, Constantium Bonum; inter
sacrarum literarum doctores Thomam Me-
diolanensem Præceptorem; Thomam Flo-
rentinum, & Fr. Ludouicum de Turre, Prædi-
catores venerabatur; Iurisconsultos etiam Si-
gismundum de Buccis, Io. Dominicum Patri-
fium, Franciscum Prandonum, Albertum de
Albertis; ex Medicorum præterea choro Mi-
chaelem Badium, & Raymundum Fortuna-
tum; Clementem Longulum, Ludouicum
Cendratam, Io. Oliuerium, Grammaticos,
cæterosq; quorum nomina Epistolis præscrip-
ta sunt. Atq; his perscribendis à Mariti fu-
nere doloris acerbicatem perliniebat, si quid
ei ab aliis grauioribus studiis otii suppeteret.
Quibus non mediocriter fuisse iunctam illæ-
met ipsæ vberim ostendunt omnis Scientiæ
ac eruditionis plenæ. Nec dubium, quin ve-
ram rectè viuendi rationem, cui maximam
laboris partem impendisse credimus, magnâ
famæ accessione reliquisset, quandoquidem
non obscurum operis cuiusdam spem facit,
nisi temporû turbulētia intereidisset cū tabu-
lario domestico, ex quo suâ originem ipsa de-
cerpsit. Indefessi nāq; laboris ingeniiq; exci-
tati largissimos voces calamoq; edidisse fru-

Etus verisimile est. Octavum quippe annum
vix emensa supra decimum Theoremata
Philosophica publicę disputationi magna
subtilitate exposuit. Oratione funebri ad in-
vidiam eleganti non parum sibi laudis pepe-
rit. Nec ipsi satis erat commentariis variam
eruditionem recondere, nisi & civibus post
annum ætatis vigesimum & suggestu eam
septennium integrum traderet. Literarum
amorem hifce indicat: *Mihi sub imo corde li-
terarum solus amor inestuat, quo maior sem-
per animus in ipsa studendi difficultate adole-
scit. Sed inter electa voluptatum pocula, dulce
est suum unicuiq; venenum. Nunquam ta-
men ita profanis animum occupavit, ut non
humanæ sortis fragilitatem sub mentem re-
uocarit. Inde aulea hæc: Vaga quippe &
inanis est humana gloriæ mercedula. Inuitat
me ad calcanda desideria fugacis vitæ pereгри-
natio transcurrentis; ob id renunciaui mundo,
eosq; fines legis mihi constitui, in quibus ultra
licitum, libeat nihil. Ego paratum mihi specu-
lum mētis ad mortem Salvatoris nostri doctri-
nam menti semper offendo. Cygnea cantio ve-
ræ Philosophiæ plenæ, quam prisci sapientes
mortis meditationem dixerunt. Neq; eni
tri-*

trigesimum annum excessit lectissima sui se-
culi femina, de cuius Epistolis Plinianum il-
lud de Pōpeii Saturnini vxore prolatum lice-
bit usurpare: *Plantum vel Terentiū metro solu-
sum legi.* Cuius tamē quid à nostra tenuitate
addi possit, vix reperio. O ter beatam ani-
mulam, quæ sic inter mortales ingenii famā
perennas, ut cœlitibus iuncta post varias in-
genii exercitationes æternā pace perfruaris.

Mortales exuviz meritissimā pompæ so-

lennitate apud maiores repositæ in

S. Dominici Templo; cuius va-

riatā substructione tu-

mulus hodiè

ignora-

tur.



2

Ad Reuerendiss. in Christo Patrem &
D.D. ASCANIVM MARIAM:
TITVLI SANCTI VITI;

*Sacro sanctæ Romanæ Ecclesiæ Diaconum
Cardinalem.*

**Lauræ Ceretę Brixianæ , in titulum Episto-
larum Prologus.**



*I*ejunum , & inexpertum
adhuc , immo vix intin-
ctum litteris ingenium :
prima mihi primæ erudi-
tionis rudimenta mon-
strabat quando tantus
amor ille studiũ , tanta pro-
ficiendi delectatio me te-
nuit . Creuere sensim tenuia ingenioli germi-
na , ad usq; populares fastus orandi : In quibus
promouendis , emoliendisq; animis multa refer-
ta flosculis annotabam , multa interpingebam
ornamenta verborum . Vagabatur per diuersa
delectatio legendi , & in solo studio mihi sælix
intus eram : Licet tamen pauperior semper es-
sem,

sem in ipsa cupiditate discendi: hinc exper-
 gisci ad honores cæpit iudicium inspectius,
 tanquam maiora ad se vocaret animus sur-
 gens. Sic crescente ingenio, creuit & studium,
 ex quo ubi diuitis illa stili fœcunditas à pri-
 ma via ad præferendam studiis omnibus philo-
 sophiam me reportauit intentius: tanquam
 voluptatem meam fructus magis, quàm fron-
 des habuerint: & iam iam argueret me rubor
 honestatis, ea tãto temporis impendio compinge-
 re, quæ solas possent emptoris aures, modulata
 verborum elegantia, decipere. In exitu ergo
 pueritii, quum ingrediendam adolescentiam
 anni prospicerent, & essem iam litteris præcep-
 tisq; maiuscula, iuit altius in cogitationem
 mihi mea mens, cuius consilio vendidi libris
 aliis oculos in studio vigiliisq; cadentes: velut
 cui ardens de mathematicis inhiaret affectus.
 Hæc si in intelligentiæ hosti non aperuit, steti
 saltem propter quatrifrontis scientiæ limen, ad-
 missa. At neq; mihi tamen beata voluptatis
 domus hæc fuit, licet undiq; sit pulchra cogni-
 tione rerum ornata: est enim causarum agni-
 tio virtuti perproxima, sed studiorum tanta
 varietas interrumpit ingenia. Sedit ergo secu-
 rius

rius mihi iudicium, mansitq; in proposito firmior,
 inharere sensui litterarum ecclesiae, ut degusta-
 rem si plus generositatis haberent; huius medul-
 litus, introspecta doctrina tantum apud me adu-
 sq; nunc auctoritatis acquisiuit, ut & sine in-
 teruallo dederim illi noctes studio peruigiles, &
 laxamenti omnis alia respiratio subduxerit se,
 distraxeritq; ab animo furtim. Inest enim di-
 uinis litteris simplicior illa veritas, qua sub
 acumine subtilitatis immensa prodest non mi-
 nus utilis, quam delectet ornata. Hinc con-
 tentam contemplationi viam inueni. Quippe
 quæ libenter utor auctoritate dogmatum, qui-
 bus firmæ rectæ sententiæ ponderis non minus,
 quam fruitionis immiscet. His igitur sac-
 eram contenta litteris quæ possint non um-
 bram mihi, vel fumum, sed perpetuo securum
 aliquid, perfectumq; largiri. Surrexere diuersi
 ordinis electissimi viri, qui me dicerent in cas-
 sum, meum mihi scire didicisse, non aliis: quum
 ob id in studio, atq; litteris educentur ingenia,
 ut exemplo maiorum, alteri profint. Placuit di-
 ctare aliquid, quod me ab obiectis absolueret: &
 malui fauori plebis placere, quam mihi. Sic in-
 citata stimulis famæ, sensim in prodigum erro-

rem scriptura carpebar. Hinc primo calamo
 super Aselli cadauere consolata sum gemitos
 ululatus in funere. hac una, atq; humilis
 oratio multorum sibi conflauit inuidiam: qui
 liuoris dentes tanquam gladios in me, velut
 trepidantem inter lupos Agnulam, diriter, in-
 humaniterq; pararunt. hi pleni ludibrio, sputis
 non sunt veriti dedecorare me, adaetam iniu-
 riis. Sed omnia diu, atq; patienter ideo tuli, ne
 forte dicerer in delitiis animi fracti, de constan-
 tia Philosophia tractare. Didicit enim acrior
 animi praestantia obiurgatores habere contem-
 ptui, ne videatur votum digladiari cum votis,
 & in iræ mutuos ictus alter alterum trudere,
 quod à simplicitate sua, expers terrena passio-
 nis, continentia prorsus eliminat. Nam mole-
 stiis nostris patientia, non inquietudo prestan-
 da est. Aliter obtereri posset ætas nostra semper
 in pœnis: Nam quamuis emi posset iniuria; ven-
 di tamen vindicta non debet. Verum, quum tu-
 telæ nominis nostri strictior charitas indul-
 geat, non potui esse adeo mihi vilis, ut vel se-
 mel, totiens prouocata, non scriberem. Mox ad
 me rescribentem, frequens sollicitantium turba
 scribebat. Respondi longius, atq; diuitiis mul-

to, quam credidi. Verum pertesa dierum, qui-
 bus tot magno empti labores euanescerent, ali-
 as, & aptatas operi reliquias à scribendi nego-
 tio subtraxi. Percarum nanq̃ nimis est, quod
 precio temporis emitur. Crenit ergo ad hunc,
 atq̃ illum epistolare cōmercium. harum autem
 una est omnium, atq̃ humilis facies, quæ dele-
 ctare possit, admirari non debeat, ceu quæ sit
 sub viuis, licet paucissimis coloribus ornata.
 Nam quid fructus habere potest, luculentissima
 illa fœlicius oratio, quam sequaces quidam,
 intortiq̃ pampini subnascentibus verborum
 tot comantibus foliis illigant? Promptius ea
 semper, & suo melius ordine digeruntur: quæ
 vlla incinentis stili lasciuiâ improbari non pos-
 sunt. Sanctior quippe doctis est orationis pres-
 sa modestia: ad tersa politici superuacua, su-
 peruacuus labor insudat. Nemo iam ullus ex-
 pectet, quod sit in me raritas vlla, quæ originem
 traxerit ab æuo Phœnicis. Sat erit omnibus
 hæc litteratura domestica, in qua nullus ex
 grecis Amphion modulâti lyra cantauit, nul-
 lus Demosthenes, nullus Theophrastus orauit.
 Non reddunt Virgilio æstimationem Æsopum
 picturata illa charta figuris: viuas figuras,

ingenium, ex sententiarum pondo, parturit.
Propterea non censuerim, quod sit argentea
vultur, auicula volante nobilior. Animata
nanq; nō elemētata virtus inhabitat. Sed quod
nam potest sententiis precium esse preciatius?
Sum itaq; inter poeticos cignos balbuticula pi-
ca, quæ prima vix elementa subdidici. Sua ad
studium cuiq; ingenio præstanda est portio.
Nam supra vires nemo tutus enititur. Sic tu-
tius est rationi, quàm opinionibus credere.
Nimirum ardua est, & in abruptis angusta,
qua ad gratiam duraturi nominis ducimur,
via. Gloriari fateor, possum de ingenio, quod
mihi dono dedit omnipotens: quum rara inue-
niatur omni ævo puella, quæ libros accurata ni-
toris elegantia condiderit. Ego liberalibus di-
sciplinis impendi quicquid vitæ ante deflu-
xit: & tamen totulus ingenii vigor in se con-
uersus has pauculas tandem epistolas, & com-
pendiario stilo frigidas exanguesq; composuit,
Hac tanta inopia scribendi conterrita non sum
ausa me credere iudicio legentium, nisi cum
adminiculo Numinis tui: de cuius presidio,
meliora mihi tua in omnes suasit humanitas.
Hortatur me viuâ ratio, bono animo sim: quod

omnes ope tua freti in optatum euadunt, supra
 Fortunam adiuti. Scio quod vel hanc procura-
 tiunculam pro salute mea suscipies, qui miseri-
 corditer soles afflictis, etiam non vocatus oc-
 currere: dolentium preces non expectat tua pie-
 tas, quæ subuenit prius, quàm ignoscit ami-
 cis. Suspectius præcauendum est mihi, quomo-
 do inter paliiros & vepres in ambulem. No-
 runt experti, quantum nudos pedes urtica
 simultas inurat! Nec præterit doctos, quot in-
 defensi scriptores sunt à probatissimorum foro,
 senatuq; prohibiti. Odium omnia discerpit:
 omnia distortæ interpretationis noxa comma-
 culat. Et quamquam veritas omnia djudicet,
 mordet tamen hanc iudicem culpatrix omni-
 um inuidia; quæ velut occultus fraude latro in
 litteras, per captatum odorem, anxia venatur.
 Quum igitur huius ad te opusculi mei expedi-
 tionem mihi tandem indixerim, qui Ecclesia
 militantis Dux alter es, Cardoq; firmissimus:
 maiestatem tuam supplex imploro, ut hæc mea
 scripta in partes tutelares admittas. Ego enim
 ea, quæ me decet humilitate, te patrem, te censo-
 rem, te dominum, fauoris causa delegi, qui si
 non humanus deus es, Deo tamen dignus sur-
 rexisti,

vexisti virtutibus tuis, adeo est in gentes omnis
 tui nominis dimissa noticia, adeo venerantem
 Romæ populum in te religionis stupore conuer-
 sis. Grandis namq; fidei tuæ constantia. & iustis-
 simis legibus ordinata mens tua, prædicatissi-
 mum honorem tuum inuiolatum semper, inta-
 ctumq; seruauit. Nam postquam apostolica
 sumpsisti Petri piscatoris insignia, gubernasti
 supramodum sancteq; vrbes, anquam mansue-
 tæ ciuitatis tranquillissimus pastor, quem mi-
 litaris gloria non minus, quàm moderata consi-
 lii grauitas fecit illustrem. Per exculta sane, &
 præcellentissima tua rerum gerendarum indu-
 stria, qua prouidentius futura prospectans om-
 ni ratione metiris. Magna liberioris animi tua
 firmitas, quæ totiens victrices manus cum for-
 tuna conseruit. Per magna, & obliuiosa inju-
 riarum tua superexcellens illa generositas, de
 qua testatior posteris fama relinquitur. Omnes
 namq; votis, proq; consiliis implorandis, ad te
 suppliciter, velut ad vnum oraculum Consul-
 ti numinis, occurrunt. Fulget enim in te vir-
 tus, Augustol digna, cui & plebis obstrepunt pla-
 usus, & patrum integer, atq; vnus amor om-
 nium famulatur ardentius: Adeo ut sub ar-

genteo

gentes tuo sceptro blandius atas aurea, quiescentiusq; respiret. Tu in sacrosancto Consistorio quietem fraterno fœdere foves: Tu extinguis regum odia à bellorum turbinibus ad beatissimam concordie pacem inflectis: Tu sagax, industriusq; gubernator Imperii artificis providentia redintegras quidquid vexata bellis Ecclesia perdiderat: Tu omnibus antiquorum titulis, pro liberalitatis larga manu præferendus Subditos habes, qui exemplo tui fortunam casusque omnes toto animo ferant: qui ve, ubi opus sit, exilio se se, mortiq; tue, & opponant, & impendant. Ob hoc Tibi iam, & Virtuti Seruula studium hoc omne emancipavi nomini tuo, non ut tam paruo inclytum folium ornaretur, sed ut illud mihi pro maximo honore nanciscerer. Nam quemadmodum muneribus suos Reges Parthi salutant; sic profertunt de studii sinu dona Latini, quibus suos Atticos, suos Mæcenates illustrent. Hoc non est in manu mea, quæ de omni scientia parum assequor, sed hujus concepti iam desiderii mihi restat obligatio, custodita memoria.

Red.

*Reddam, si eloquium forte limatius implicata
lingua impedimenta disruperit, hæc purga-
tius interea, dum nosce merear: tu omnium an-
te te clementissimus non dedignabere, spero,
huic tanta penuria, nuditatiq; verborum diui-
tis ornamentis suppetias afferre. Libellus ergo
iste tuus, in quo vigilias, laboresq; longos im-
pendi, quamquam per sese sterilis sit, coale-
scet tamen diffusius in tuis manibus: germi-
nabit, fructitabitq; succifluus. Quis enim ab
mendis omnibus in tuto non agat, qui se illius
fidei credidit, qui ex specula altioris ingenii,
cuncta prospiciens, cuncta videt, cuncta co-
gnoscit? Scientissimum te litterarum omnium,
nascituri non minùs, quàm presentes sub ævo
memori sanctius diutiusq; cognoscent, & la-
cerum inuentum hoc meum, vel ad tui memo-
riam, venerata dignatione cantabunt.*



LAVRÆ CERETÆ

EPISTOLÆ.

*Ioanni Oliuerio Grammatico Laura Cereta S.
Epist. I.*

IN huius horæ discursu Saturnus in Sagittarii sexto gradu à Septentrionibus retrograditur præceps. Iuppiter verò retrogradus, & à Septentrione descendens, in octauo Capricorni gradu discurret: Mars autē directus, & ad meridiem procliuis in proprię domus Arietis vigesimo primo gradu recipitur, in quo splendet umbilicus Andromachæ. Sanè Titan à terra super altissimus gradum Geminorum peragrat vigesimum quartum, in quo vltimus terminus Martis, cum tertia facie Solis, elabitur. Sic Venus terræ proxima, & à meatu suo contraria in Boreæ pendentem refulget: & à Geminis in gradibus vnde viginti respicitur. Mercurius verò ad Aquilonem directus attollitur, & in defluxu ad terram decimum sextum Canceri gradum inoccupat: Non ali-

ter

ter Luna in Virginis quarto gradu corrut-
lans ad ardentissimum Algaphar per ima
diffunditur. At maior Arcturus flammantius
ernicans se nuper abdiderat: verum Draco-
nis igniti caput in Piscium septimum gra-
dum anhelat. Est præterea Lunæ quartus
ad Saturnum occiduam, & in trino ad Io-
uem orientem; sub spiris caudæ Draconis, &
post casum festilis aspectus inter Martem,
atq; Mercurium. Ingeniosa quippe super
cœlestium corporum series, quæ litteris per-
discendis, atq; artibus fauet. Tu fauenti-
bus astris, pro tua in nos beniuolentia, Basi-
lium, atq; Danielelem, tenellos fratres, insti-
tuendos tibi sub ferula celebris illius disci-
plinæ tuæ suscipies. Septimo Idus Iunii, cir-
ca meridiem 1486.

*Sigismundo de Buccis, LL. Doct. Lauræ Cer. S.
Epist. II.*

Q Vanquam in præturam hanc patris
ocii gratia deuenerim; Nulla tamen
vnquam, vel parua respiratio, vacu-
um mihi tempus exhibuit; velut quæ pater-
næ

ne rei familiaris indulgentia nō minus, quā
maritali cura dstringar. Illa nanq; iugiter,
pro existentium opportunitate me inuocat;
hæc auocat. Alternò vtrinq; studio sollici-
tor. Nullum à me dari potest omnino litte-
ris ocium, nisi sub vegetissimo somno, der-
miam minimum: Tanta est parsimonia tem-
poris apud eos, quī suis æque ac sibi soler-
tiæ nō minus, quam laboris impendunt: Sed
furatrix horarum vigilantia diuisum die to-
to spatium inuenit, in quo, post noctis multæ
lucernam, rursus matutina me agam; Nun-
quam enim primæ labentis diei tenebræ lit-
teras fallunt; Redeuntis autē orientis prima
fax, illuso acu picta veliculo, datur. Sic tenax
laboris improbi ratio telam hanc interfilari
colorum reciprocatione distinxit. Opus
trimestris lucubrationis hoc fuit, sed non
aliqua tamen Alchimedontis diuinitate, per-
mixtum. Prodiga fane iactura, qua vitæ mo-
nile tempus tam inani labore profunditur.
Sed nulla est hodie luxuriantis pompæ men-
sura, ad quam, neq; cum suis margaritis In-
dia, Arabiaq; sufficiunt: Tantus est proca-
tium foeminarum luxus, tanta nostratium
deli-

deliciarum creuit vsque deuotio. Omnes enim per suos passus latæ, à temperatâ imus auersæ: Tamen si ex fronti licentia quædam alia, alia dissimulanter, furtimq; compeccent. Oblongulus igitur cohœperture panniculus toruam in medio Pantheram, & cõspicua satis macularum varietate distinctam, ostendit. At leuam tenet intortus, cristatusq; Draco, quem lingua diuisim tremula, & picturatæ squammæ, radiantesq; oculi, parata crudelitate nobilitant. Has contra bestias jubatus & feritatis aspectu febriens Leo propatulas in dexteram hiatu fauces adaperit: quasi subuiui omnes irritatim secum infremant, minitenturq; vicissim. Altius in resupinum, & rostro atq; vnguibus propugnantem per inane Miluum nigricans pennis Aquila deuolat: Sed aureus in summo Phœbus argenteam corniculatamq; Lunam intercurrentibus radiis illustrat. Ultra feras celsitudo bicipitis montis ascendit: ab cuius interiacente Valle emissus amnis aduerso cursu defertur. At verò vtriusq; iugi paria interualla implexæ crates curuo nexu perstringunt: Sed alterum nuda solum, &

prominentia saxa, saxis aliis, atq; aliis super
imposita, compingunt: è quorum proscisso
vertice flammigerum, interfumanſq; glo-
batim eructatur incendium. Alterum cir-
cunueſtiunt prata florea, & viridius monticu-
latim omni herbâ virentia. Mōtis vtrunq; la-
tus, vmbroſis operculis nemus opacat, ubi po-
mantes hinc ſuos inter ramos eſculi, inde ve-
rò leniter dependulæ baccis oliuæ, confruti-
cant. Hic, quacunq; ambit campus, obten-
duntur, adalliganturq; circum propagines,
prælonga ſuſum, deorſumq; gracilitate
curuatæ. Has inter pampini reptatu ſequa-
ci circumflui, nigrantes in palmitē ſuſtinent
vuas. Modicum ſpatii quoddam margina-
ta cingit extremitas, in qua interalbicans au-
ro purpura, & ex alio, atq; alio loco puncta-
tim transfuſa, procurrit; ex obliquis autem
palioli capitibus capillacea quædam ceſa-
ries explicatilis argenti præfunditur. Nunc
volubile penſum, quo tenuata, ruruſq; retor-
ta lanugo netur, omiſerim: Nunc tereti,
æqualiq; filo bombix Arabiæ deductus, præ-
teriri fas eſt: Nunc ſpinoſo pectine carmina-
tum diu ſtuparium, & lini byſſini præcia, ordi-

tutæ lenius, blandiusq; fusa posthabeo, ne altera forte Pamphile Græca, vel Arachne Colophonia, in prouocatam ingenio Palladem contentiosa dicar insurgere. Proh curæ mulierum inanes, quibusnam desideris, quo trito tempore, ab Opia lege refugimus, qua elaboratæ hac arte vestes probro fucantur! Velut quæ auri, & argenti, ardentisq; purpuræ discoloribus filis sub tam inutili eruditione discurrent. Ob hoc P. Sulpitius Gaudus à P. Aphricano rephenditur: ob hoc à L. Torquato Hortensius appellatus est histrio. Sed esto, ita forte ætatis huius pellecti mores expostulent. Hæc ea sunt, quæ ante illucescentes diei radios meis manibus feci: Quas autē ante primam quietem recensuerim Musas, testis est Epistolarum grande volumen, quod libraria nunc elementatim format impressio. Ego sane omnem gloriam meam in litterarum delectatione reposui, ne dum alii pro caducis diuitiis maria pertranseunt, Ego domi sub parentis studiosi documento, pro immortalī possessione, tabescam ignaua. Possessio nanq; virtutis grandes animos ad eos famæ fructus accendit,
qui

qui sunt cum transeunti labore perpetui. Vale.
le. Cal. Ian.

Laura Cereta. Bonifacio Bembo. S.

Epist. III.

Offendis titulos, Bembe, atq; ordinem
rerum (pace tua loquar) obuertis, qui
eius te patroni clientulum vocas, cui ad me-
liores vias, & dux fuisti semper, & comes.
Legit is litteras tuas, cordi non minùs certò
proximas, quàm ab spe ipsa opinioneque
remotas. Ex his nouit pater cum quibus li-
tem contesteris: nouit & cui rem discerne-
re, tribunal immineat. Huic ille te examus-
sim ita commisit, vt se se suaq; consuevit.
Hæc vestigia sunt amicitie, non pignora: est
enim in manu tua quidquid illi, vel Fortuna,
vel Natura concessit. At dolet certe pluri-
mum, quòd tam diu exturbatus à tuis, siue id
voluntas tulerit, siue necessitas, videare nunc
è postliminio peruenisse ad amicum absen-
tem. Neq; propterea debet iste casus vul-
tuosus tibi videri, quòd patriæ morem gerat,
& functus munere ciuitatis, huc pro iure di-

cundo quasi nuper accesserit : Tametsi tui gratia id nunc euenisse illi acrius multo, atq; tristius animum tangat. Is nanq; vel absens idem tibi est, qui & præsens semper apparuit; qualis autem apparuerit; nemo te melius intelligit. Nonis Augustis.

*Io. Dominico Patufio Legista, Laura Cereta. S.
Epist. IV.*

VNas nuper à te litteras accepi, quæ, Pic-
rio stilo frondentes, ea proximè cognationis nostræ monimenta præ se ferunt, quæ è recenti memoria nō exciderant. Ego nāq; tantidem te tuosq; facio, quanti vos Petrum, mihi preciatissimum Virum. Quare quum eo loco te habeam, quo periti legum habentur, non est tale nostræ necessitudinis pignus, ut debeat tam properanter obliuione deleri. Quòd verò pro re rustica tua viscenda me comiter apprecaris, pergrata fuit admonitio, & gratulor tibi, quòd ita ferat animus. Hinc ut omnis causatio resceatur; ego istuc pridie festum crucis venturos nos omnes, miscendi ioci gratia, polliccor, ut saltem in vi-

nito-

nitores tuos ridendi ster casus, dum collectas
vuas rusticeano illo pedum motu calcabunt.
Parentes nostri eam tibi, & fratribus, atq;
matri primum resalutationem adscribunt,
qua illos obsequio tuo saluos esse mandavi.
Nec propterea expectes, quod versus tuos,
in medio Nasonis mari natantes, hac ausim
hæsitantis ingenii nauicula sectari. Ego ex
succeam hanc potius, & inuentione tardam
Epistolam precario excusationi tuæ committo:
Nam pedestre hoc nostrum, & quotidianum
scribendi genus frigide semper, atq; ieiune,
exiliterq; defluxit; Quarto idus Septembres.

Ludouico de Leno, Auunculo. Laura Cereta. S.

Epist. V.

PRimior maternæ stirpis origo Auctorem
vel Endymionem habuit, vel Atlanta,
quorum alterû vates asseruit melasse Lunam
ardentius; alterû succolatu fabulantû astra
portasse. Quisquis ille fuerit, alterutrius vna
tamen est optio, quum presertim vterq; fuerit
Stellarum cognitione spectatus. Huic

inde altius sanguini ducto fidem astruit scutatum tuæ domus insigne, in quo cum fidere, atq; Luna crispum hominis capillamento caput ostenditur. Hæc fuit principio viua illa scintilla, qua mihi ad perdiscendos cœli cursus, terrarumq; globos ardens animi reluxit incendium. Hoc stetit quam vigilus mihi consilium, quo duce ad calcandum pedibus ocium primos schola mihi fores aperiunt. Nec putes quod pro tot dulcibus studii sudoribus Augusti mihi, aut Mecenatis premia sponderim: Noui satis quid ferat Principum rapax, eruscatrixq; cupiditas. Ego potius omnem hanc insumpsi operam mihi, vt Lauræ nomen, miro Petrarce preconio cantatum, nouior altera in me custodiat eternitas: Aeternitatis autem vsquenunc iacta fundamenta sat arbitror ex illo miraculo multotum, quo prima gloriæ mihi repositio paratur, velut quæ omnium sollicito quodâ miraculo puella adhuc, & rara forte mulier insurgam: tantulus est quippe ille nitor eloquii, quo absque buccæ meæ jejunitas, immo fames ipsa nutritur. Stat aliqua tamen ingenii capiendi cura, & peracris animus

ad præstantiam ignitabulo virtutis aspergitur. At famæ testimonium publicum est ipsa institutione parumquanto grandiusculum: verum eniti mens est, ut rumori par studium digestos ab Atlante, Endymioneq; siderum cursus, in æterna illa cœli conuexitate mediatur. Vale Prædictæ Iulias.

Laura Ceretæ Petro Serinæ Consorti. S.

Epist. VI.

FVnestam orbitatem tuam super immatura morte Nicolai adeo præ te fers, ut inter obortas lacrymas, quasi te perditum eas, & iam viuendi spes omnis videatur animo depulsa. Num memoratissimum Te, & fortissimum fortè præterit, quod mori omnibus ita natura destinat, ut boni soli bona morte fungantur? An etiã si mala forte vixisset, capillos ne tu scindere, & clamare, aut tundere pectus alieno in funere conduceris? Num oblitum Te granditatis illius animi tui misella crediderim, qua sub exitalibus annis vidisti tenellus adhuc laborare familiam tuam, tabida peste ruentem? Velim

ipsa iam, atq; oro, quia tempus est, vt restituas te tibi, qui maiore officio obstringeris mihi, quàm mortuo. Vir enim atq; Vxor eatenus mutuo se amant, vt nullo xuo ab amore declinent. Erue igitur te tandem his fletibus, quibus tam acerbe, tam acriter tangeris, ne aut indicere bellum tibi, aut lego Iulia, in Deos, animarum fures, repotundarum agere videaris. Reminisci debes, quòd etiam si Nicolao te fata donarent, esses tamen carior multo mihi, quàm illi, velut qui iam sumus, erimusq; semper vnus animæ Duo. xvi. Kal. Aug.

Francisco Prandono I. C. Laura Cer. S.

Epist. VII.

Petrum Serinam, Virum, absentem inter presentes curas humaniter ipsa tibi quantum possum, suppliciterq; commendo. Is enim hinc ad Venetos facessens, pro numero rato dotis argento, syngraphi signaturam omnem prospicienter explorandam examini tuo reliquit. Verùm sollicitus incumbenti mihi huius indulgentiæ credidit curam.

Hanc

Hanc igitur ut centoculus singulis impedimentis passim expurges, rogatum te admodum volo, ne jejuniior fortassis opinio Marti ab spe Vxoriam diuersum teneat quicquam. Non habet me falsam tua comis humanitas. Noui dudum teneritudinem tuam in tuos. Scio non dedignaberis orata filiolarum. Fac sciam nostri gratia quid egeris, quod sine vigilantia non scire non possum. Vale. Pridie Idus. Sept.

Petro Serina. Laura Cereta. S.

Epist. VIII.

Agis me socordiam, & ream aggredieris longi silentii, velut quæ ad extraneos scribens, Te præterierim solum, tanquam oblita: quum potius præ cæteris doctis honoratum tibi gradum ascribam, à quo quamquam pro honore tuo quidquid habeo doctrinæ suscepisse me gloriari, ad hæc tamen pro aliqua excusatione Epistolaria blandimenta non dederim, ne forte impunitatis spes vlla possit esse peccanti. Semper enim blandimentorum augeps fallendæ amicitia

retia distendit. Sola igitur veniæ mihi fomes
 est innocentia; Innocentiæ verò incentivum
 est Iudex; neq; enim debeo absq; Iudice ab
 absente deferri, quum videatur contra eum,
 qui absit, insimulatio suspecta; aliter enim
 possent incusari vel Dei: sic accusatio tua
 crimen accusati requirit, neq; in causa
 confirmatione testium opus est, aut argu-
 mento probandi. Silentii admissum hoc
 ipsa non inficior, modò, qui me accuset, a-
 ctor ipse compareat. Hæc non est longius
 protrahenda cognitio: Causam alii à sub-
 sellis ad rostra deferant: Acquiescemus nos
 ipsi primo iudicio, quum præsertim com-
 muni nobis pater sit Iudex, qui ut est vel an-
 te Athenarum Arcopagitas integer, non suo-
 rum causa dijudicat, sed omnium. Venies
 igitur, si justè me arguis, neq; bidui præteri-
 bis terminum, quod vltimum tibi medio fo-
 ro preconius clangor instituit. Vale. Pridio
 idus, Iul.



*Francisco Prandono I. G. Laura Cereta. S.
Epist. IX.*

Instat nunc proximus Mariti remigrantis
aduentus : instat vel proximior torporis
mei culpatio, ni adeo preces ad te meas pro
charis jure suo, suisq; viribus integrandis
admiseris, vt ille in reditu suo id probe exo-
raturum inueniat, quod me, pro credita rei pro-
uincia, oraturam esse fidebat. Hoc si nega uo-
ris, quod habes in plena manu promptissimū,
quibusnam auspiciis ea sperabo, quæ fractum
labore corpus die noctuq; fatigant ? Non est
humanitatis tuę largitas nobis abscondita, quę
cōmodis etiā proprię utilitatis irata, consue-
uit vel ignotis, pro facultate, prodesse. Dicam
nunc inuita, quod mihi non minùs animum
tangit fortè, quàm tibi : Sororium tuum, atq;
Sorore n sub octaua iam luce febrium te-
net immanitas. Vale. Claris. Quarto Idus
Septembres.

Laura Cereta Petro Serina Viro suo S.

Epist. X.

D li meliores, quibus innocentiam tueri datum est, ad quos nam mores, ad quæ tempora nascituram me hæc ferrea sæculi vicissitudo seruauit! ut siue fileam, siue scribam mox probro mihi & reticentiæ dentur, & litteræ. Ego quo scopulo iste ventus erumpat parum assequor. At si tamen, iudice te, silentium est sermone rusticius, hoc mihi medium superest, ut de hinc, vix alleuatis labiis infusurrem. Nam, quando fari redarguebat me pudor ille virgineus, iubebas, hortabaris ipse me sæpe trepidulam, vellem tandem à per fusa formidine pectus eximere: nunc autem vel secuta sermonis à culpa non absum, velut argumento cauilleris, quòd vel taceam irata, vel loquar impulta, quum neutrum veritatis facies admittat. Consilio hæc à te torte adinuenta sunt, ut dubio velo dubiores undas inter Scyllam Charybdimq; subremigem. Hæc dolore proterius atq; lacrymas res digna est, quæ

me deinceps absumat, & rodar. Sic gratulabor tibi Vir, vitâ mihi carior, quod auctus hinc Venetias migraueris, relictâ mihi materiâ plorandi. Sed hoc mihi perpulchrè, oportunèq; contingit, vt ipsa quoq; parere cogar Tempori, atq; Fortunæ, quam, ni catholica fide prohiberer, ego Deam, omni potentemq; vocarem. Vale xj. cal. Aug.

Laura Cereta. Veronica; Matri. S.

Epist. XI.

FOelix nimium ad limites, atq; albo lapillo numeranda lux, qua perfusæ gaudio pulchrescentia illa floribus prata, & glareis, circumlabētibuscq; riuis ornata lustrauimus. Concinebant illic sub radiis matutini Solis aues garrulæ. Venere vel obuiam cantilantes biforis auenis, atq; arundinibus agrestes, qui innexi vincula serpea, vt primum curru descendimus, cogeant oues alii, atq; alii vbera distenta premebant. Tunc passim venientis armenti mugitibus arua replentur: Stabant autem horto medio tenta tentoria, gibbosa puella patriis quibusdam fabulis dulci

dulci cantu aures mulcebat, & ubi canoris
 mox respondebant fidibus numeri, Threïcio
 & digiti pulsabant pectine voces; Sic indul-
 gebant choreis plaudentes illius plebeculæ
 pedes, quos, vel saltuantes, timpana buxulq;
 vocabant. Ibi salicum albicantium nemo-
 rosa syluula amœna densius sub opacitate
 frondebat. Idaliæ ibi Cytheræq; locus, sub
 quo non Dryades solùm gratis umbris, sed
 volupe vel ipsæ possint Nayades, Napeæq;
 fruisce: Visebatur enim quaquauersum, deli-
 ciæ meæ, viriditas. Sic lepidè atq; lautè ci-
 uiles animos ruralis affectus implebat: Im-
 plessset tamen urbanius, si totiens in Saturna-
 libus perquisita, conclamataq; venisses. Va-
 le. Nonis. Sep.

Laura Ceretæ. Angelo Capello. S.

Epist. XII.

Miraberis, certo scio, quòd adolescen-
 tula, pauculis superimbuta litterulis,
 hæc ad Te, ingenio magno præditum, sim
 ausa describere, quæ vel excellentes doctri-
 nâ siderum viros ab temporum deterruere
 mo-

momentis : sed suavit mihi Tua virtus hoc
animi habere, & securos stimulos ad hunc
errorem Tua mihi dedit humanitas, tanq; is,
qui iurē excusatā habeas hanc sciendi eu-
piditatem, quæ apud me non est cognitione
ætatis suæ contenta. Aemulor enim, nec pos-
sum opinioni satiare, ad perdiscendam cor-
porum Cœlestium disciplinam, vt non dicam
Naturam modò, sed aurigam naturæ Deum;
altius velim agnoscere: Tantum est humani
intellectus desiderium, tantus ardor, tanta
intus anxietas. Ego propterea etiam si iudi-
cii nihil habeam, hæc ad Te, litteraturæ Co-
lonum, ita scripsi, vt mendacum mearum ra-
mos ac frondes ab umbrâ, & opacitate ru-
ditatis excutias. Digessi igitur his chartis,
quid nam sub octauo Calendas Iulias agant
venti, quæue nubes cogantur spissius, & qui
nimbus decidat præceps, aut qui Apollinis
radii dubio sub cœlo corruilient; Vt me pu-
ellam adhuc, & Epistola; & oculis charita-
tis agnoscas, vtq; nos, qui rusticationis græci-
urbicas ædes exuimus, florea tunc prædi-
um prata, muscososq; riuos, atq; coctas sa-
libus messes, & duros agrestes, frumentatun-

euntes, in herbida tua illa sub diuo viriditate
miserant. Ibimus (si duxeris) & redibit no-
bis, ne dubita, uel aeris, uel animi tranquil-
la serenitas. Falsoſer igitur Planetarum ille
Senex hac ea die Occidentalis retro gradus,
& in ſua frigidityte & ſiccitate terreus, ad
Boream deſcendens, erit in Auge, ac ſiccita-
te ignei Sagittarii ſub gradu quinto nonæ do-
mus cadentis in figura cœleſti. At Iuppiter
ad oppoſitionem Phœbi retro procedens, &
ad Septentrionem declinans, uelut in natura-
li caliditate & humiditate aerius, in decima
domo apud angulum medii cœli, & procul
à caſu ſuo gradibus nouem, ſub terrei frigi-
diq; Capricorni gradu ſexto contrarius mi-
grabit, pluuiæ fortè guttulas (niſi impeditus)
vrinans. Mars uerò ſiccus atq; igneus, à So-
lis æſtuofa conjunctione recedens, & ſub an-
gulo Orientis directè ad austrum accellerās,
in Triplicitate Arietis Domus ſuæ ad tertium
iam ſigni gradum ſub radiis ſerenitatis ac-
cedet. Sol autem ad quartæ domus angu-
lum terreum directus, & in ſuo ſicco peru-
ſtus, in frigidum atq; humidum vndecimi
gradus Cancrī præliabitur, ante tamen exal-
tatio-

rationem Iouis in illo gradibus quattuor, & ante casum Martis gradibus decem & septem quasi completis. Ibi maximus Illustrator Orbis iste Planeta diurnum Veneris dominium, & viralem domum Cancri tenebit, qui quum Stellis vna de viginti totus explendeat, tunc solum septem Stellis directus, sub fugientis trianguli figurâ fulgebit: Sed Venus per devia post Solem ad occasum oberrans retrógrada, septem Aquilonis Triones aspiciet, & in calido atq; humido generatiuo aëria in Geminorum Auge meabit ad tertium decimum gradum, in Triplicitatis congermana complexione cum signo, non tamen sine aliquo motu ventorum. Ita Mercurius, ad Boréâ lineam directus, Solis ortum sequetur in septimo grado quintę domus succedentis, atq; ignei Leonis complexionem siccam ad communem conuenientiam per suffocationes aeris trahet. Luna demum à globo terrę eminentissima, ac in suo frigore & humido aquatica, ab ardentis Arietis siccitate temperabitur sub quarto gradu primę domus orbiculatę figurę, vbi gratas nobis locorum mutationes infundet; quamquam


tunc Caput Draconis in Piscibus auarant fortunam importet. Itaꝑ; inter distantias aspectuum, & Linearum cœlestium huius diei Luna, nubes polo croceas spargens, in quarto laborabit ad Solem, fortunatam demonstrante meridiem: erit & in quarto ad Iouem, alto laxantem aliquos ventos: Erit vel in Trino ad Mercurium, & Saturnum, rura colentem; atꝑ; in sextili ad Venerem, ibi flexui nostro oblandientem in campis. Verum Solis, & Planetarum inter se vacuus prorsus curret omnis aspectus: Sed erit significatio huius diei sub vndecimo gradu Cancri, Azamena, eritꝑ; Terminus Veneris, atꝑ; facies Mercurii, ac Sexus fœmininus, & qualitas lucida, lucem sub primis Vesperis omnino promittens. Quare quamuis ad Planetas erraticos non omnino signa in obliquo circulo pro diei claritate concordent, plures tamẽ & majores dignitates ad serenitatem, quàm ad imbrium portas accedent, maxime verò quum ista dies vix quinque minutis secundum Græcos ab æstiuâli solstitio ceciderit. Vale. Nonis Iuniis.

Diane Ceretæ : Lauræ Soror. S.p.d.

Epist. XIII.

H Eris, & nūdius tertius vnas atq; alteras litteras tuas desiderio expectatiore suscepi; at spei longē fructus modicos lecti-uncula brevis excussit. In his enim tu me frondentem nunc Laurum effingis, nunc Apollinis Sororem appellas, quum potiùs inter delectas arbores tenerrima surgam arbuscula, & vix dicar inter Musas, Apollinea Pica. Tu propterea; dic quæso, vndenam pollet in me ingenii tanta fœlicitas? aut ex quo argumento conjicis has fabulas? Fabulosa (non te præterit) audiuntur negligentius à doctis, quos semper pro maiore sapientia, veritatis delectat examen. Quid absolum cogitatu putas, si quæ de me prædicas, ea ore meo, per organum tuæ vocis, judicentur esse prolata? Ego mihi conscia sum, me tantæ laudis esse non dignam: Quòd si fortè dignarer, sunt tamen multi, qui verisimilia non credant. Timendæ quidem suspensiones, vel falsæ omnino sunt. Parco igitur posthac de me

ferre tanta præconia : ne aut in Sorores peje-
rare Castalides, aut cupide te nimis in meam
gloriam habere videaris. Scis tute ipsa, non
ambigo, quòd erroris tui causæ in me vltro
redirent, si iudicaret id falsò amare, quod
probas. Fallitur tunc maximè (ne dubita)
noster animus, quando ad corrupta deside-
ria, ceu tractus sine auriga currus, fertur in
præceps. hinc oro Te, Soror, vt segnius ad
honores acceleres. Maioris enim roboris
sunt, quæ seriùs, quàm quæ citiùs exurgunt;
Nulla nanq; potest sine industriæ tempera-
mento laudari celeritas: Quippe qui dulcio-
ribus iudiciis hominum delectantur, hi sæpe
vel fictæ virtutis umbris illusi, vel aduersis
casibus fracti, ridiculam turpitudinem falsita-
tis incurrunt. Studiorum itaq; delectatio non
debet extollentiæ premio, sed virtutis causa
fatigari. Nimium satis arbitror, quòd do-
ctrinæ viam ingressi, sapientiæ sibi sunt ven-
dicatores & gloriæ. Vale. cal. Iulius.



Alberto de Albertis I. C. Laura Cereta. S.

Epist. XIV.

Suspicebar, & nunc auguror, imò fortè
scio, quid iratum tibi reticentiæ meæ
succenderint; Quandoquidem neque me ha-
stenus de iniuncto silentio reprehenderis, neq;
pœnitenti mihi verbum vel vllum de confes-
so errore reddideris; quasi Te adeo charita-
tis paternæ pœniteat, vt indefensam me du-
riter à promissa filiatione pepuleris. Hoc
quamquam iustum tibi, atq; honestum forte
videatur, habes tamen de officiis hanc le-
gem, vt tardius amicitiam ingrediaris; in-
gressam verò cures, studioq; defendas. Indi-
gnū est enim de eo pejora sentire, cuius ami-
citiam ante probaueris, quum feratur in præ-
cognitum nostra voluntas. Iam Tu scire de-
bes, quomodo hanc ipsa volens non patraue-
rim culpam, sed loci potius, atq; temporis,
negociosa necessitas; Ego igitur si pro tua
virtute tui tantum itudeo, Si vel tu mihi es
intuitu patris amictor, quantumnam errato
meo anteferti debet vetus pietatis illa reli-
gio,

gio, quæ, paterni pueritiæ fibris enixa, ad robur tecum virilitatis excreuit? Si te non miseret Turni, miseresce ultro lacrymis Dauri, & vincat inuictum animum tuum vendicatrix gloriæ clementia. Ah non debet generosa mens, tantum furori concedere, ut destinati propositi duricies orantem ab ignorantia propellat. Hodie, ad prostratas voces meas si pacatior indignatio tua refruxerit, hæc presto erit mihi pœna, quam sponte pro iniuria feram, ut longas, & plurimas ad Te quam primùm Epistolas mittam. Vale. Idibus Octobris.

Laura Cereta. Petro Stella. S.

Epist. XV.

IAm medium abactæ noctis Luna tenebat, quando semisomnes oculi, & sopita mēs, hallucinantiq; similis calamus mandabat dictoris eam, quam ad Te scripsi nuper, epistolam: Quare vlla Te admiratio non habeat, si me dormitantis erroris, vel frequens mendæ deluserit. Hinc ignosces sopitæ celeritati, non mihi. Verùm perhumanæ professio-
nis

nis studia Te hortor, vt nulli prius hanc ipsam perferendam litterulam ostendas, quàm minutatim in particulas mille depexeris. Scio autem non dedignaberis id mei gratia fecisse, quod vltro faciundum ipsa Te docet humanitas. Vale. Decimo. Cal. Octobres.

Laura Cereta. Io. Olinerio, Grammaticos. S.

Epist. XVI.

CLeopatræ lautissimas cœnas pridianis solennibus refertæ mensæ vicissent, si consedissent. L. Plancus, & M. Antonius Reginae commensales apud Ægyptum; Nec cesserim tamen his Cōsularibus Viris, quum Tu alter Apollo sederis inter Musas, vt eram⁹ nouem. Erat Xenocraticæ Academicæ instar apparatus tuus, & Platonium istic mihi videbar intueri Symposium, vbi frequens sca-tebat illa fornicatio scholarium, qui circunundiq; nitido & accurato tapet es instrauerant, opsonia vicissim, atq; dapes vltro citroq; gestantes. Aderant infusi tot figuratis flatu cyathis Parnassi latices ex murano.

crystallino fulgentes : Nec recessuerim no-
 bilius vinum, quod phialæ ex insulis Chio, vel
 Lesbo monstrabant, quum iteteret Romana
 lex contra mulieres, ne vinum, terræ sangui-
 nem, biberent; licet tamen sine culpa vratur
 temperata sapiens potu ciboq; pretioso. De-
 dit primùm & Ficus tua primitias, nescio an
 hyrcanę, chalcidicęue fuerint, an rhodię, sed
 tempestiuo certè flore, & suauibus granulis
 intro perdulces : neq; his sibi fortè siccauit
 Liuia Pompeja meliores: His additus est pu-
 micosus, ac leuis spōgiosus fistulis panis, quem
 farina candidior, atq; ex cribro excussorio
 stipatius percolata formauerat. Sequuntur
 Columbæ, pudicitia & fide conjugii notabi-
 les, atq; item breuioris vitæ passerres, opima
 nec non Deotum placatio virulus, & gallinę,
 Deliacoreor carceri faginatæ, quas hinc le-
 bes, inde veru, contra C. Fanni interdictum,
 ministrauit opiparè. Condiebant hæc mau-
 ritanæ citri, & cerasorum acida illa maturitas,
 dulcedini mixta, quam Italiæ infelix
 bellum Mithridatis inuexit. Post hæc gra-
 tius epulum elargitur, quod intra neruofas
 carnes juris congelaciauerat gelu. Medio-

ecce fumat torta, eroco, lacte, atq; ouis in-
 torta: hac amotâ venere cadi, quos coa-
 gulata densitas concreti lactis impleuerat,
 sed illo fortè dulcius, quo Zoroastres tot an-
 nis in Bactriæ deserto victitasse perhibetur.
 Ornauerunt deinde omnia exiles illi pinea-
 rum nuclei, grato zuchari adulterio celati;
 Nec defuere demum Auellane, quæ possent
 macris ad pinguedinem opportunè conferre.
 Hæc etsi delicata sint, omnium tamen pri-
 mam gloriam Consorti tuæ dederim, vt est
 in omnibus vigil, & ingeniosæ sollertix. Nol-
 lem tamen pro honore tuo, venisset arbiter
 Cyneas his sumptibus, cujus monitu ego Te
 hortor, vt largitatem tuam dehinc frugalita-
 te sic temperes, quo venientem. M. Curii ven-
 trem, non Sardanapali gulam expectes.
 Vale. Idibus Iuniis.

*Clementi Longulo, Grammatico Laura Cer. S.
 Epist. XVII.*

Cato, & Socraticus Xenophon concor-
 dem hac legē omnino tulere, vt dictu-
 ri considerent, ne cogitationem lingua præ-

curat. Hinc ego non ἀκαιοῦρικῶς, neq;
τροπολογικῶς, aut ex stomacho, sed aperte
atque humaniter, quæ de te ferantur, expo-
sul, Siue illa testes φιλαλήθεις inuenerint, siue
δυαῖρις, καὶ χαλεπὸς culpatores habuerint :
Quamquam tamē semper defamatores odio
non minùs, quàm adulatores habuerim, quip-
pe quod utrique pariter credentibus injuri-
antur. Sed nugatorium obstrepant impii.
Ego te virum probum, & scientem, inter li-
beraliter institutos, existimo. Tu ab opinio-
ne, quam habes de me, ne longiùs aberras.
Vale. Pridie cal. Nouemb.

Laura Cereta. Syluestro Genitori. S.

Epist. XVIII.

Vix recens cōmigraueram Claras, quòd
intentim ad me se recepit vulgus in-
doctum, & repentina nescio qua doctrina
præditi quidam, quos de litteraria cognitio-
ne mea (quotula tamen illa est) inuidentiæ
ægritudo susceperat. Horum consputus liuor
quamuis ad cholera stomachari me fecerit
interdum, non sum adeo tamen agrestis, ut

eos ab vicissitudine scribendi rejiciendos existimem, qui me, vel precario chirographo compellatam, ad epistolare certamen asciscunt. Noui ego infrontes æmulos, qui, postquam ultra fidem majus à me fortè aliquid, antiquiusq; susceperint, nullum habent causarius colludium, quàm ut de ingenii celeritate illâ jactent, qua ignauiores litteras meas subitariis ad me litteris suis inauspicato properanterq; præcursitent, quasi velint repentinum antistare integritati pensatæ. hi velut alti quidam Alcestides Euripidis morâ illam, maturatos versus æternantem, incusant: Ingenii verò sui celeritatem, mox euncta euolantem, extollunt, quum suamet illa scripta, ut passim effunduntur, ita passim euanescant, futilius, insulsiusq; neglecta. His autem inanibus grammaticulis hoc propterea poenitentia solum euenit, quia pudet eos illud à me ignitabulum excita sse dicendi, quo jure perpendant vacuam animositatem suam non posse eum oratorum opinione conferri: Hinc vesicariâ tumescentiâ sufflati, crebrò se se excusationum rotatu volutant, & tanquam faces incendii venena maledicentia declamant.

mant. Sed abditent se se clanculo curiosiores indocti sub cæcis insidiis: Non est ingenii nostri in rasitatis falce pratis occulere. Vidisti plurima ipse tu scripta, quæ miserint. Habe vel hanc censor biduanam Epistolam, quam horaria Epistolæ meæ contra iactantiam eorum ipse componas, ut liquidius ex opposito stili proportio resurgat: Sic facile intervtrantq; cognosces, quum presertim ex vna materiâ vno sibi sub argumento respondeant. Vale. cal. Februariis.

Michaeli Baeto Physico. Laura Cereta. S.
Epist. XXI.

EGo dudum abs te letos rerum prouentus, quibus feraciùs amnes proflui, atq; aeris volucres, vberesue horri redundant, pingui quapiam largitate suscepi: jamq; rei adeo me puduit, ut quasi perteduerit defatigatio illa donorum, quum presertim non ex vulgari necessitudine, sed ex virtute solâ sis nobis amicus. Amicitia namq; beneficiorum muneribus illecta, relabitur, & turpius habetur interdum amici liberalitate, quam hostis

hostis injuriâ superari: Ego enim non ex tuis donis, sed ex tuâ scientiâ egregium honorem Tibi non immeritò fero, qui eas ad me litteras habuisti perhumanas, à quibus non fidei munus, quàm scientiæ suscepi. Physicos enim fideles, ac scientes inuenire haud facile est: sed propositi metas egredior. Ego tecum hanc legem de conditionibus munificentiae patiscor, ut plenam manum post hac erga me, contentam paruo, cohibeas, vsquedum totidem acceperis, quot remiseris, æquâ benignitate, munuscula. Aliter enim è diuerso concurreret sibi contentio largiendi; Sic studio emulationis adacti, aut profundemus ceratim opes attritas, aut cum notâ cupiditatis utraque ab alterutra se subtrahet manus. Vale. Pridie Idus Decemb.

Alberto de Albertis I.C. Laura Cereta. S.

Epist. XXII.

EGō licet in hoc ocio has circum villulas oberrem, peregrinatur nihilominus, rusticitaturq; mecum pietatis in Te meæ sanctæ memoria: Nec obstat ob hoc tamen, quin
agen-

agenda sim injuriarum, & violatę charitatıs
in patrem, neq; facilis excusatu, rea, quod
nullas olim ad Te litteras dederim; Immo
subirascor ipsa mihi, & puduit iampridem
subodiosi, & tam longi silentii. Sed ob id
non possum abduci; quin sperem hoc erra-
tum meum expiari posse, si vltroneum in hoc
mihi ad tuum tribunal dixerō diem, quo in-
ter justos misericordius nihil est, nihil hu-
manius; quum presertim hoc scribendi onus
aggredi segnis non formidauerit manus: Est
potius crimini dandum nomen illud amicit-
tię, quod tantum ab vtraq; parte, summis
officiis inter Te patrem, & Parentem meum
cultum est Huic enim in dies, vbi ad Te scri-
bere niteretur, fluebat guttatim extemplo
perfusus imber oculis: Ita depositum sæpe
calatum resumebat, & deponebat resump-
tum ingemiscens, secumq; suspirans; velut
qui Te perditę, afflictimq; zelaret, a deo mu-
tua vestri, atq; incisa cordi teneritudo altiüs
increuit. Sic ipsa noxam hanc licenter, ille
violenter exercuit. Oro igitur, vt & genito-
rem ab injurię silentii, & genitam ab isthac
curę velis absoluerę; quum præsertim ad po-
testa-

testarem Iudicis à muitâ sit reuocatio, inspecta causâ vel delicti, vel rei. quòd si rem ipsam enucleatè pensaueris, fies quanto grandior, tanto ignoscentior; nec me tamen recipies in fidem, à qua nunq; descriuerim, sed in hoc potiùs rusticano tugurio culpæ meæ rusticitatis ignosces: tamen si villaticæ plebis hujus facietas jam tenere me cœperit, vbi via, & angiportus omnis ruderibus sterquilinioq; repletur: Hic enim in conspectu attinguntur testes, hic scandulares casulæ pastorum: hic duri agrestes alii greges agunt, alii cogunt armenta, hinc currus ducitur; inde in equos obstrepit agaso: huic obsitæ squallore vestes sunt, ille detritus jam atq; horridus laboribus riger; Multi rurestres mores, pleriq; verò degeneres loquelas exercent. Sola nobis inter calores respiratio muscarium. Vale. Tertio nonas Febr.

Laura Cereta. Constantio Ben. S.

Epist. XXIII.

Alterna gratificandi vicissitudo à tuo certamine munerum me nuper ab-

abiterruit; Est enim in liberalitate pari per-
quam impar effectus. Nam quanto magis
Tecum de largitate contendo, tanto fortius
meas vires meis viribus tondo. Vincor namq;
ita inter experimēta largiendi, vt omnis mea
largitas in conspectu munificentiae tuae eua-
nescat. Sic probitas probitate conteritur.
Hinc institui amplius nō aggredi tecum hęc
prēlia donandi; maximē verō quum ami-
citiae lex omni penitus utilitatis sit expers.
Neq; enim mercenaria est charitas, quae non
fructu, sed liberā voluntate nutritur. Vicisti
me, fateor, sed velim tamen ab hoc genere
victoriae, cum pro honore meo, tum verō pro
tuā utilitate desistas. Quāso si omnia in me-
dium habent amici, quid confert mihi ē sum-
mā rerum habere minimam partem? Om-
nia Amor est. Ego tanti Te facio, quanti est
Amor. Tu inter cariores me habe carissi-
mam. Vale. Nonis Sept.



Ad Regium Oratorem Franciscum Fontanam.

Laura Cerete Execratio contra Fortunam.

Epist. XXIV.

LOcauere Majores nostri cœlo Fortunā,
& illi Romæ templum inter Tyberim
Ianiculumq; fundârunt. Huic vltici Rham-
nyenses gladio cœsum aduenas in Euboea li-
târunt, antequam collatis signis aduersum
hostes exirent. Hanc & Alexander, quando
in bello Persico Darium fudit, capiti galea-
to portauit insculptam, & credidit hostes ex
illius toruæ imaginis aspectu fugasse. Non
est apud me admiratione res digna, quòd de-
cepti gentiles suum quique consilium in suâ
fide tenuerint; Sed neq; sine contemptu &
irrisu christianorum est, quòd hoc erutum ex
abyssu tenebrarum Numen in aduersis ita
formident, vt illud testari videantur imperio
cunctis & auctoritate præesse; quum hoc po-
tius absurdum sit poetarum & inane figmen-
tum, cui primas citra Dæmonem debemus
habere blasphemias. Nec vlla omnino ra-
tio potest adduci, quin ludibria aduersus For-
tunam

runam hanc omnes, omni cum indignatione,
 paremus, Aduersatur enim illa nobis, & pro-
 fundo suæ malignitatis intuitu infert ea ma-
 la quæ ipsa non patitur. Hanc tamen auersi
 à Deo fecere Deam : sed hi maxime, qui pe-
 jora tulerunt, arbitantes quod ex eius ira
 vindici, & citæ in nos, & lentæ veniant offen-
 sæ. Verùm aliud, atq; aliter qui veritatem
 conspiciantur, explorant, & retorquent, rur-
 susque texunt causas, quibus cognosci datur
 hanc ipsam esse rerum euentum, qui, pro in-
 clinatione sortis, nunc accidentibus mollis-
 simo quodam afflatu, nunc aduerso contra-
 stat occurso. Hæc igitur ista temporis, atq;
 hominum incerta mutatio incertum habet
 & inane subjectum, quod dubio & ambigui-
 tate cuncta perimplicat, nimirum impel-
 lente hac, quam Fortunam appellamus. Se-
 nior ille Hannibal à Diulio apud Liparam
 nauali congressione cõteritur, atq; huic sub-
 rogatus Hano, à Cornelio in mari Corsico
 fusus, cultro confoditur : At Regulus, qui
 Hamylcharem, & duos vicit Hasdrubales,
 à Xantippo Lacedæmone catenatus interiit.
 Dum verò Mauritaniam popularetur Ha-
 mylchar,

mylchar, Cotta exercuit enses in Pœnos: Et quemadmodum Magonem Scipionis frater in Hispaniâ deuicit, sic alter Hannibal, post fufum Fuluium, Marcellum Crispinumq; tranfegit: Non aliter Fabius Max. Chartal-
lonem cruento prælio bellauit. Sic alius Hasdrubal, in Hispaniâ à Scipione superatus, apud Alpes postmodum Cannensi quasi clade spirauit. Sic Consul Claudius Romanam Classẽ ad Drepani portum amisit; ejus & reliquũ postea C. Iunius naufragio in profundum ferri conspexit: Nec minùs infœliciter egit in Hispaniâ Sempronius, quàm hosti cessit in Herreruâ Marcellus. Sanè Pœnorum tametsi quingentæ naues igne Romano in conspectu dirutæ jam Ciuitatis exarserint; Romani tamen quinq;es nauali prælio fœlices, exinanitâ demum classe mænserunt absumpti. Postquam autem Antiochus ille, ab Aetilio Gabrione confusus, in Eûropam transiuit contra Romanos, & ipsi Romani, ad Macedoniæ se bella verterunt, Perseus Philippi filius, qui Danubio fugientes Basternas immerferat, ante currum agitur, ab L. Æmylio ligatus, licet & hujus exercitus à

hostibus reportauit maximam gloriam; sed
gessit in Asia postmodum bellum infœlix, pro
quo in Parthos exul humanitatem exiuit.
Contrâ proscriptus Conon, quem aduersum
imperauerat bellum, ad Artaxerxen accer-
situs Cypro fugit, & patriam suam Athenas
creditis ab hoste viribus ab jugo impenden-
tis seruitutis exemit: Nempe nil contulit Da-
rio formidolosus tantarum illegentium ap-
paratus, quo post restituta Assyriam, Scythas,
arque Asiam, Macedoniamq; deleuerat,
quin copias illi Milciades, post multas v-
trinq; cædes, abraferit. Nobile in fulmi-
nanti Cyro claret exemplum, qui quâquam
repentinis incurſibus, Astyagem fuderit, &
Croësum, à Scythis tamen, quos astu bellico
propter Araxem cruenta strage conflixerat,
cum ducentis milibus Persarum insperato in
montes circumuentu truncatur. Quis Nini
non horreat datum euentum, qui à finibus
Libyæ adusq; fines Italię alis victoriæ præter-
uolans, sagittâ demum exicalibus succis in-
feda in bello contra Cyaxaren, exanimari
se vidit? Quis horum, suo tempore fœlix, non
mansit inglorius? Quis considerare sat posset

eorum amentiam, qui non verentur adorare fragilis hanc conditionis humane Carnificem, in quam nulla criminatio esse potest absurda? Fatigat me, fastiditq; actio contra sanguinarum hoc Idolum, quod omnium turpitudinum ignominia cominaculat Satis ad argumentum videri debet, quod non est ea, quæ nos vexat, Fortuna, sed accidens, quod super contingenti disposito vel Natura, vel Deus inclinat. Quod verò dicimus ipsi Fortunam, id ipsum omnino nihil est aliud, quàm imaginatio vani terroris, quem nobis inuexere gentiles: Sed nos dum certamus odiis, aut ingredimur vias infestas, & subjacemus casibus, immiscemurq; periculis, hæc alternancia in alterutrum mala grassantur, à quibus sub dolore, timor excitur, & ex timore Religio. Religionum autem hæc illa est, de qua pejora dici non possunt, quod isto modo conuincitur. Non erubere Persæ pro Deo suo adorare Serpētem. Hircum, & Bouem celebrabant Ægyptii. Tauro patentârunt Hermontii. Equis Agregantini dedere munera. Heliopolitani coluere Ciconias. Quid quod Cretes in cêrimoniis suspirabant ad Capram?

pram? Ad Arietem obtulerunt Indi solennia?
Non est pudicum Pronebaros immolare canibus atris; neq; pœnituit infrontes Hyrpios rem diuinam stygio Diti parare; Nec visum est probro Pelasgis pro custodelâ pastoriâ, implorare Syluanum. Sic Dædalo fabro dies festos dixere Memphytæ. Sic hostias scytho-auri tartareæ sacrificauere Megeræ. Sic noto crudelitate Marti delubra posuere Thracæ. Sic Bryarçeo gentiuoro lenârunt altaria Titanes. Demiror autem vndecunq; sollicita, quòd Romani, in mores religionemq; spectati, furi Caco, atq; ebrio Baccho, & Veneri, & Floræ, atq; Accæ, impudicis fœminis instituerint ludos. Vanus quippe cultus iste gentilium, qui Bruta, quicue Dæmona, & inquinatos homines crediderint in cœlum esse translatos: Sed vanior multo, nostra credulitas, quæ de Fortunæ imaginario quodam nomine, certum sibi Numen obseruat, quum satiùs Fortuna sit nihil, & nihilo vilius esse nil possito. In hanc omnis theologorum schola declamat. hæc ista ex merito contemptu in obliuionem philosophiæ defluxit. & quamquam confutati Epicuri, atq; Euripidis in cr-

rorem suum illa reuoluatur enormitas, qua,
Deo Mundi curam esse negantes, omnia for-
tuitu & contingenti quodam euenire firmâ-
runt; reliqui tamen omnes in Fortunam con-
spuere philosophi. Hanc Aristoteles nun-
quam admisit, negauit Socrates, Plato con-
tempnit. Profanant igitur se diro perjurio,
qui inanibus Diis hanc Deam quærentes, nul-
lum omnino Deum habent. Hæc ego me-
cum recensendo tacita; temperaui parum-
per flebiles questus, quos tantus destitutæ vi-
duitatis ardor incenderat. Hinc propterea
visa sum mederi doloribus, dum presertim
in hac mortalitate me foeminam esse consi-
dero. Non debet enim multum super infor-
tunio tristari, qui humanorum stabile nihil
existimat. Mortalis datus erat mihi mari-
tus: Is spiritum, ante diem mutuanti Deo
restituit: Misereri, & casum versare animo,
possum, Deum vllius injurie insimulare non
possum; quum Dei fuerint, & mortui dies, &
vita. Ille autem, in folio æternæ diuinitatis
semper omnipotens, si non pepercit vnigeni-
to suo, quid putamus miseris nobis? Porro
defloret ætas omnis, & Mors communis

est omnibus casus; Sed vnus innocentis foelix
est obitus. Non ergo justos infœlicitat Fortu-
na vel beat: à vicio, atq; virtute omnis in
morte pendet euentus. Vale. Idibus Aprilis.

*Ad Felicem Tadinum Physicum. Laura Ce-
reta, Mortis imago.*

Epist. XXV.

Solatrix mihi fuit Epistola tua, quam præ
teneritudine cordis obsessi lacrymis
prius pertudi, quàm legi, tantus adhuc anxio
pectori mœror inæstuat. Harum vix media
lectiuncula delinictis rursus ocellis defluuia
subministrauit ad planctum: sic fletus fletum
euocabat, & duo lumina duo perspersi fontes
alluebant; quare in illa nimietate plorandi
mors volitans hunc intus Sp rîum monstri-
co horrore perfudit. Hæc enim sub lacero
mortalitatis palio voluta in me ringebat ora
pallentia, & frondentes inuicem dentes euer-
berâs, perrectas arcu sagittas minaci dextra
gestabat. Tartaream inspexi, & obscenis
vix ossibus hærentem hanc Fariam, quæ ut
erat luce capta, & spiris anguium reuincta

constatim, falce atq; cote se mihi objiciebāt infesta. Hoc ergo venientis imaginis subito incurſu perterrita, mox ſub intimis præcordiis in ſtuporem obrigui. Demiror impenſe, quin ſtatim in conſpectu figure cocytiae hæc animula, in ſe ſe reſtricta, refugerit. His ipſa in faucibus, atq; atro limine Mortis obſeſſa, nihil eſſe mihi poſſet optatius quàm ſi tunc contigiffet oppetere. Nam qui ſub ancipiti prælio inhorreſcentis Mortis Mortem retrocedentem victor inclinat, quid nam vlturæ pro vitâ ex victoriâ conſequitur, niſi quòd centuplicato ſcœnoræ miſeriæ morendi ſibi caſum ingeminat? Quarto Idus Auguſtis.

*Laura Cereta. Michaeli Carrarienſi, Phyſico. S.
Epiſt. XXVI.*

LEgi Litteras tuas terſas & graues, à quibus apud me, beniuolentia non minor, quàm vbertas eſſloruit. Tu un meis, ſi quæ pars erit fortè carioſior, non te velim ita repente pœniteat, excuiſſe puellæ; manus ad chartas, in quibus de oratore nihil eſt; jandum enim poſthabitis ſcribendi vigilis, vnus
mihi

mihi restitit labor in luctus quem Sors impro-
ba cordi per Viri mortem inflixit. Hoc itaq;
insanabili mortalitatis ictu percussa mortis
semper desiderio promoueor, vt demum mor-
te saltem immortalis efficiar, posteaquam
præteriti tenere me nulla potest obliuio: Ina-
nia quippe vota mortalium, quorum vices
incertas dubius vitæ dies alternat. Nunc tan-
tum superest mihi doloris, vt omnis eloquii
decurfus, in salo, atq; scabritiis hæserit jeju-
nior. Tu tamen in tantâ illa dicendi copiâ
non dedignaberis hac textam minutioribus
membris Epistolam, quæ ob decessos diu sin-
gultus ab calamo puellari consenuit. Idibus
Augustis.

*Alberto de Albertis Legistæ. Laura Cereta. S.
Epist. XXVII.*

Magna, & preclara de Tuâ in nos ami-
citiâ, celebrâtur, quæ & officiâ, & tuæ
litteræ ad patrem manifesta vtrique conje-
ctatione confirmant. Illæ nanq; hinc lacteo
fluuiio, inde totâ ipsâ imagine obseruantia
manantes, & monitis solari me, & persuasio-

ne nituntur afflictam: sed vulneratæ mentis
infirmitas adeo in præcordiis obrigit, ut hor-
tationum restitutione aliqua leuari non pos-
sim: Diseruiat enim me tacitam dolor; nec
possum ex desperatâ Fortunâ non angî. Fa-
tebor hoc, nec pudor obstabit, licet excors
forte dicar à multis, nescio an morte carior
mihi vita rettiterit. Felices nimium infan-
tes, quibus contigit in gremio matris oppete-
re. Renascentibus ipsa superiuixi lamentis,
& laui in perpetuis lacrymis, moriturę iuuen-
tæ pallidam faciem. Sanè beatiore me du-
xerim Atlantides, quas pro Hyâ fratre lania-
to deflentes, in sidus credunt esse trans latas.
Beata nec minùs Halcyone, quæ pro gemit-
ibus absorpti Ceycis transiuit in Auem. Quàm
possunt aptè leuare mætores Heliades, quæ
pro Phætonte delapso in Populos circa Pa-
dum vltro frondescunt. Contentare & tu
Phyllis, quæ in Amygdalum pro Demophon-
tis morâ transisti. Sat videris Lenire Scylla
passiones, quando pro adamato Glaucio sub
teopulis Siculis latras. Sic fugit ex oculis
Cyaneus planctus, ubi pro raptu Proserpinæ
liberæ fluxit in fontem. Sic pro refrigerio mi-

seri ploratus Hecuba post amissos regem & regnum mutatur in Canem. Sic pari misericordiâ Deorum Niobe pro filiis à Diana confixis in lapidem sub longo singultu tandem induruit. Hei mihi, insanabili ejulatu percussæ, cui optata mors imminet; atrox vita non cedit. Utinam saltem pagana defungerer, posteaquam non est in Christianæ libertate non vivere: Forsan auxiliarentur & casui nostro Dii, mutatores illi formarum, tam mœstè, suppliciterq; vocati. Nonis Aug.

Fælici Tadino Physico. Laura Cereta. S.

Epist. XXVIII.

Heu nascimur, serpunt anni, falluntq; vices, vis morbi tandem inoccupat, laxamur in mortem, tegimur cauo marmori, fugit ad umbras spiritus. Hinc manes curæ mortaliū, quæ sub fugienti vitæ somnio falluntur incautæ. Quid mortem miserriti memus, quæ non mortuos, sed viuentes in-torquet? Fleant potius, quibus in his viuendi molestiis longa dies euenit. Omnia mihi in optatissimi viri morte mors abstulit. Traxit
ad

ad oculos lacrymas dolor. Acerbitatis casum mei nescia complanxi: egi diu longum in gemitu: plorarunt vel corda ferrea mecum: nec potuit vnquam mens faucia mederi singulibus. Lugenda nanq; non fletu, sed ratione tolluntur. Redii postremo tamen, vt potui, & à commoti animi tanto percussu extinguere nitebar interni doloris aculeum. Posui aliquanto post lacrymas, non posui altiora suspiria. Subrisit interdum verecunda facies, dum spiritus affligerentur interorsum, adeo inter rationem & sensum regerminabat incerta confusio. Nam quamquam laniatum Hippolyti corpus ad vitam redintegrari potuerit, mens lacera tamen Apollinis sanari non potuit: Mortalius nanq; vulnus est, quod Amor, quam quod dolor incussit: Erat autem desideratissimus hic mihi nuptum ascriptus, vnus ille præter omnes, qui viuerent, optatus, & cujus vicissim redamato cultu omne animi studium deflagrabat intentius. Cal. Majis.



Alberto de Albertis Legistæ. Laura Cereta. S.

Epist. XXIX.

PROPOSUERAM summo studio deuium hoc,
atq; asperum dicendi genus ad lucis Tul-
lianæ fastigia prouehere; nec prætermittere
scientiâ quenquam ornatum, ad quem tre-
pidula, & debito cum honore non scriberem:
sed accidit heu subitarius certè nimium, &
tolleratu difficilis casus, vnde sementis illa
iacta est, quæ mihi funebres planctus obli-
gamento viduitatis accumulât. Nuper enim
è vitâ, non ex corde peroptatus ille mihi ma-
ritus, immo vix agnitus ipñsus sub aspectu
meo periit: Hunc misero luctu miserum equè
pectus immugit. Sanè agit intrinsecus me
dolor obsessam, nec manet residua spes vllâ
cordi, quod inerme & incautum vltima ferè
desperatio transfodit. Ego quippe, velut ex-
qui victima cum mortuo in mortem acta
mori passim videor nouitate morientis. Hinc
querimonia, in me deflexi mœroris exurgens,
aggressum ex improviso murum animi ma-
chinis acerbioris obrueit. Quare quâquam
in di-

in digressu tuo hinc ad te flebilis scripserim, quamquam vel ad describendum filialis obligatio me moueat, ipsa ego tamen, à commercio studiorum abstracta, cum Musis in nullo genere niteo, nec vlla nunc cum Apolline actione distringor: Sola restitit mihi querela pro cultu. Sic aruit sub eloquio virenti calamus excisus, & solitæ in lacrymas abire sententiæ. Eapropter non erit accusatu graue, quòd si junæ linguæ paupertina dos penitus ab ingenio confuso ceciderit: Quis enim mentem, dolorum obsidione perstrictam, ad tersæ orationis amœnitatem adiungat? Quum ergo consulendum sit mihi pro tempore, potius quam scribendum, oro Te, facundæ figuris exculum, vt frigentis Epistolæ absonus exilisq; decursus me tibi de violata tristitudine cordis excuset. Nonis Majis.

*ad Augustinũ Amylium. Lau. Cer. deploratio.
Epist. XXX.*

Voueram me templo Mineruæ, & credideram Musis totum ingenium, vt deciduos, errantesq; planetas, atq; item illos,
nunc

nunc statione retrogradâ , nunc verò inferiori , celeriorique cursu meantes , sub continuâ illâ orientium occultantiumq; se siderum conversione scrutarer. Quare quum argumentis scrupulosioribus quærerem , num Stellæ decurrenti cœlo inhærent affixæ , & in ipso immensitatis ambitu æquidistanter circunagerentur à nobis : Indulgebam, quam maxime poteram, studio, ut agnoscerem quæ nam superiores causæ, à metâ celsitudinis defluxæ, venientia super nos mala cœlesti quodam illo rore conspergerent : Hinc interdum ausum castigare deprauatas eorum hæreses, qui agentem sub terrâ lunam , & porrectos per nubes Phœbi radios, atque in glomeratas repulsæ pluias occurrentia prælia ventorum , sub decretorio die prænuntiant. Sed ecce , infœlix heu, sub æterno funere Mariti vulgare plorâdi viâ ingressa sum, in qua fidei Vxoriarum gloriam solo ipso laniatu ululatuq; reposui. Pro incerta Sors hominum : O improvisus rerum euentus : & ò virentibus ingentis inimica mortalitas. Invidit huic tranquillitati mētis Fortuna proteruior. Hæc irata mihi, instabilitatis suæ iacula in præcordia

inno.

innocentis inuexit. Hęc , vt inermi contraheret armata , turbauit otia studendi, & coelestium vestigatas subtilitates ad lugubres planctus hac obitus injuriâ retorfit. Hoc ita q̃ præacerbo vulnere, hoc animi noxio percussu vexata, reliqui delectationis omne pabulum, quo solebat vegetioris studii cura fruisi. Quid mirum, si dulces litterarum vigilias, & perquisitas rerum causas urgente Viri morte deferui? Irrepat enim subiitq; oculos imber, qui non orbatam modò faciem, vel sollicitum pectus, sed ipsam quoque memoriam, & totum ingenium ab omni dicendi gratiâ deleuit. Pugnent igitur pro misellâ me fictitii illi Dii litterarum in Deos; aut si quis inter eos conceptus liuor est, ponant hæc satius inter Saturnum, & Martem decernenda discrimina. Quid enim vlli istorum potest esse iustoriæ, si furtim in puellam, irarum belliq; nesciam, arma sollicitet? Quærenda est semper ex bello gloria, non culpa. Nam sicut hosti Deus pœnam instituit; sic & infontem, ad misericordiam debet amplecti, vt sit illi infinitæ potentiæ infinita maiestas pietatis affixa. Grandius nanq; Principi munus est,

est venerari, quàm metui. Hoc Romani clariùs tunc sanè monstrârunt, quando, post ejectos Tarquinius ob violatam Lucretiam, legibus decreuerunt obedire, non Regibus. Sanè pluri solet fides in Regem, quàm in Tyrannum torinido censerì. Hæc ego propterea de Diis, exempli loco, considerans, eos illos (pace loquar mali, quo angor) exoro, ut abstineant saltem ab amicorû injuriis, ne quando in affligentes cum improbis probi collatrent, & in præuenientem mortem ultro desperent, quam omnibus omnino natura destinat. Sed hæc consternatio est animi, sub passionum fasce jacentis. Considera nunc ipse Tu, quid mihi animi, aut quid gratiæ esse calamo possit, quem palpitâtis cordis exudans cruor intingit. Expectabas, certa sum, paupertinas litteras meas ingenio debere, & lumine eloquentiæ radiare. ¶ Habet in hoc Te deceptum opinio, & persuasionem fallitur fides, siue amor illam, siue fama pellexerit. Namquamquam in me de fide scientiæ sit multum, inest tamē exili stilo de fonte eruditionis exiguum: Neq; enim maximum esse potest in minimo. Secundo nonas Februarias.

Laura Cereta ad Augustinum Amylium contra muliebrem cultum Imprecatio.

Epist. XXXI.

RVri agebam solula, & in otii tranquillitate delectabar studiis humanis: at Tu interim de meo apud meos sollicitabaris aduentu, quasi magni pendere me videreris incognitam. Veni tandem febrientē Marito: Hunc moribunda visi seminecem, solavi meliusculum, fleui defunctum, cecidi super cadaver exanimis, & quæ me expectabat ad nuptias, ad planctum funesta domus admisit. Sic vnus, infandusq; annus me Puellam vidit, Sponsam, Viduam, atq; omnibus Fortunæ bonis orbata m. Sortis ista, non tua fuisse: nam quod tua efflagitabat humanitas, euenit. Gratias ea propter ago, quòd pluris æquo precio me facias, & anteferas in honore me, quæ talis vix possum inter Sarram & Hester, ac Sephoram Susannamq; censeri, qualis inter stellantes cœlo fulgores lucens illa noctu lampyris. Hinc satis vereor, ne oriatur hæc apud Te mea dignitas aliunde fortè,

tè, quàm existimatio tua metiatur. Puta visurum Te mulierculam, facie non minùs, quàm indumentis humillimam, velut quæ sum litterarum magis, quàm ornamenti studiosa. Ego quippe illi me penitus alligavi curæ virtutis, quæ non viuenti solùm, sed vel mortuæ possit omnino conferre. Sunt qui pulchritudinis ornatu capiantur: Senatoriæ potiùs castitati premium majus ipsa concesserim, quum præsertim apud formosulum iuuentæ decorem illesebrarum sæpe insentientia conflagent: At lumen venustatis honestas, & polituræ excogitatas artes, & pulchellos omnis tenerescentiæ flores exsuperat. Delectetur gemmatâ Cleopatrá M. Antonius: Integritatem imitabor ipsa Rhebeccæ. Quærat spatiantem Helenam Paris: Elegi pudicitiam imitari Rhachelis. Falluntur nimium pompis Vxores: Delirant magis, qui pro earum appetitu patrimonia dilacerant. Hodie amore mulierum Ciuitas nostra discipula facta est, immo spoliatrix orientis. Nulla ætate prodigalior vanitatis creuit hic luxus. Ingrediantur increduli stationes Ecclesiæ: Conspiciant plenas matronis sedentibus nuptias:

Intueantur eas, quæ maiestate superbâ medium per plateas populum secant. Harum hanc, atq; illam ex alienis capillis in summū verticem turritus nodus adstringit. Huic crines in frontem vndatim crispī dependent. Illa fuluos, ut colla denudet, auro molli subnectit. Hæc humero, illa brachio, ista collo in pectus habet monile demissum: Aliæ gulam sufferunt margaritarum nexu substrictam, tanquam ex liberis glorientur haberi captiux: Radiances item pleræque digitos gemmis ostendunt: Sed hæc ambitione fracti gressus laxiore cinctura procedit: Huic intumet angustiore cingulo pectus arctatum: Trahunt sericas humero tunicas aliæ: Aliæ fragrantès odoribus paliolo subteguntur arabico. Nec defunt, quæ cum scaligeris suppedalibus inuersos pelle proferant soccos. Est & peruulgatum in omnes, quòd lautiores aliq; sindonicis fasciis cuincta molliùs crura subtexunt. Emollitum multæ premunt panem in vultum. Multæ distentam à rugis falsò cutem expoliunt: Sunt verò paucae, quibus non sanguineæ facies cerusæ candore pingantur: Aliæ alio & exquisitiore cultu formosiores videri

derinituntur, quàm conditor formæ dispositus fuit. Pudet irreuerentiæ quarundam, lætæ genas ostro rubentium, quæ furtiuus ocellis, & ridentibus buccis venenata intuentium corda transuerberant. Proh deuorati pudoristrita frons: O curua in deliciis nostri sexus infirmitas! Quid nam ad gentilitatem imitandam restitit nobis, nisi ut ab auribus defluant armillulæ, carbunculis smaragdisque tremantes? Num ad hoc fortè gignimur, ut nostri vultus Idolum hæc impudicâ deuotione adoremus in speculo? An ob id in baptismo renuntiauius pompis, ut Christianæ Iudeas, barbarasque mentiamur? Erubescat in hac cupidine excellentiæ fracta nimis ambitio. Vereantur ab hoc tanto fastu lasciuia nostri furoris ingenia, & memores cineris, ex quo sumus, reseceamus ab desideriis renascentes errores. Quomodo nostræ lamentationi dabitur locus, si in misellas nos ira fortè indignatioque cœlestis excandeat? Si parant securi ceruicem, qui ab Rege deficiunt, quid mirabimur ipsæ rebelles, immo bellatrices in Deum, si pro nostro reatu in Cenomanos insurrexerint nubes ille Turcorum? Plorat

etiam nunc Roma Gallorum aduentum: Flet
viſta Gotorum enſes Italia: Nec de Ma ho-
meti tyrannide Græci lætantur. Ex alto, non
ex noſtris armis ingruentes clâdes iſtæ proue-
niunt. Conſulat igitur, medeatur vnaquæq;
vulneri, quo ſaucia languescit. Ornamenta,
non lenocinia ſequamur; & ſic fruſcamur
hac vitâ, vt recordemur nos eſſe mortales.
Bene nanq; mori bonis proprium Deus pater
inſtituit. Has ergo tanti ſplendôris glorias
inanes quotiens apud nos, Auguſtine, cõſpexe-
ris, ætati velim, vel ſexui ſaltem ignoſceas:
Neque enim immunis eſt ab hoc errato no-
ſtro Natura, quæ genitricem noſtram non e
terrâ, vel ſaxo, ſed ex Adæ humanitate pro-
duxit. Humanitas autem ad id, quod vel
prodeſſe poteſt, vel delectari, ſemper inclinat.
Imperfectius nos animal ſumus, & pauculæ
vires noſtræ fortia prælia non ſuſtinent. Vos
tantæ auctoritatis ſupereminentiſſimi Viri, in
quos rerum ſumma deuenit, & qui jure con-
ſilii tot modernos Brutos habetis, tot inter vos
Curios, Fabrilios, Catones, Æmylios, videte
cautiùs, ne compositæ huiusmodi elegantiae
viſco capiamini. Nam vbi conſilium ma-
jus,

jus, major ibi culpa grauatur. Pridie Idus
Februars.

Alberto de Albertis I.C. Laura Cereta. S.

Epist. XXXII.

IBis, nec poterit hinc plenum virtutis tuæ
nomen euelli, Immo semper apud nos tuæ
viuet integritas, à qua tot resti præmia susce-
pimus: quippe qui reliquisti apud populū eas
laudes, quibus Te hæc ista ciuitas, & probat,
& amat. Recedes igitur ex hoc magistratu
plenus gloriâ, non auro; velut is, qui præpo-
sueris vtilitati iustitiam, quæ tibi præparat
sempiterna præmia vel mortuo. Sic inpos-
sessione animi tui erunt futura Tibi præsentibus
certè meliora. Nonis Majis.

Ioanni Oliuerio, Grammatico. Laura Cereta. S.

Epist. XXXIII.

GAllus orator, immo Astrologus ille sub-
tilitatis immensæ, dum raptos in oc-
calum siderum cursus, & erraticas Stellas,
nunc ad Aquilonem scandentes, nunc digre-


dientes ad austrum studio scrutaretur in cœlo, inconsideratus ruit in puteum. Quodni potui & ego illiterata puella in litterarum sublapſa ſerobem incidere? vbi & ipſa niterer attolentes ſe tractus aſtrorum ſub immenſâ poli conuexitate diſtinguere? Non eſt mihi tanti faſtus ingenium, vt nunquam velim erraſſe. Homo ſum, & humaniſſimam meam ab errore cognoſco, qui ſi rarus eſt, emanat à fonte ſapientiæ. Cal. Auguſtiſ.

*Bernardino de Leno, Conſobрино. Laura Cer. S.
Epiſt. XXXIV.*

Satis ad Ludouicum Auunculum ſcripſiſſe videor, vndenam ſplendor auitus pictum parieti vultum, inter fixam, atque erraticam Stellam acquiſiuit: Nunc vnde cœperit Familix cognomentum haberi, nobilitabit manifeſtaria cognitio. Lenum igitur ab inuentis Leonibus dictum, inciſum ibi litteris marmor oſtendit. Horum duo etiã nunc vel longo proſpectu viſuntur, qui armos iuba-
ti, erectiq; ora patula, quaſi cœlum olfactent, dorſo columnigero templi veſtibulum ſuſ-
nent

nent. Prominentior, & peræque magnus sub
apparenti rugitu insidet culmini tertius: Tor-
ua quippe nimium vniuscujusq; feritas, sed
eius maximè, quem substratus, intortusq;
eruribus serpens mordicus infestat. Hoc quic-
quid ferarum denuntiet aspectus ignoscibilis
antiquitatis excusatio tueretur: Monumentum
tamen est, impensâ regiâ dignissimum: Re-
gium igitur templum, Regius ille vicus, Re-
gia tuorum sanè Familia, quæ ab Rege ani-
malium sumpsit exordium. Quare quum
germanam me tibi genuerit mater, insurgit
sollicitus mihi, atq; ardens animus famâ, vn-
de ad perpetuitatis exemplum spes generosa
nutritur: Sed quum jam extinctum sit nomen
Amazonum, quumq; Belligeræ vndecunq;
Mulieres arcum atq; arma templo Bellonæ
reddiderint, reuocaui penitus totum animum
à foemineis curis ad litterarum amorem, à
quibus velut è lacteo quodam vbere adole-
uit eruditionis meæ, quotula est ipsa, subtili-
tas: quasi non restaret aliunde mihi certum
iter ad gloriâ; quamquam essem in mediâ
illâ discendi pueritiâ, tenerior adhuc, delica-
tiorq; puella. Verùm vt pluscula creui, cre-

uit & doctrinæ major attentio, atque sensim
inde sic maxima, vt reliquum ætatis quiu-
erit postea nunquam ingenii cultu satiari. Est
enim ingenuis mentibus studiorum labor cer-
tè facillimus. Hanc impreciablem dotem
vt mihi mercarer, septennium expendi. Quis
lucrosissimam gemmam alieno precio non
emat? neq; enim proprium nostri tempus est,
sed Solis, cum naturâ currentis. Præcox igi-
tur huius studii seges postquam ad succiduû
flauescens aristæ deuenit, metere cœpi oli-
tore calamo fructus, qui securi possint ad re-
motas orbe gentes ultro citròq; deferri: Et
quamquam hoc, qualecunq; scire meum, sit
quoddam modicum nihil, velut quæ nondum
secretiora documenta didicerim, scribam
tamen eorum, quæ noui, non inelegans opus,
quod iudice Te, possit scriptrici locum inter
laudatissimos maiores acquirere. Vale. Sep-
timo Cal. Martias.



Cassandra Veneta, Laura Cereta. S.

Epist. XXXV.

INter scientissimos poëtas sat. conuenit ad terræ centrum procul à Deo euomentem ignes infernum abiisse, vbi adeuntes animas primo in limine Cerberi canes allatrant. Huc ut sensibus quiete sopitis accersor, obuius primùm, & cruento flagello minax in faucibus orci Charon occurrit: is, refusum ab gurgite cœnum euoluens, aditum remo & flammeis oculis innuebat ad cymbam. Dii quantus perfudit animum horror! quantus pauor oppugnatam animi virtutem elisit! ex hoc enim Stygiæ paludis atro vapore malignus pestis halitus exibat. Audiebantur luctifici quaquacircum gemitus, Tartaræ intonabant voces, visebantur tricorpores umbræ, & terrisabat omnia caligo, triste locum opacans. Quare ex ruptâ voragine Diris ferebant se, referebantq; importuniùs tremendæ illæ, nocturnæq; furæ, nec cessabant furibandi manes sub monstrorum variis aspectibus globos eructare flammarum. Progre-
dior

dior acta Megeræ furentis impulsu, & quicquid vbicunq; terroris erat, obiiçitur. Mox insurgit Aleçto, turbinibus instincta furoris; Insurgunt Eumenides capillaceis colubris, & vittis cruentis armatæ: Mox subit Gorgoneum caput, tot Eryn timer concitatum hydri: subiere & volitantes multâ ex nocte figuræ. Cingeat autem Erebi carceres, hinc rapidus vermibus Acheron, inde Phlegethon flammis exæstuans; Sed horum vnum prorsus alueum sulphureo quodam lacu stagnabat Auernus. Hic in summoto recessu excruciatu fame sitiq; Tantalus deperibat, in refugientes vndas anhelans: Haud procul hinc Perseum horrificis lamētis insequabatur occæcata Medusa. Hic se immemor Lethe per Tartara intercandentibus fauillis altè fumantia præcipitat. Proxima est Cocyti rabies, lethalisq; ille sonus, vnde tridentifer Pluto sentitur, qui in Sisyphum, & proditorum Ascalaphum fremebat iratiûs. Stabat Tisiphon cruenta seorsum, quæ in transeuntes animas stridentes igne faces ex aperto specu vibrabat. Hinc subire cogor recessus interuos, vbi Semidei, sæuiq; Reges cum ultore scele-

scelerum Rhadamanthio sedebant: Nec fari
licet, quot ibi rotis intextos, & medio ferrâ
dissectos, quotue ebullienti pici submersos, &
quot laceratos volucris artus, quotq; saxos
voluentes æternum, visu crudele, dinouerim.
Vidi in conspectu mille, qui castra rursus ex-
pedirent ad Troiam, quiue tormenta moli-
rentur, fundarentq; arces, è quibus ostende-
bat Apollo se Græcis infestum. Vidi & Iaso-
nis Medæq; artes, atq; Vlyssis Theseiq; di-
scrimina, & tot inde socios illos, casu pere-
grinationis amissos: ex quibus Palinurus Æne-
am, pro corporis sui projecti sepulturâ, roga-
bat. Iacebat à dexterâ reuinctis manibus
Priamus, qui Iouis aram dissectæ ceruicis
cruore fœdaret. Agebatur & inter heroas su-
per Pallante atq; Patroclo funus infœlix. Sic
tetigit corda pietas intueri tenellum Polydori
cadauer auaris sepeliri littoribus. Quid quod
pro Euryalo defuncto desperata mater, per
igneos inuros, perq; renascentia prodigia pha-
natico vlulatu currebat? Sequebantur scelus
Hecubæ, rupta fœdera, vltiq; Duces, & in ci-
nerem crepitantia quaquaversum incendia.
Sed exedit super omnia penetratam animam
timor,

timor, vbi Thomyris inhorruit vtre cruento,
ex quo cælum Cyri sanguinem, velut in furo-
rem acta, sorbebat. Sic implêrunt nigra lo-
ca latratibus Charybdis, Cyree, ore tetro
spumantes. Sic ob partum Thalix Nymphę
detectum prouocabant Iuppiter & Iuno di-
uortia: & in Orpheum, lyrâ canentem, irre-
uocabilis Eurydice dolenter afflictimq; plan-
gebat. Ibi è fumifero spiraculo tristes vlulę.
Harpyæq; volabant, quæ sicco gutture cla-
mosæ in bimembres Satyros ignita rostra fi-
gebant: Hic abiuratę semihominis Caci ra-
pinæ villosum pectore Bryareum pro auxilio
aduersum Alcidem mugitu ex speluncâ vo-
cabant. Vehor hinc per vada feruida ad an-
trum, vbi Cyclopes, & Vulcanus, faber ille
terribilis, strepitu crebrisq; ictibus de ferreâ
elementorum discordiâ nitebantur fulmina
moliri Coëlicolis. Ex his pulsatis fractisq;
tonitruis deueni ad corneam portam, propter
quam insidens Draconi Tyresias consulenti-
bus canebat oracula: accessi, licet exani-
mata formidine monstri, & locum viri de-
functi mœstè suppliciterq; poposci: Vir ait
hinc abest, aliena consule regna; jam tenet
Elysius

Elyfios vmbra beata locos. Hæc ubi vates
refponfa nuntiauit, cœpit vaga & fluxa mens
prædiuinationis voluptate, fruiſci. Verùm ex
hoc iſto portento leuorſum ardua petens, in
abruptum ignara viæ deturbor, ex quo vexa-
ta eſt experrecta terrore dormitio. Hæc igitur
quamuis pertritæ fabulæ videantur, & fig-
menta, poëtaſ olentia, qui inania pro arbitra-
tu polliciti, Deos, ac Dæmones, quofcunque
volunt, effingunt; non auferim tamen ipſa de
ordine ſomni emendare Naturam; nec ea
quidem de cauernis inferni negabo, quæ vnus
ferè omnium conſenſus affirmat: Ego enim
communiore viâ nunc trimembris Peripate-
ticæ differentias, nunc verò incertas proba-
bilitates Academiæ profiteor: Nolo tantas
quæſtiones definire, ſed quærere. Decernant
eas maioris gloriæ cupidi: Vnum eſt mihi
decretum Inſulas Beatorum velle ſcrutari,
in quibus fidiffimi conſortis illius fata, for-
temq; ſedis inuenerim, quem mutuus mihi
tenerrimæ charitatis affectus, vltra fidem
amoris humani, conjunxerat. Hęc habui;
quæ ad te Venetam Caſſandram, cœu ad ora-
culum, conſulenda ſcriberem; neq; id prop-
terea

terea quidem, quòd sit mihi maior cura somnii, quàm Tui: Scripsi potiùs, [vt ingenii tui subtilitatem subtili materiâ tentarem. Et quamquam auara matris Naturæ conditio auariora nostro sexui ingenia produxit; excitabis tamen clarius tuum illud, & antiquius ingenium ad naturalium causarum enodia, quibus hæc inferna sic viserim. Scio non dedignaberis munus primum voluntati meæ largiri, ne Te fortè aut spræuissè me, aut fugissè laborè existimem. Vale Idibus Aprilis.

Michaëli Ba Physico. Laura Cereta. S.

Epist. XXXVI.

ARithmetice, aut Geometricæ non profiteor. Quis enim crederet Puellam, aut per multiplicem suppartientis numeri imparilitatem indiuisibilibus atomorum secuisse partes æquales, aut immensæ magnitudinis orbium cœlestium lineata spatia, interuallatosq; tractus sub eadentibus figuris radiorum æquidistantium posse metiri? Scripsit, memini, Pythagoras Solare corpus octies esse globo terræ protensius: ego
verò

verò gloriabor hoc impote, atq; impari nū-
per ingenio, per sphaericam dimensionem du-
plicati diametri, ad circumferentiam limbi
deductam, liquidius inuenisse philosophum
à vero, pro quartâ concurrentis centri parte,
deuiasse. Verum nunc mihi non est ista quæ-
stio pōnenda, neque vel illa, qua tantum Sol
ισημερινός ab *ἀντιδιαζώνι* recedit: Haud enim
rusticatum veni, ut tritum diu calami studio,
sed ocii potius respiratione donarē. vii; Id. Iul.

*Laura Cereta. Clementi Longulo, Grammatico. S.
Epist. XXXVII.*

Studiosissimi litterarum quotquot habent
Claræ, ut primū huc veni, omnes ad
me cursim certatimq; scripsere; similitates
Tu solus exercuisti aduerū me, injustè cōcep-
tas; neq; in vllō superbi loquētiae, atq; elati su-
percilii me desisti lacerare, quasi sub indicto
bello collata in me explicaueris signa: quippe
Te, visu licet ignotum, fama tamen non ha-
berem incognitum, immo quæ Te absentem
pro tuis studiis aspiciebam & alloquebar,
quasi presentem: Magni pendere nanq; sa-

pientes sola naturæ me probitas edocuit. Non video autem quæ te humaniter institutum iræ docuerint, ut in tuam honoratricem maledicta tam inclementer immurmuraueris Clemens. Sed dices ex eo me tibi nullam æstimationem impendere, quod ad alios omnes, non Te sim dignata conscribere, quasi aliorum peritiam pluris fecerim, quam tuam: At neque ista quidem est, quæ videri, aut suspicari possit, causa, quod Te posthabuerim; quum presertim hæsitaueris in eodem nec ipse silentio, dum contumax, vnus litterarum ad me dederis nihil, & sic de tuo errore me criminari in fontem, à qua tantâ voluptate expetite sunt litteræ tuæ, ut sæpius illas obuiis manibus exciperem: Excipiendę nanque sunt liberales artes, ex quibus virtus demonstratur, quæ perpetuos nobis immortalitatis fructus ostendit. Nec putes me adulatione vllâ blandiri, quod tui doctrinam extollam. Debent enim docti cū omnibus in terris, tum omni in Repub. præ cæteris honore deferri. Quæ quum ita sint, ego interdum incerta mei propter præsentaria negotia, quibus maximè occupatur cura mulierum, fidentiùs mihi ad hanc

hanc Epistolam plusculum tarditatis attri-
bui, ne demum excusationis fortè materiam
impolitus sermo turparet; Non autem quòd
prætereundum Te vllus irascentiæ me dolor
impelleret; Neq; enim ad omne nubilum tur-
batur animus constans: Feci hoc potiùs æsti-
mationis tuæ gratiâ, velut quæ essem id litte-
rarum daturâ Viro doctissimo; Nam & pa-
ter Alexandri Philippus in Boreales Scythas,
non velut spernendos populos, sed cauendos
potiùs, vltimis quasi bellis incanduit. Cal.
O&ob.

Ioanni Oliuerio, Grammatico. Laura Cereta. S.

Epist. XXXVIII.

EGo quâquam non plena Deo, neq; augu-
riis acta Aruspicinâ Tagis, vel Sibylli-
nos libros pro vaticinio futurorum adiuverim;
irrepat cogitationi tamen illa suspicio, qua
scripserim aliàs, non esse me nesciam, mira-
turû Te iure merito, quòd eruditionis inops, &
litterarum ignara muliercula tanti cordis es-
sem, vt rudem, ac falce defecandam Episto-
lam ad Te rhetoricolam darem. Ecce quàm

aptè, quàm cōsignatè nunc illud euenit, quod
pręscia mens inspirauerat altiùs. Conuenit
me familiariter, vt est quidem cunctis gratif-
sima, tua Coniunx, quę pro temporis oppor-
tunitate blandimenta subtexers, visa est non
esse à me discessura priùs, quàm exoraret, vt
vel improuisa, etiam quidem si pensi nihil
haberem, ad Te scriberem omnino: Nescio
si transfuga, vel exploratrix ad quantulam
hanc institutionem meam speculatum missa
transiuerit: Video tamen qualia tentamenta
sint ista, immo, paco tua loquar, dissimula-
tę decipulę, quarum motacito aucupio sub
imperitię retibus arbitraris inuoluere, tan-
quam is, qui me putes absque baculo patris
cœcis luminibus aberrare vias ignotas. Ma-
gna est illius (sat sciunt docti) æstimatio do-
ctrinę, & traxi, non inficior, ab tam fortibus
alis quicquid habeo plumę, sed exiui postre-
mo tamen è pullo, & volandi jam increuit
adeo virtus, vt me dignata sit altior idę syl-
ua suscipere. Suscipiet breui forsan & irra-
dians illa regio solaris, ad quam æuo nostro
rara phœnix accessit. At nunc sinamus expo-
nere argumentum, ne quę ore serio dicta sunt,
often-

ostentandi ingenii gratia iudicentur inuenta,
ex quo inter amatores sapientiæ, philosophiæ
videatur bellum indictum; maxime verò
quum obseruantissima tui, pro virtute tua Te
pendam. Hæc pro tempore: alia, aliterq;
dicemus. Vale. Pridie Cal. Nouembres.

To: Oliucrio, Grammatico Laura Cereta. S.

Epist. XXXIX.

MEmini, neq; obliuisci possum, Helenæ
Consortis, quæ totiens nobis istic &
manu & fronte gremium largitatis apernit,
Nec putes tui apud nos monumentum exci-
disse memoriâ, cuius fidei, atq; humanitatis
merita sub aspectu crebrescunt in dies. Fe-
runtur autem à me semper in oculis Hippo-
lytus & Basilius, spei tantæ duo germani, quo-
rum alter inter ingeniorum gemmas Carbo
erit, alter verò smaragdus, siue ad id me ra-
tio moueat, siue charitatis ardor accendat.
Nimium satis est, quod hoc ipsa mihi augu-
ror; neq; enim indignum scriptu est, quod mēs
diuinitus interdum futura prospiciat. His igi-
tur reuerentissimis tibi discipulis scio pro vir-

tute tua necessaria & opportuna non deerunt: Præceptoris nanq; est familiares pascere, atq; illos incolumes institutosque tueri: hoc Te summo studio curaturam mei gratiâ nil dubito, quam præferim æternandi nominis tui curâ habeâ, simq; habitura semper intentius. Pensa ipse Tu quid acquires apud nos meriti, quidue honoris adjudicabitur Tibi, si eorum doctrinam tui operis, tuiq; conatus Tibi testem ascriueris. Sperat mecum genitor, speramus omnes ita fore, vt illi, duce te, præferant voluptati virtutem: Nec est omnino aliquid, quod tibi patrem memoriâ beneficii sempiternâ magis obstringat, quàm si filios moribus reddideris litterisq; compositos, filiorum nanque charitas rebus cæteris optimo semper jure præponitur. At illi interea, dum student, hinc magnam sibi utilitatem parant, inde Tibi diadema optimi præceptoris innectunt. Arua relegatus pater rustica visit: erat animus illi ad Te vel proficisci, vel saltem scriptitare, non scribere: sed dum niteretur, dum indulgeret innixius, mox interminabantur renascentia negotia; adeo multis impeditus est, quibus docepta hæc vita nostra

stra occupatur in terris . Vale . Calendis
Augustis.


Hippolyto, & Basilio de Cerete, Laura. Soror.

S.P.D.

Epist. XL.

Multa licet, & quæ oportuit de vobis per
Epistolam præceptoris vestro mōstrā
uerim, haec tamē ad vos dandas necessarium
opportunūq; cognoui; ne vlla in parte stetit-
se per me videatur, quo minus ingenia vestra
se proferant, quæ, ut speramus, in optimarum
artium culmē sunt euasura præstantius. Hor-
tor igitur vos, atq; oro vehementer, ut dum
condiscipuli fortē alii comas, dumq; alii ad
polituram se sarcunt, vel à scholis ad jocōs
per deuia refugunt, sedentue in stationibus
ociosi, aut dum noctem alii somno, alii diem
futilibus suapte garrulitatis fabulis terūt, vos
constanti animo studia ad litteraria exurga-
tis semper vigiles, ut demum ingenii vestri
facilitas scientiam sibi pro certiore possessione
parturiat. Ad hoc certo adiumento vobis
est Oliuerius, Vir ille dicendi auctoritate præ-

cipuus, qui discipulos suos in domo, in campis, in viâ, velut in scholis semper edocet. Hujus si consilio acquieueritis, scientiæ non parvæ causa vobis erit. At Vos protenerâ ætate quo moniti nostri via Vos ducat, quæso animo attendite. Parentem habetis, celeberrimi nominis Virum, qui in optimâ Patriâ optimis vos moribus, non minibusq; donavit. Videte ne à tot retro majoribus vestris, aut ab fide tanti præceptoris auocati, ad licentiam descivisse dicamini: immo posteaquam dedit natura vobis supra multorum ingenia præcellere, accendite nunc ultro grandioris animi faces ad studium. Per necessaria nanq; res est, quod aut voluptas à magnis in Rep. viris, aut Virtus à vulgi fæce Vos segreget. Hujus autem biuii data vobis est optio. Caveate ne præceps desiderii planities majus poenitentiae vulnus infligat. Excelsa collum virtutis secura quies inhabitat. Valete Tercio Nonas Augusti.



Alberto de Albanis Legiste, Laura Cereta. S.

Epist. XLI.

IVnium Clarenfis fori notarium, atque hominem inter suos satis egregium, velim ita commendatum habeas, vt etiam si causæ victor esse non possit; possis saltem ipse Tu conciliare animos litigantium, velut interpres, arbiterq; concordia. Sic quanti me facis intelligent, quos non præterit quantum te venerer, quantum colam, ac prosequar. Vale. Calendis Sextilibus.

Fratri Thomæ Florentino, Predicatori

Laura Cereta. S.

Epist. XLII.

SAcrosanctæ Virginis Matris Assumptio, præcellentiùs omni carne resurgens, quæ ex hoc terrestri exilio imperatorias sexus sui primitias reportauit ad cælum, ea illa vna consideratio est, quæ me diu sollicitam ab viis mouentis se poli, velut ab immensa dimensione deterruit; præsertim quum ducta
audi.

auditione tui, concionantis ad populum, videre visa sum paradyfi Reginam, à grauibus elementis gradientem ad leues: sic passim ab aurarum spiritibus ad frigidam Lunam, ab erraticis stellis ad fixas, atq; item ab hujus alteræ regionis orbibus ad separatas substantias per trium Hierarchiarum nouem ordines diuinissimi solii tribunal inscendit. Curiosius nanq; jam pridem anxia studebam ab Helperico & Albumasar adipisci mensuras, quibus procul à singulis planetis terra relinquitur; atq; ista quãtis intermediis ab hemisphærio torridæ Zonæ recedant, & quot stadiis alii passim sursum versus ab aliis se planetæ recipiant: à Saturno autem quot millibus passuum eatur ad sidera: tum vel in Zodiaci Spherâ integrâ quid viriû horrida Signorum illa fata refundant, quæ per gradus æquidistantes à Cælo nituntur auersa. Hæc omnia vestigare sum ausa, & credidi illa posse ratione ab humanis ingeniis, etiam citra docentem, intelligi. Nunc Te prædicante vidi purgatius quòd cœcuciens nostra cognitio in his nexibus carnis opificii Dei profundum illum ordinem speculari non potest, quo
 cœle-

cœlestium corporum variata pulchritudo,
distinguitur. Vale Tertio Cal. Sept.

*Ad Iulianum Trosulum, Laura Cereta
Consolatoria de Morte Filiola.*

Epist. XLIII.

HEcubam nixus laboriosi puerperam, &
conjugem semper tibi charissimam,
post partitionis triduum visimus. Ibi tenerior
puella tua in cunabulis vagiens, Te, tuumque
nomen implorare visa est. Recens protinus
aduenit obstetrix, quæ nudatum è faciis cor-
pusculum in balnei tepidi conchâ perfudit.
Stetimus circum omnes, studii jocunditate
perfusæ. Stetit & vno in conspectu omnium
vna tranquillitas, vbi ante nos vidimus infan-
tiæ illum venustissimum florem, quem do-
mestico splendori natum mens prædiuina cre-
diderat. Nam quis in tanto lucro humani-
tatis interius gaudium fauentis animi vultu
non prodat? Scrutabam summo studio gene-
rosam indolem, cæterosq; singulos artus. Ri-
gebat crispior crinosiorq; coma flauescens,
splendebat & illi decora mansuctaq; facies,
gra-

gratulabantur nobis festientes ocelli, roseus
inerat ori nitor immixtus, & sæpius infantilis
illa puritas genarum flosculos è rubenti bac-
câ monstrabat. Sic innocenter ostendebat
se nobis probitatis illa spes maxima, & sur-
gebat ipsa singulis membris tota pulchella.
At verò ut balneum aëris alsit injuriâ, mox
candido amieimine & picto est superinduta
paliolo. Huic igitur nutrix de juvenili pectore
sugenti lac præbuit. Hanc alternæ sustu-
limus vlnis. Huic dulcia pacis oscula ore in-
violato præfigimus. Hæc semisomnis obten-
tu stratorio subtegitur. Nos reticentias tenui-
mus, quo mitius illa quiesceret. Demum, re-
salutatione acceptâ, redditâq; matri, omnes
fauentes animis loco migrauimus. Sed heu
tetræ orbitatis vulnus infandum! ut infœlix
hoc lilium intercepte improvisa mortalitas,
& quantum crescentis vitæ gaudia repens æ-
gritudo momordit! Vide nunc quo rapti im-
paratique traducimur. Vix perannuit quod
pientissima nimium infantula, tot deliciis,
tantòq; desiderio possessa, in fontem animu-
lam in manibus matris, ante diem efflauit:
Iacuit pallens puluinari prostrata; elata est
præ-

præcedente funeris pompâ, & loculo marmoreo immisſum cadauer obtegitur. Sic inuident sæpe vel nondum natis fata crudelia : Tanta eſt in rebus humanis obſcuritas, tanti generis morbi, tanta brevis incertæq; vitæ confuſio. Agant nunc cauſas lacrymarum illi parentes, quorum optatiſſimis filiis calamitatis illa dies obuenit. Ignara ego natorum quamquam deferar miſella cruciatibus, medullitus tamen has miſeriæ inſœlicioris erumnas certè non ſentio. Heu pietas ! verſate hæc iſta nunc animo, & miſere mini vos ſuperſtites, quibus dulcia ſanguinis veſtri pignora ineuitabile fatum abripuit. Ciet, ne dubita, mihi lacrymas nimius animi dolor : ſed, qui nocent oculis, non medentur mortuis luctus. Affligimur inanibus deſideriis, & cruciatu mortis inopinatæ percutimur ; nec eſt cui certa fides ſit ad proximam ſe horam uſque victurum. Certi nanq; nihil habet hæc improuiſa mortalitas. Hodie mitior nobis Sors noſtra blanditur, cras obſtrepit minax : alia deinceps ictu perculit, ingruit alia cædibus, alia ſæuit iratiùs. Mors omnia ſecum trahit in præceps. Hoc ſi cœlitus recogniueris

ueris ita dispositum, temperabis parumper
 fletus immites, quibus iam ad sudorem vsq;
 desperationis anhelas. Ego tecum molestiâ
 & sollicitudine plena eligerem pro redimen-
 dâ filioliâ voluntariâ morte decedere: Sum
 enim in hac crescentis adhuc ætatis peregri-
 natione levis vmbra præteriens, & aduersis
 ad virtutem nihil mihi sanctius esse confide-
 ro. Fœlices soli, quibus mortis quies vltimas
 vitæ metas obiit. Vale. Pridie Cal. De-
 cembres.

*Io: Aloysio Dandulo, Brixie Quæstori. Laura
 Cereta de Theutonico consilium.*

Epist. XLIV.

CRiminantur multi Germanos, quòd no-
 uis motibus adsurgentes, obsessas Ita-
 liæ fauces nuper obsederint; nuper & in me-
 dio crescentis victoriæ, nullo impellente con-
 cesserint: quasi majus ex illo hinc furtim di-
 scessu dedecus velint, quàm gloriam ex ad-
 uentu primo, censerit. Mansi & ego aliquan-
 diu in hac istâ sententiâ, sed fortè fallebar, &
 nunc contraria mihi fides est, quamquam ta-

men

men muliebri iudicium satis infirmet rerum
bellicarum fracta cognitio : exercitationis
enim ingenii est id super militari causa deci-
dere, quod per experientiam intelligere Ado-
lescentulæ mihi non licet. Hi ergo siue popu-
labundi, siue iusto bello descenderint, castris
auecti sunt tandem, tanquam animositate
illæ discordiæ, viderentur extinctæ. quare si
deposuerunt arma furentia, si præsidia auo-
cârunt oppidis captis, si à ceruicibus nostris
impendentia sopiuere discrimina, quis aude-
at in illos, sine injuriâ liuoris maledicentias in-
uehere? Remigrationis causa alia forte fuit,
quàm vulgus existimat. Piguit (reor) tñ; pœ-
nituit corda Christiana vexâsse tot innocen-
tes populos, irucidâsse tot milites, strauisse
tot mœnia, contriuisse tot agros, & cruentio-
ris prælii magis accendisse faces ardentes.
Erat enim jam in tantum animorum ibi con-
cursum, ut & mutuis cædibus vtrinq; multi
cecidissent, & curribus iam vndiq; cæterua-
tim euectæ sit cadauerum strages. Nonne
indolētis pietas tempus erat, & in quo emol-
litos animos tangeret sanguis effusus? Impa-
cati Boreales Populi sunt, quos odio non in-
nūq;

nus, quàm horrore habuit semper Italia, & qui artes bellicas stratagematàq; callentes, in hostium exitia furiosissimi immanesq; procurrunt. Hi tamen animo victi in patriam retrouersi redierunt, siue nostratum, siue suarum potiùs gentium vltro miserti. Ego quæ mens, aut qui animus incaluerit hosti non quæro: Rem nudiùs liquidiùsq; pensamus. Remeauerant sedes, vnde fuerat prima profectio. vellem diutius illic mansissent: quiesceret tota prorsus Italia, quæ parum ocii semper habuit: potirentur securitate vitæ finitimi; nec fleret anxius in tot captiuos, tot mortuos, ac tot gladiis, missilibusq; trajectos Cenomania suspirans. In hoc adhuc absentis hostis timore cruento, nescio an fato quodam acciderit, an pertulerint nostri grauiiores iniurias, vel intulerint: Ecce iterum Theutones, nouis ad oppidum Petram rebus excitati, nouam pugnam ordiuntur: ruunt insperato circumuentu furiosi, & in collatas aduersum se equitum copias terro passim debacchantes præliantur. At milites consilio, atq; armis superinsignes, dum primam aciem validiùs, atq; alteram sustinent, solæ barbarorum pro clypeis

clipeis steterere ceruices, sola pro pectoribus, terga feriuntur. Inclinatione ista fugax Italos agere predas edocuit, in quos medio ipso ductu hostium cohors succenturiata profiliit, quæ sub insidiis inter nemorum silentia, latuerat. Congrediuntur, pugnant utrinque omnes obnixius: Fit strepitus, fit clamor ingens: extendunt se Itali in bifrontia cornua diducti; ita densius inimici perstricti cæduntur. Auxilij utrinque signa ex speculis dantur: videt hinc Athesis, videt inde Tridentum: Illi ex vrbe ad flumen cum quantâ possunt celeritate decurrunt; Nostri verò cum equitatu firmiore vltiores ripas projecto ponte transadeunt. Cælum omne barbarum clangor utroque commiscet: ex integro tumultuans hinc inde dimicatio formicat; Sed inter variam anceps pugnae victoriam dum incertus penderet euentus, corruit heu pons ille nimis infandus, per quem ab agro alterutro ibant, redibantque recentes militum manus. Sumunt raptim animos, ex illo casu Germani, verum Itali viribus magis, quam euentu præstantes; alij acrius dimicant, alii se se tabulis, vel nauculis, vndisue credentes in

alucos decurrentis profluuii merguntur. Hic inuida nostri Fortuna miserandum hostibus spectaculum præbuit. Hic vtrobiq; omnes inuicti pari sese clade Cānensi vicerunt. Hic saucii, & humi vix palpitantes adhuc multi, quasi victimæ belli jugulati sunt. Hic insepulti iacere mille, super quos nullæ vel miserrimæ dedere gemitus matres, nullæ collectos desseuere cineres. Vtroquæuersus lacrymabilis ejulauit orbatum militum vna cōquestio. Horror est recens tot obrutos, quos Athesis, fugacibus vndis in spumantia vada Padi decurrens, subter imas aquas inusque mare contorsit, quamquam tamen fluctuum impulsu vortices ætamenti gurgite eructauerint cadauera multa, multo tractu voluta. Vterq; igitur exercitus, tribus vno die conflictibus fusus, alternas vires attriuit, sed superstites hostium captiuos atq; equos reuexere cum spoliis. Nunc aliis ducibus reliquum belli commissum est: Nunc major copiarum instructus scaturientia prælia conclamat. Susceptæ nanq; cladis ira vindex multos ad arma conciuat: Sic regnīs paratur noua perniciēs: Sic stragula, & tabescentia cadauera

gruen-

cruentandus iterum campus expectat : Sic
cœlo iratius Martis astrum ex prodigio ven-
turæ cladis inardet. Dolenda sanè, atq; pro-
diga sanguis humani jactura, in qua tot vî-
quenunc clârissimi Duces sub splendore mi-
litari perierunt. Dolenda nec minùs injuria,
qua ineluctabilem armis Italiam tot natio-
nes exteræ ledoria turpitudine belli vexârunt.
Pauxillum arbitror consilii fuit his gentibus,
quæ re parùm prespectâ nō considerârunt Ve-
netorum ingenia constantia, virescentes in
aduersis animos, integerrima domi consilia,
vtriûsq; militaris disciplinæ peritiâ, Numa-
tâq; patrimonium nobilium : Nec sciuerunt illi
fidem incomparabilem ciuium, munitiones
urbium, latera murorum certè firmissima, &
stabilis imperii hujus opulentissimas opes,
quas vel inquieta diu bella Turcorum quas-
sate vnquam, immo neq; minuire potuerunt.
Hi sunt inuicti principes illi Veneti, qui oppu-
gnati expugnari non possunt, sed pro oppor-
tuna offensarum ultione tela demum in fron-
tem inimici rejiciunt; & qui totiens non pro-
uincias solùm, sed maritimas oras classibus
& copiarum instructu vastârunt. Honoran-

da quippe, non tentanda natio est, quæ beneficiis flectitur, non injuriis. Inest enim his consumatis, atq; inclytis animis generosa semper & insignior illa virtus, qua grande fortitudinis robur cum certitudine victoriæ gubernant. Vale. Tercio Cal. Sept.

*Alberto de Albertis Legista. Laura Cereta. S.
Epist. XLV.*

V Ideor satis suasa exhortationibus tuis, quæ rationum sale non minùs, quàm exemplis lamentabile mihi latus vtrunque perstringunt: Et quamquam à pignore violati cordis nihil hac respiratione remotiùs mihi difficiliùsq; fuerit, grandior tamen & antiquior auctoritas tua hac me curarum mole, hacq; luridâ & lugenti facie delauit, in qua collapsi hætenus deperibat animi dolor: nec propterea indignum scriptu arbitror, neq; ab re fortè fuit acerba deflete sortis illa conquestio, in ejus nimietate visa est latè dominans passio rationem auiam ad saxa desperationis allidere: sed nodosa & tenax disputatio esset in causâ. Hoc qui vsu didicere, diju-

dijudicent: Nos aliam paleſtram ingrediamur, ne ſtudii cura vigil à litteris ad deſidiam ſub implexo torpore rigeſcat. Velim igitur poſthac non indignum tibi videri, ſi pro conſolatoriâ tuâ, tuis illis floribus ornatâ, ego ad inelyti nominis tui clariffimam gloriam vigiliæ tantundem, tantundemq; laboris impenderit. Materia quidem eſt ingenio fecundiore digna, & cui ſtilus amplior exuperantiorq; conueniat. Habes vigilias meas, & reliquum oculi, nomini Tuo dicatum: vtinam meis illuſtrari, celebrariue litteris poſſit. At Tu, vir ſingularis, atq; vnica gemma, meritò ſatis expectas laudibus tuis eloquentiæ cōpoſitiſſimos rhetores non minùs, quàm terſos illos celebresq; poëtas, qui & cœlo poſſint conſecrare Deos, & pro memoriâ hominum Muſas Apollinemq; conſulere. Omnium de Te vnus ſermo eſt, conſonumq; iudicium, quod tuâ cum gloriâ in poſteritatem æui ſempiternam migrabit. Scripſere ante me tuas laudes ſcribendi arte precelebres; Scribent & ex poſteris multi magniq; vates, qui quaſi delphica eſtimabuntur oracula. Tu frugi ex omni parte Philoſophus multa pro-

futura superstitionibus edidisti, quæ usqueveniens
elaboratæ eruditionis suæ gloriam exoptant.
Fœlix nimium marmor illud, in quo relegen-
dum præstantiæ tuæ carmen suspectantes po-
puli mirabuntur: Fœlicior tua illa maxima,
rectrixque urbium integritas, recordationi
semper affixa, quam nostratum Rerumpub.
maiores famâ famosiore concelebrant: Fœ-
licissima post omnia emendata facies recti
cordis tui conscientia! virtutis namq; perspi-
cium jubar certum ostendit in umbrâ mor-
tis iter ad cœlum. Erit autem operosus iste
ingenii mei labor mihi facillimus, si sciero
Te non parvis facere sudores meos, lueubra-
tionesq; studiorum. Et quamquam litteralis
industria nondum ad optimarum artium me-
limen admiserit, varia stili rudis tamen ima-
go res suas, breuiter strictimq; distinctas, de-
lectabiliter interdum non minùs, quàm deco-
rè depingit. Peracrius fateor inueniri posse,
quod me vincat, ingenium; sed vlla me vn-
quam superatam faticatione studiorum infi-
cior. Dicam igitur, spero, si non exquisitè
atq; dilucidè, elaboratè tamen & peroppor-
tune aliquid, quod pro castæ veritatis stupe-
scen-

scientiâ capiat delectetq; animos, ex quo tam nascituri, quàm præsentes necessario Te & admirentur, & diligant. Vale. Nono Cal. Sept.

Fratri Ludouico de la Turre, Minorum Vicario

Laura Cereta. S.

Epist. XLVI.

VT maturè nuper ex Vrcis resentissima Claras adueni, Junium Antonium ad me perpropere aduolantem offendi, velut quia ea omnia, quæ de me, à tuis disputata erant, anhelaret exponere, exposuit autem obsoleta quædam opinionis vestræ paradoxa, quibus commota parumper colorem variaui, vt assolent illi, quos vel indignatio, vel crubescētia suffudit, & quāquam id à vobis non indigne, neq; ab re interlocutum existimem, mirata sum tamen prorsus, quòd tam venerandi sapientes offensi fueritis admirationis impulsu, quasi miraculum opinati, me puellam adhuc hausisse præcepta, quibus & circa vnunquodq; contingens benedicendi scientia suadeat, & quo sese influentes Stellæ re-

ceptent, quasi tale nunquam audieritis, quod
audire multi, qui multa legerunt. Neque
enim notæ mihi vni litteræ sunt, neq; probè
quidem sentire eos opinor, quibus adeo con-
temptui sunt nostri sexus ingenia, vt fieri pos-
se negent, quo minus solers acrimoniæ mu-
lierû nancisci queat etiâ quicquid fabre exco-
gitari potest ad litteras, nisi fortè Deum illi
impotentem arbitrentur, aut auarum. Quòd
si vos quoq; tenet hæc hæresis, attingite oro
Sibyllarum arcana volumina: Videte san-
ctiones legum, quas Atheniensibus Tritonia
primùm Pallas instituit: Legite multiplex
carmen, quod Sappho, & proba Centona
percantitant. Neq; propterea tamen hæc
Veterum exempla retexui, vt velim hoc im-
par, atq; incapax meum ingenium cum ra-
rissimis Fœminis vllâ paritate conferri; sed
neq; hoc injuriâ tetigerim, quòd æltus atq;
ardor sciendi sub ætatis tenellæ decennio hæc
sanctitatem inuidiæ mihi conflauit, quæ eru-
tum à vulgo animm ab ocio atq; torpedine
tantû abduxit, vt jam prorsus omni curâ atq;
negocio soluta, vehementiùs, diuturniùsq;
studerem. Traxit autem me ad huiusce li-
bera-

beralis disciplinæ sollertiam inanis illa opinio delectabilium, qua multi falluntur, ut essent iste meæ litterulæ mihi ad nominis æternandi viaticum satis: sicut & vos coelestium desideriis angimini, ut per pœnitentiam faciem Dei videatis, qua sub insatiabili bono Beatorum animi fruuntur. Vale. Septimo Cal. Sept.

Laura Cereta. Sanctæ Pelegrinæ. S.

Epist. XLVII.

Eorum, qui de Amicitia scripsero, una sententia est: illam, quoniam è fonte honestatis emergat, & præcipuam esse, & ipso jure perpetuam. Nec mirum: Ethicum est enim id utile esse, quod honestum; utile autem naturaliter omnes appetunt, & sic Amicitia præcipuum quid ethice, & physice perpetuum inter humana desideria relinquitur. Hæc examissim quum ita se habeant, hæret cogitationi stupor, & omnis intus admiratio refluat, unde nã processerit quòd quum inter nos mutuæ charitatis jacta semētis, jam jam in radice honestatis altius increverit,

uerit, ipsa tam repente, velut in arido exsiccata, detecerit, quasi ipsa per se contumax & à natura potuerit, & ab humanitate refugere. Hujus quæstionis ad Te spectat enodatio, à qua tanti cultus interruptio processit. Num credam, existimes in blanditiis, aut muneribus Numen Amicitiae consistere? An quid fortè putasti impetraturam Te tanto silentio, quod in manu non esset mea? Ast ego, si iudex asciscar, renuerim alterutrum, quia falsum: neq; enim aut fingitur virtus, aut mercatur; neque circa impossibile potest illa versari. Tu si quid habes, quo possint argumentationes nostræ refelli, id pro sapientiâ tuâ ornatissimis litteris, demandes, obsecro obtestorque. Conquiescat tamen velim hîc omnis error, hîc omnis excusatio faceffat: Sola in conspectu stet veritas; Hîc nanq; ita de re nostrâ agitur, vt altera alteram doceat potius, quàm vincat; nam quæ potest amicæ in amicam esse victoria? Non est datus nobis ad differendum ille locus, in quo Carneades nûc pro Stoicis, nunc contra Stoicos dubiam inextricabilemque palæstram ingreditur. Disputanda est ista quæstio, non cauillanda, vt ob-

fer-

seruantiz nostræ sanctum fœdus, jam ictum
fractumq; , sanetur, utq; opinionum medica-
to languore, mox apud nos rectè sint omnia.
Nimirum ego tantum tui studeo, ut precia-
bilis nihil mihi sit, quàm à te amatissima
amicarum redamari. Sanè nihil dubito, vel
si me in peccatum offendas, quin, ut es hu-
manissima, humaniter ignoscas: optima
quippe causa pietatis est, propriæ fragilitatis
conditionem agnoscere. Discute igitur ex
querelæ controuersia, sententiam: nec taxetur
tamen erranti minor indulgentia, quàm
culpa. Quæ enim nostrum altera alteræ pœ-
nam infligat, quam pariter cor utrunq; non
sentiat? quum mutuû liberalis scientiæ com-
mercium sit inter ingenuos animos insepara-
biliter omnino connexum? Vale. Decimo
Calendas Martias.

*Venerandæ Abbatissæ S. Clare. Laura Cereta. S.
Epist. XLVIII.*

QUòd ex ordine Ecclesiæ in Monarcha-
rum Matrem susceperis, Deo in pri-
mis gratias habeo; Tibi verò de honore
con-

congratulor. Velim tamen in hoc onere suscepto ad reddendam Deo rationem Te præpare; consideresq; parumper, quòd ille Adam Parentem primum Paradyso in summâ & perenni deliciarum amœnitate donauit; Solomon verò, & Dauid Regnum tenuere Hierusalem; Pharaon autem, & Nabuchodonosor Asiæ sceptrâ rexerunt. Horum quilibet vnus quo tramite à Deo donatore recesserit, non Te præterit, Mater, quæ hæc plenius, diuinis imbuta litteris, nostri. Stetit enim sua pro delictis vnicuiq; punitio. Verùm nō modò ex nostris Hieremias, & Saul, sed ex gentilibus quoq; Lycurgus, Empedocles, Pittacus, & Lycophron aut oblata regna recusârunt, aut sponè deposuere possessa, credò altiore Dei timore permoti. Nec inficior, ob id, quin boni tantum ex virtute premium habuerint, quantum mali sumpsérunt ex reuertiâ supplicium; est enim peræquè consonum, quòd quisq; post mortem secundum opera sua retributionis mensuram accipiat. Hinc velim, vt rogatu & precibus meis eâtenus iudices filias tuas in Christo, vt auditura turbam diuini iudicii, iudicium expectes.

Non

Non sit libertas, non dignitas vlla, non vtile,
non delectatio, non quies, quæ Te à timore
sententiæ extra lineam religionis abducatur.
Vmbra, somnium hæc ista vita est, & nostra
desideria frustra sunt. Memento quia fumus
ex thure Deo debetur. Vide Tu ne in aliqua
dominandi vanitate tua tibi fument altaria.
Cogita quo miseri hac morte traducimur, &
ita viuito, vt obitus Te foelix inueniat. Idibus
Augusti.

Iacobo Basiliſco. Laura Cereta. S.

Epist. XLVII.

Perelegantes littere tuæ mihi redditæ sunt,
quæ Epistolari quodam ornatu curren-
tes admirationem inuasere multorum. Quid
enim aliud in illarum exordio inueniri potest,
nisi Tullianum? quid in narratione splendet,
nisi rhetoricum? quid in epilogo nitet, nisi sen-
tentiæ, excogitata ratione castissimæ? Aptè
nanq; partes ipsæ suis partibus distinguuntur.
Materia coloribus ornatur: Rediit demum
oratio, vnde defluxit: omnia ter so limatoq;
stilo concordant; adeo vt accuratior exquisi-
tiorq;

tiorq; facundia & inserta tuis litteris videatur, & nata. Quarto Cal. Majas.

Laura Cereta. Alphonso Tiburtino. S.

Epist. XLIX.

Litteræ tuæ tametsi amici vicem representent, cum tamen offensæ mentis stuporem ingenerant, à quo injuriæ non minùs, quàm indignationis accepi; maximè verò quum de meâ Lucretiâ, quæ oportuit, mihi nuntiârint. Diceretur satis animi, quòd alteri utriq; vnus sit sexus, non vnum ingenium; nec video, quænam possit illi probabilis esse responsio, quæ me pro vnis, & consulendis litteris, à gratia & amore suo secreuerit. Neq; enim ipsa misi quempiamullū, aut dixi quicquam vnquam, neq; perscripsi verbum aliquod, quo jure possit ab tam dulci sorore infanti sorori mihi inuidia conflari. Iam studium, & opera mea neminem latent. Ego illa sum, quæ hanc vnâ præ cæteris tanto in honore semper habui, quantum fert amicitix non vulgaris vera constantia; nec scio quid peccati ad illam sit nomine meo delatum:

Scit

Scit ipsa forsitan quæ aliquid ignotum mihi hinc vidit, inde tacuit: Sed non probè facit, existimo, qui nuntii secordiam pluris facit, quàm sanctitatem amici. Relegat Lucretia quæ scripsi, in quibus si quid aut probri est, aut ignominia, redibear illa vnde sumpsit injurias: quòd si secus, hanc ipsa rursus ad pacem, nominis tui auctoritate, compello, in inquam non prouocauit me odium; sed reuocauit opinio: Vrit nanque me nimium offensæ expectationis acerbitas, quòd sub fallacium opinionum inani cogitatu volutet se se habitissima litteris Virgo: Neq; enim grandioris animi est subterfugere, sed comparere. At nunc ista parciùs. Hic perinde rerum fama se habet, ac si Numam, vel Augustum haberet Italia. Scribe Tu, qui istic rumores audiantur, quidue in nostros Turcorum arma sollicitent. Vale. xij. Cal. Augusti.

Frontoni Carito. Laura Cereta. S.

Epist. L.

QUòd scribis Eusebium legisse litteras meas, quas Patris iudicauit esse, non pro-

proprias, ego vtrunq; horum, ab omni injuriâ procul esse censuerim, siue genitoris illa, vt asserit, siue meas, vt inficiatur, Tu te ipse credideris: Hujus enim judicii gloria apud me maxima est, vndecunq; illa deriuet: Nec plurimi interesse reor, vtrum eo dicar oratore genita, qui sit eloquio super cæteros dignus; antantâ ille me gratiâ scribendi in his tam teneris annis ornatam excultamq; reddiderit. Non est Eusebius Orosio hac in parte fidelior, qui nouis quibusdam exceptiunculis in nullâ subtilitate eruditus, scrutatur, elementatimque vestigat ea videre, quæ scripsi; vt scribendi ordinem, sub litterulæ incauto fortè lapsa dormientem, a conito inuidentiæ cōmaculet. Captionum retia sunt ista, quæ liquor animi inuidiæ filis intexuit: sed obscurum est mihi, vnde lambens surrepat hæc insimulatio clandestina. Nunquam in antris mea Musa delituit: liquet omnibus meum ingenium, & serotina, non tempestiua surgit ista suspicio, quæ non metum mihi, sed majorem diligentiam adauget: Interea nanq; dum longius, atq; diutius, à Patre absūm, assidua est huius calami scriptio, quæ ad scribentes

bentes sæpe rescriptat. Cæteris verò, vel
deuijs, obuiâ occurrit ad manum. Multas
igitur vtrique delatori gratias habeo, neq;
inferiores illi, qui scientiorem Patrem extol-
lit, quàm qui imperitæ filia nititur dediscen-
da monstrare. Vale. Calendis Quintilibus.

Fratri Thomæ Mediolanensi. Laura Cereta. S.

Epist. LII.

Ingeniosi mei sententiolas exsucca horri-
dula interioris animi conscientia formi-
dat, quotiens Augustinū, atq; Hieronymum,
disertissimos militantis Ecclesiæ Monarchas,
attingo. Tantum mihi ex huiusmodi lectio-
nibus precium, tanta delectatio, tanta surgit
utilitas: Ego enim necdum eò doctrinæ, aut
artis ascendi, vt discipula jure dicar illorum,
quos Catholica scientiæ fama perennis illu-
strat: nam video mihi verba singulare, non
loqui, & chartas fumo, non oratione descri-
bere. Strepitus nanq; , inanisq; sonus om-
nis litteratura mea est, quæ pro tenui sensu in
nihilum, quasi ex atomis facta, resoluitur.
Redarguere me vix sunt litteræ tuæ, quod

quam ſæcularibus litteris tot margines, jam-
que tot libros impleuerim, nullum vnquam
vel commentariolum de diuinis à me fuerit
ſcriptioni mandatum, velut cui de chriſtiana
generoſitate nihil incaleat. His Tu quam-
quam me ſcitè, ſeriòq; momorderis, audita
mihi tamen grauià, & infeſta videntur: Sanè
hoc impar ſibi argumentum eſt; neq; accu-
ſatoria hæc ratio ea eſt, quæ me ream inde-
fenſamq; perſtringat; imò niterer viâ retror-
ſâ, ſi morem tibi gererem, qui ex optato non
ex ſententiâ mihi conſulis: neq; enim inexer-
citati ſtudii eſt, ſcrutinio tentare cauſas oc-
cultæ Naturæ: nec quidè his contigit Deum
agnoscere, quibus variis modulis ſolus lingue
nitor effloruit; Politè nanq; , & ornatè loqui
non Theologi, ſed oratoris eſt. Ego verò,
quæ me puellam exiſtimo, ceu cui neutrum
aſpirat, quibuſnam mentis oculis, aut quo ve-
ritatis radio fulgenti penetrabo ſedes illas
æternas, ſub quibus, tanquam ſub pondero-
ſâ mole, Thomas, & Dionyſius, totq; celeberrimi
nominis maiores, fatigatas dies noctèſq;
triuerunt? Nolo in Deum laborioſum aliquid
contemplando moliri, ſed credere: neque
enim

enim id mihi negotii creditum est, vt profundiorẽ ingenio prouinciam aggrediar. Porro inest agnitioni cœlestium mare magnum, ejus dispatis eminus, & procurrens semper immensitas humana circuncingit ingenia. Transcendat nubes Aquila, & inaccessibiliarupium fastigia præteruolet; Ego semitâ humiliore cõtenta, Saluatoris nostri doctrinam, in Euangelio sectabor. Lex quippe una est, vnumq; verbum domini, & vera virtus, quæ purius debent in templo nostri Cordis esse diffusa, vt ille nos amore suo in his moribus humanæ fragilitatis inspiret; & sic non ipsam me moribundam concupiscat anima mea, sed Deum; nempe si quid in me fortè præcellit, quod ascendere me faciat in mōtem Dei Jacob; hoc mihi ab Deo patre datum est donum. Nos igitur misellæ mulierculæ, quæ per nos nihil sumus, interea dum viuimus, perplexas, inuicemque permixtas passionēs animi cum quanta possumus legis obedientia conuincimus. Vna est præ cæteris conuersio inclinationis ad Deum, quæ in iudicii, resurrectionisque recordatione consistit. Quare quum mortalis hæc vita nostra sit victura

post mortem; renunciaui (& sanctius est) huic
succisuræ caducæq; gloriæ; quæ terrenorum
contrarietatibus plena, & nos à verâ piæ fidei
religione sejungit, & in superbienti altioris
intelligentiæ pompâ perimplicat. Docetur
posteritas omnis exemplo, quòd hæc sciendi
tantâ ventositas extollētis subnascentis odor
est, quo Serpens Euam sub Deitatis spe falsâ
decepit. Optima scientiarum est vera sui co-
gnitio: officium ergo & constantia studii no-
stri vnâ erit, vt cœlestis Regis dexterâ, auxi-
lioq; frata; ea attentiore cura scrutari cōten-
dam, quibus conditionis nostræ miseria cum
humilitate calcatur. Hinc inextinguibilis
fidei lampades accendentur, quarum illustri-
oribus radiis per hanc transeuntem vitam pa-
tebit iter ad Cœlum, vbi mortua nostra mor-
talitas beatâ æternitate donatur. Superiora
verò sæculi casses illi sunt, qui sensibus no-
stris sub honorum caliganti errore tēduntur.
At Tu doctior omnium mihi Præceptor, obi-
ce claustrî perstrictus, qui ceu in silenti here-
mo, Sponsum animæ Christum per pœniten-
tiam inquiris, fer, oro, me oculis in orationi-
bus tuis, & recordare luctus, angorisq; mei,

qui

cui ferè nulla resta expectatio meliorum;
 Nam fata immatura Viri defuncti latè adeo
 perdoluerè mihi, vt quassata mens inter la-
 mentabiles suspiriosi cordis ærumnas anxia
 fluctuet. Sed heu, fera quippe nimium illa
 cogitatio, quam irreuocabilis jactura casti-
 gat. Monastica non est mihi ignota securi-
 tas, ad quam renouatum animi vulnus ali-
 quando suspirat: ob id Tu ora constantius;
 Misericordiæ nanq; Domini multæ sunt, &
 inuestigabiles viæ illius. Interim expectabo
 sollicita quid misericors Dei vnus æternitas
 elargiatur. Vale. Quarto Idus Septemb.

Laurentio Capreolo Brixiano. Laura Cereta. S.

Epist. LIII.

Accusat me, nullo crimine objecto, Gif-
 munda, & stimulo fortè simultatis im-
 pulsa hoc scire meum, licet exsuecum, exul-
 cerare studet ambagibus; quasi videatur vel
 æquales habere contemptui, vel in scientio-
 res se augere suspectiorè inuidiam. Est enim
 sermonis versuta facies tegumentum sæpe
 cordis infirmi, Num infirmat illa firmissi-

nam fidem, quam terè cunctis de me studiis
meis pernoctatio firmavit: Dii mites, ubi nunc
amor, ubi inuiolata fides? ubi prisca huma-
nitatis feruor obdormit? Non est amplius in-
ter homines frons amicitiae, sed umbra. Fal-
sa me disciplina illa Soror insimulat, quam
ipsa totiens laudibus expoliui sanctissimis. At
satis dudum aures medicatis constantiae suc-
cis armaui, quibus infundi noxia verba non
possint. Sed non metuit hoc mea bonitas, neque
suae partis munus hoc fuit. Melius erat an-
cillanti interblandiri, quam inquietare dor-
mientem. Melius & ipsa in hoc forte posthac
mihi consulam: sed metuo interea tamen,
ne forte nimium sibi credat, & citra verum
enitatur aliquid, quo se arbitretur in Catonam
caelo primò delapsam euadere. Vellem hu-
jus dignationis stare ei spes certior. Non est
fundamentum honoris injuria, sed laus; nam
plurimi ex consiliis contumeliae labem in-
currunt: ex studio autem & mansuetudine
optimum sibi nomen in posteritatem acqui-
runt. Sed multi viam erroribus plenam spon-
te secuti sunt; nos propalam comparentes,
veritatem sub iustitiae certo calle sectemur, ut
certo

certo iudicio contraria noscantur . alienum quippe à sacris legibus est, vt quis per os alterius absentem aceuset, quum præsertim non vocatum nullus censor ad iudicet. Scis ipse, quòd debet objectum crimen per delatorem præsentem reo probari : alia nanq; fori vix est, alia cubiculi, alia plateæ. Tulit Adrianus hæc legem, qua nullus possit absq; objectu criminis & probatione damnari. Dat igitur probro Gismunda, quòd non mea, sed ejus, qui me instituit, patris credit esse quæ scripsi . Hæc dum meditarer intra memet, & rationem alloqueretur internuntia mens, obstupui, quòd illa nullo euidenti testimonio deberet sola ipsa verisimilium specie moueri . Sed hic à verisimili par militabit argumentum in ipsam, quum sumus ambæ sexu & ætate simillimæ ; ni fortè in ejus fecundiore domo litteris pluat, quibus caesa mea sterilescat aridior, & sic locus esset in culpâ, non Laura . sed commenticia sunt ista : ignosco, auias cogitationes sola non sequitur ; variæ sunt enim singulorū ubiq; hominum mentes, & variis siderum aspectibus cœlum omne subtrahat . Verum has tamen de me suspiciones paulatim adeo

experientia discreuit, ut meum (si dici licet)
 nemo litteratorum nesciat ingenium: est enim
 ea verior historia, quæ stat omnibus oculis
 notatur. Sed non est miratu dignum, si fortè si-
 gnatum hunc rubigine meum calamum lit-
 teratores illitterati non probant, qui tot illu-
 strum ingeniorum studia contempnunt: hæc
 esse Eusebii atque Orosii obvoluta tenebris opi-
 uio, hæc caligantis illa hæresis, qua me irriden-
 dis argumentis non Orestes modò, vel Phro-
 nicus, sed profestum quoque vulgus impugnat:
 Inuidiæ namque ardens atque torridum guttur
 haud facile potest conceptam auidius male-
 dicentiæ sitim extinguere. Sed hæc puta pro
 execrationibus impiorum fuisse opportuna
 relatu. Nunc postea quam in foro judiciali
 Gismunda me prouocat, quæ politia est orna-
 mentumque virtutis, dicat illa velim, & osten-
 dat, ubi nam actoris in decidendam suspi-
 cionem libera citatio, ubi rei procuratum
 examen, ubi contumacia, ubi confessio. Si ei
 melius discernenda fides est, quid non &
 mihi in præiudicium ipsius? Semper in simu-
 latis purgandi se dari debet occasio, re pen-
 dens è verò dubium ante digestam juris for-
 mulam

mulam falſâ perſuaſione plectatur. Scripſi-
mus Clariſſiſſimæ Brixiæ, Romæ cauſa
refertur. Hic juſtitia facies nulla monſtra-
tur: nempe ſicut ab electis judiciſus propo-
nere non licet, ita ab incompetenti non po-
teſt quis, aduerſante judiciaria ſanctio quæ
diſpoſitione, convinci: nam cauſa, ubi oritur,
ibi ſemper ex canonum obſervantiâ ſinitur:
lex enim ad æquitatem ſpectans, conſuetudi-
nes loci ſectatur; & ſic omnibus colludii con-
tagiis amotis judicium indultum ſub inviola-
tâ firmitate ab imperturbato iudice promul-
gatur, & tunc ab illo appellare ſola inſignis
odii perſidia conſentit. Non debes etgo, Bo-
nifaci, dolere, immo neq; mirari, meâ ſenten-
tiâ, quod cavillationum tot gladius obuiam
me dederim, quibus meâ ſodiſſimam ſenten-
tiam ca-
uetur enim eccleſiaſticis regalis, quod is cen-
ſeatur fateri de crimine, qui ſe ab excuſatione
non curât eximere. rarmenda ſemper ratio-
ne manus eſt, ubi honoris cauſa diſcutitur:
itas nanque magnas cauſæ interdum parvæ
ſuccedunt; neq; enim parvi pendidit, am,
quod obſcœniſſimi conſtrinarû ſenatores qui
dam execrationibus in me deſilioris obla-

tient:

trent : nam qui bello injuriarum appetitur, is, si saluti consulit, venientia in frontem tela repellendo studet euadere. Hæc igitur à sur-reptenti criminatione soluta mihi purgandi me venia conceditur, vt litterarum illi carni-fices, de peccato confusi, quo tandem insolēs vanitas sua tendat, intelligant. Electissima verò Soror illa mea à sorore se fateatur ad-monitam, vel de manifestis solùm, vel de necessariis esse loquendum. Vale. Decimo Cal. Septemb.

Laura Cereta ad Luciliam Vernaculam, con-tra Mulieres, Mulieribus doctis detrahentes.

Epist. LIV.

PRæcidendas in frustra linguas, & cæsim eorum corda lanianda censuerim, qui-bus tam praua mens, tamq; incredibilis ra-bies inuidiæ popularis exarsit, vt posse mulie-rem vllam in Romanæ faciendæ disertissimas partes euadere imperitis vociferationibus ne-gent. Ignoscerem perditis, & in flagitia de-terminatis hominibus, quos de manifesto furore incastigata lingua castigat. Sed garrientes bla-

blaterantesq; foeminas ferre non possum, quæ
temulentia vinoq; flagrantes nō sexui modò,
sed sibi plerumq; dictis petulantibus injurian-
tur. Hæ mentis impotes, & inter vicinas ex
vrnulâ popinali consultrices numerosissimis
suffragiis extractæ, mox illas, si quæ surgunt
insignius, indagantur a contro liuoris occide-
re. Procax sane atq; in frons exiti impuden-
tiæq; deubio, scelus anhelans, quæ dum vel
consumatissimis inferre maculas studet, tur-
piorem sibi demeretur infamiam: nam qui
se à peccato non curat absolui, is sibi turpidi-
nem concessum iri desiderat. Hæ propterea,
otio & incuriâ desides, ingerunt se se alienæ
vigilantiæ, & tanquam suspensæ contra pas-
seres in hortis imagines in transeuntes arcu
linguæ virus excutunt. Quænam honestatis
causa est, ut exacerbantium circumlatrantes
fremitus toleratu dignos existimē, quum gra-
ues florentesque matronæ honorato semper
ore me prædicent? non sum ea, quæ velim
turpes insolentium ausus sub silentii ignoscen-
tiâ transire ne fortè vel ipsa dicat id proba-
re, quod taceo, vel ipsæ vitam cum turpitu-
dine regentes, plurimos ad licentiam com-
pec-

peccantes alliciant: nec velim propterea mo-
 quisquam de impatiētiā redarguat, quum
 vel canibus liceat infestiores muscas vngu-
 bus decussoriis arcere: arcenda quippe sem-
 per est ab sano grege pecus infecta, nam ma-
 xima à minimis sepe læduntur. Quis crede-
 ret pestem arborum esse formicas. Contice-
 scant igitur insolentes illæ mulierculæ ab om-
 ni honestatis jure disjunctæ, quæ odii incen-
 diis ardentes, ni loquaciùs rodant alios, ipsæ
 in cro mutæ roduntur. Vexat animi rubigo de-
 mentatas Matres quasdam, immo Megeras,
 quæ doctarum vel nomen ipsum audire non
 sustinēt. Hæ sunt facies illæ pulmoneæ, quæ
 in suâ illâ vehementiâ dicendi nunc è strictis
 buccis longissimi pediculi verba proferunt,
 nunc sub oculis, ad horrore visentium regen-
 tibus, tonantes nugas ore disseminant. Pu-
 det nimium erroris humani, & piget earum,
 quæ nodosâ dubitatione detentæ de artium
 humanarum possessione desperant, quum il-
 lam faciliè possint cum solertiâ & virtute nan-
 cisci: neq; enim littæ extestamēto, aut forte
 quadā nobis eueniūt: sola à nobis ipsis virtus
 acquiritur, nec possunt ad rerum arduarum
 cogni-

cognitionem ascendere, quæ luto voluptatum
forditatur, in torpore segnius hebescent. Illis
duntaxat ad perdiscendam scientiam strata
via est, quæ studia, quæque labores, & vigilas
laudem sibi certam, existimant. Vale. Ca-
lendis Nouembris.

Ad Albertum de Albertis Laura Cereta.

*De concurrentibus Cælestium Aspectu-
colloquium ad Natiuitatem hominum.*

Epist. LV.

Immensum Epistolæ tuæ mare fluctuans
fragilis ingenioli mei cymba non patitur;
neq; sanè mihi ad tantas remotioresq; vias
Vlyxis, vel Jasonis velificantes naues illæ suf-
ficerent. Fateor filia tua sum, sed rudis ado-
lescentula tamen: nolim pro minuendâ esti-
matiunculâ meâ ad me venias; eant potius
Te visum, qui, ut ad legem Romæ Liniun,
se reportarent, multos errârunt annos mari
transacto. Exactè satis ipsa, & ætatis, & litte-
raturæ meæ imbecillitatem agnosco. Finxe-
re vates Amorem cæcum: quidni & ipsa igno-
scam fidei in me tuæ, quæ fortè in suâ nimie-
rate

rare credendi Elephantem me facit è culi-
ce? littere tuæ Medusâ genitæ, obocœarunt
me stupefcentiâ & splendore tuæ facundiæ;
hinc indignum paruitati meæ reor, quòd gran-
ditas tuâ me visitet. expectanda est mihi or-
natissima tua Coniunx, mihi Mater altera;
Hæc ubi venerit, non me optabit incassum;
tunc enim te maximè venerabor, vt debeo;
tunc audiam Apollineum oraculum tuum, vt
cupio; tunc in magno scripturarum pelago
innitat libris tuis, ex quibus iura dantur leges-
que viris, & ubi Castalides illæ Sorores Dia-
nam Phœbumq; canunt; ego enim vel ab-
sentē tanti Te facio, quāti pro virtutē tuā à ge-
nitore meo pēderis, qui Te iure merito & ve-
neratur, & colit. Littere igitur tuæ quāquam
non minore amicitia, quā gravitate pellu-
cēt, ex eo speretam me tamen existimo, quòd
spreuisti à domesticâ fide meâ munuscula,
dum simpliciore animo tua nuper accepe-
rim; nimirum vel munus admittere, vel re-
nuere vitium est; ex alterutro si sciero quod
adscripteris tibi, ad me quid spectet erit aper-
tum; Sicq; in vno eodemq; officio certior ac-
cusationi, vel excusationi dabitur locus; Sta-
bit

bit igitur inter nos mutua verè fidei charitas,
stabant munera retrorsum, ne se virtus ad vir-
tutem fortè collidat: Tutamen interea pro
integritatis tuæ cultu sanctiore me inter filias
tuas non dedignabere filiam: quare ut expe-
ctationi tuæ faciam satis, persuasum habe,
quòd nono calendas Apriles, quibus, quasi sub
primis incrementis anni venientis, ætas tua an-
nis duobus de quinquaginta signabitur, Satur-
ni vis gelida in vndecimo gradu Sagittarii
Septentrionalis ascendet; Juppiter verò in
Capricorni decimo gradu à Septentrione ibit
in abruptum: Verùm Mars ardens, ab au-
stroq; declivis, in dorso Aquarii gloriabitur;
at Sol præceps, in Cœli dexteram means,
vndecimum ingreditur gradum Arietis: sti-
mulus autem incrementi naturæ Venus, ad
Boream scandens, Tauri caudam aspiciet:
Mercurius item in Piscium gradu quarto &
vigesimo ardua emetietur Aquilonis: sic Lu-
nam in oppositione Venetis anxiam portabit
cauda Scorpionis: sed Draconis caput atrox
Piscium intercurfabit humor vndecimus.
Hic quos Sortus tuæ casus fata vehant, nihil
penitus scripserim, nisi prius vel conceptionis
iunt.

infusę, vel Natiuitatis orientem gradum, com-
 minutissimafq; horę sectiones per astrolabi-
 um, & Sphærę lineas inuenirim: Breuis est
 enim nascendi mora; sidereis nexibus alliga-
 ta, sed multiplex tamen est diuersa q; diffe-
 rentia cœlestium, & cyore, tardioreue cursu
 meantium: nam pigri sunt erraticorū aspe-
 ctuum motus, segnior obliqua Signorū ascen-
 sio, tardissimum verò Fixarum interin æter-
 nā illā serie lucentium: Habendi ergo in pri-
 mis sunt respectus distinctionis primæ domus
 ad gradus æquales: habendi & luminum ca-
 sus, atq; eorum elongationes ab angulis &
 cardinibus suis: accedunt autem cognitioni
 pernecessarię directiones Ascendentium, re-
 trogradationesq; Stationum, cum partitioni-
 bus horarum in tranuersales arcus inæqua-
 lium: Res est & magni iudicii nouisse quis
 Planetarum dominium regat in circulo, &
 quę oppositiones eorum Natiuitatem præcur-
 rant: Solent Genethliaci obseruare dies ele-
 ctos, & solares accessus, incrementaq; luna-
 ria cum interfectione Draconis; nec sper-
 nunt hī Planetarum inter se complicatos la-
 bores, neq; loca, domosq; Stellarū, maxime

si illarum aliqua figura Zodiaco proxima in discrimine Natiuitatis absconditur, aperiturue. Nimirum constellatio Natalium, quauis sit potestati diuinæ subiecta, radiis tamen tenetur causæ secundæ, quæ juxta contemp-
 riem superiorum corporum nos mouet, ac concitat. Hoc igitur prætermittendum duxi pro tempore, velut impertinens propter ignorata principia. At Tu in hoc æui die eminus de loco non emigrabis ad loeum; nam tum ciet nubes aër, ni eas aliquid fortè contingens auerterit: Contingentia nanq; Mathematicis sæpe rationibus videntur illudere. Vale.
 Pridio cal. Nouemb.

*Laura Cereta Fratri Thomæ Mediolanensi
 Ord. Prædicator. S.
 Epist. LVI.*

IRatius apum examen spinosior Epistola tua est, cujus tot melligeris poplitibus tot aculei, punctim exacuti, sublatitant, sed tangat culpatores animos hoc virus odiosum; oburgatorias ego nondum ire vias edidici, nec adhuc calamos emo tanti, qui stillent

abſinthia. Si Plato Parmenidem, ſi Soerates
Anaxagoram, ſi Philo Academicus Stoicos,
ſi Diogenes Euclidem, ſi demum Ciceronem
Saluſtius, & Cicero. M. Antonium culpatus
improbitant, quid mihi cum illis? Concita-
tio fuit iſta, non conſultatio ſapientum; Gla-
diatoris enim non Iudicis eſt indictum contu-
melix bellum in theatro defendere. Lætor
ſanè non doleo, quòd Laurę inuidum ſurrexe-
rit omnibus nomen: effecit nanq; veritas, vt
vulgo ſcripta mea diſpliceant. Num fortè
credis è ſummis labiis mea mihi verba efflu-
xiſſe? Sunt illa plerunq; in ipsis ingenii viſce-
ribus nata; in hoc libertas animi vires ſuas
exercet, quòd amicis quicquid mentem inu-
rit expono: Moratur mecum ſemper mea
mèns, qua ſuadeor eos jure reprehendere,
quos vel toto pectore cariores admiſi. Hinc
conſilium cōſcientiamq; meam proſpectans
introrſus, obedientem non opinioni, ſed mor-
ti mihi vitam inſtituti. Indignum nimis cer-
rè reor quòd mordacitatis meæ lamentetur
mordax tua illa conquæſtio, quæ me, vel in-
ſontem, tam apertâ recriminatione ſollici-
tat: Ego enim Te præceptorem meum, & le-

Etionibus innutritum Philosophiæ sat veneror,
quum venerabile apud omnes Philosophiæ
nomen extiterit. Non est objectum ordina-
tæ mentis inuidia, sed charitas; nec fumo pa-
seitur, cui de diuinis maior semper fames est:
vaga quippe, & inanis est humanę glorię mer-
cedula. Inuitat me ad calcanda desideria
fugacis vitæ peregrinatio transeuntis: ob id
renunciaui mundo, eosq; fines legis mihi con-
stitui, in quibus ultra licitum libeat nihil. Ego
paratura mihi speculum mentis ad mortem,
Saluatoris nostri doctrinam menti semper
ostendo; & quamquam interdum inane me
oblectamentum agat auersam, constantior
tamen auxilio Dei è casu resurgo, & sperno
vilitatem hanc corporis, cui quantulum ter-
ræ satis est: Ipsa enim per se fides contenta
mecum semper est, qua feror velo humilita-
tis ad Deum. At nemo tantæ integritatis est,
qui ad beatitudinem animi per se sibi sine hu-
militate sufficiat. Sensi itaq; Epistolæ tuæ
pungentes vtricas, & cicutam inatam in du-
mis lethalis primùm sorbitio perhorruit. Sed
obstrepant in senatu, & scribant ista candidi
Catones; sic definitionum naturalium quæ-

stiones clamosa tecum Logicorum Academia perimplicet; sic Isagogas, primas rationes demonstrantes, introducat palæstra Porphyrii; sic concludant Cathégorica Prædicamenta Peripatetici, & subtiles Periermenias Apulejus & Aristoteles, ex mentis virginitate parturiant. Ego verò Fœmella, ingenio litteraturâq; jejunior, quæ me gloriâ publicandi ingenii in circulis disputantium, proferre nō possum, excusationes in Te meas enarrabo in cellulâ humiliore cum Christo. Diuersa illa sibi cōtrariorū genera, hypotheticiq; paralogismi, ac definitionum tot species varix, & ducta ex topicis argumenta illa tua tecum sint: Non est professionis meæ disceptatio, sed gratia: quicquid implexiūs orditura tua texuerit, erit in illo mea excusatio silentium, & mea mihi beatitudo patientia. Constantiores nanq; aures illæ sunt, quæ sæpius obsonuerunt obloquis. Sanè ea sum, quæ possim cum sospire Vlyxe venenatos Syrenarum cantus securâ nauigatione transire: est enim prompta mihi, quæ passioni surrepat, ratio, quoniam me virtus, non voluptas instituit. Vale. Tercio Idus Nouemb.

*Laura Cereta, De Influentiis Planetarum in
vegetabilia, Regimundo Fortunato Physico.
Epist. LVII.*

A Spectus & Figuræ cœlestium quantum
ex ortu influxuq; radiorū rerum natu-
ras moderentur, ac concitent, testis est her-
barum sub vnâ eâdemq; cœli plagâ, & in
vno paruoq; prædiolo varia complexio; va-
ria & in vnâ minerâ, atq; purior metalli
gemmarumq; præstantia, varia necnon, atq;
impar in vtero vnus, geminâ prole, inclina-
tio, dispositioq; animatæ materiæ; siue illa
vegetet, siue sentiat, aut intelligat. Hoc qui
non pereipit, non integrè sapit, quum res vna
sit, quæ è studiosis neminem fugiat: æruscator
enim vel corticosæ veritatis est studiū: nam
Studium cribrum illud est, per quod intelli-
gentiæ grana funduntur. Propterea non erit
abs te mihi injuriâ quæsitum, vtrum medelæ
simplices vi superiorum corporum aliæ ali-
quando à proprietate impediuntur, aliæ au-
xilio vegetiore nascentur. Perpulehra sane
quæstio est, non quæ excēdat mentem homi-

num, sed quæ ab Astrologis arbitrari facile
possit: Habetur enim exacta de his, perfe-
ctaq; cognitio, si quis altius inspiciat: Ego
verò illorum nouissima, qui examinatas di-
ligentiùs has contemplationes enodant, hoc
consonæ, & legitimæ rationi concesserim,
ni me censoriâ virgulâ scrutatrix causarum
Physica foras ejiciat; Sol enim & Luna à qui-
bus influentiæ scaturiunt, aperiunturque,
fontes maximi, certam habent cum cæteris
erraticis, fixisq; sideribus, concordiam: à
qua connexio causarum in naturâ procedit;
vnde qualitas discors in materiæbus elemen-
tatis imprimitur: Contemperies enim regio-
num, coalescenti vligini terræ commixta,
astrales desuper imbibit afflatus, qui secun-
dum disparilitatem subjecti dispositi diuer-
sas in vno ète naturas dissimillimasq; produ-
cunt. Non eris ergo nescius, quòd in Aspho-
delos, & Sempreuiam Saturnus peculiariter
influit; Eupatorii & Jusquiami vires Juppiter
mouet; Plantago & Peucedanum à Marte
nutriuntur; & Sol Cichoream & Virgam pa-
storis amplectitur; Veneri agrestis Sclarea &
Verbena dicantur: Verùm Tassus Barbaflus

& Pentaphyllon sunt Mercurio cariores; sed Lunam Cynosbatos & Pæonia sequuntur: Sūt & ex herbis alię, quib⁹ vegetior secūdum signa Zodiaci virtus imprimitur: hinc ad sanandas passiones attributas Salvia efficaciore vſu se præbet, si legeris, dum Solis iter decurrit Arietē: Verbena satius auellitur quando scandit in Taurum: in Geminis Verbenā alteram, terrę sparsam, accipies: ita Consolida major in Cancro, in Leone Cyclamen, Calamentum .a. sub Virgine fiet vtilius; & sic ordine spheræ in celsitudine Libræ Heliotropium extirpa, Artemisiā in flexu Scorpionis, in Sagittario Anagallidem, in Capricorno verò Lapatium, Draconteam in Aquario conquire: Sed in Piscium digressu Aristolochiæ datur electio. Ibis autem à vigesimo tertio Lunæ ad usq; percauatam orbem subeuntis conjunctionis herbatum: Solers interlunium euitabis, donec corniculata elongauerit se se; Nam tum propter combustos cum Sole labores radicibus virus potius, quam virtus inspargitur. Sed vnamquāq; in horā semper, ortuq; Planetæ sui eruncato: nam Planetæ singuli in discrimi-

nibus sui temporis subiectis auxiliantur sibi
 similibus, prout aptius tamen influunt aspe-
 ctus inter se varii, peragrationesq; Sinogrum:
 efficaciores autem, vel suæ speciei, sunt her-
 bæ, quæ sub calentibus apricisq; nascuntur,
 quoniam illuc ex textili raritate meatuum
 patentius multo spiritum Solaris caloris ad-
 mittunt. Verùm ut maturatiùs vulnera cu-
 res, apostemataq; dissolvas, tua colligendi
 in augmento Lunæ sit optio: nam his ab
 ægritudine causa longius citiùsq; propellitur,
 in decremento verò mundificationem exte-
 nuari stat casus, quia major ad naturam cau-
 sa superfluitatis adducitur. Hinc edicatur
 impia illa cautela medendi, qua multi à sa-
 nitate promissâ fidem violant, dum morbos
 ægris pro arbitratu augent, ac minuunt. Has
 ego morigera ex hortatu desideriiq; tuis at-
 tigi, licet paucas, easq; summam. Defluunt
 autem & in rebus impressiones aliæ miran-
 dæ, quibus Xenocrates charactèrum figuras,
 observationesq; verborum immiscuit; Sed il-
 læ quoniam videntur medicatæ magicæ ve-
 neno subinctæ, eas ideo non jam à con-
 suetudine depravare, sed iudicio integrioro

in medium relinquere potius institui. Vale.
Idibus. Octobris.

*Laura Cereta ad Martham Marcellam, de
morte Mariti, Consolatoria.*

Epist. LVIII.

Optarem M. Crassum Parthicum in tribunal inexorabile Rhadamanthi subrogari, Marcella: Ambę hinc raptim peruolaremus ad inferos; nam carius esset aurum illi, quàm umbrę. Sic commerceremur auri pondo peroptimos vnicordesq; viros Petrum, ac Lælium, quos pudoris integri castitas tam mirā honestate in conjugali prudentia seruauit, vt illos seruatus intus amor perpetuā pręteritorum memoriā custodiat: neq; enim conditum sepulchro virum obliuiscitur fida superstes. Sed (heu) frustra insequimur plenīs votis amissum. Quid ita, Germanā carior, internū dolorem desles a marius? Num mouentur humano gemitu Reges inferni? Memini superiore dehinc anno me raptam per Orci perpetuas glacies, perq; Phlęgethontis flāmas intensas, atq; cęnosos Acherontis

rontis hiatus: & quamquam tartarea his oculis regna conspiceré, credo somnians, mihi mentirer, tentos tamen, deiectosq; fornaci & æternæ nocti demeritos homines horrens imaginatio cernebat. Hic sub penitissimo stupore animi mœror me, atq; metus abripuit, turpauit nec non laniata comas ora lurida, deploraui misero luctu maritum, & derosi, transfossi q; cordis insanabile vulnus ostendi; sed demum omnia nequicquam: hic nanq; mihi semper obstitit crudele fatum infestius, & mortem confestim ex-lumq; mihi comminatus est Pluto vorax, obuiusq; præcurritas: hic strangulatum sub disrupto suo pte illo boatu papè raucum iugeminans, vigilantius, inquit, Puella circumspecte, quònam ante tempus ipsa te vehas, ne temeritatem introclusus fortè aditus fallat: nam re-nigrandi facultas hì comnis abripitur, traheute sic inexorabilis serie factorum. Obstupui primùm, ceu vitæ mortisq; nescia, adeo timoris internæ febres torruere præcordia: sed generosa mens, ad difficile prompta, amox pauorem illum profundius infusum sub duriori cordis firmitate caleauit: at illinc caecodæmon ille me trudi

præcepit: Ego quo diu artere in minus conspi-
ciens, facellitum insidias celeri fugâ decepi;
fensi autem, quâ festina me egeram, tonitrua,
e luctanti conflictu aëris elisa, sic ab his repul-
si fulminum jactus omnia corruscanti frago-
re pulsabant; quare hinc suspensio gradu mo-
auferens, lethæa sine potu vada trajeci, vbi
toruæ, trucesq; oculos, furia in fauci bus reso-
nanti antri sedebant: Erat autem paludibus
vndiq;, & vermibus, atq; ignibus impeditus
ille locus igniuomus, quem triplex, & illita
venenis fossa eingeat: intro exardescabant
animarum sceleratissima proelia, que vltro in-
latus, ac jugulum se se ferro transigerent. Hic
sedit Æacus, affectans supramodum judicia-
le fastigium, qui sententias damnationum
essulminans, quantitatem offensæ supplicii
qualitate pensabat: hic uel Charon ille nau-
ta, remouatians pulsansq; animas, in copio-
sius aggregatas ad littus inhiabat semper
auidius: hic inquam latrantes multi Ceno-
cephali, & monoculi multi Cyclopes, eeu ar-
roganter de viribus præsumentes, insolentem
pugnam in circumsufos manes vrgebant;
excitabantur hinc magni demonum fero-
cesq;

cesq; discursus, quibus furor intus fremebat
horrentius, & vagabatur formidolosę mortis
hostilis terror in omnes: Horum alios, mem-
bratim distractis curribus alii laniabāt, alios
stipites adacti per viscera torquebant, alios
immanioribus bestiis discerpandos objicie-
bat Cerberus Canis, qui & palpitantia ibi
membra torrebat, vbi camini majus exun-
dabat incendium. Vidi quos vneo dirius ex-
coriaret, patibulis jam in harenā suffixos, &
quos carceribus trufos, ac sub jugo catenisq;
custoditos, ad pœnam perpetuę seruitutis ad-
stringeret. Hinc itaq; in vulnera atq; ignes
reboabant præ cruciatibus mille: Mille verò,
constantiam ex desperatione fumentes, in
destinatam vindicis cultri punitionem pro-
curabant occurrere. Infœlisioris belli fors
ultima fuit, quę insequentium facibus multos
vrebāt, multos & refugientes per aspera de-
uia in sulphureum mare submersit: Reliquos
ē deuexi montis abrupto latere dedit in præ-
ceps. In hoc ultionis diuinę tam tremendo
spectaculo sagittarum nubes, per ærem late,
vnde eunq; volabant: nullę inibi vsquam in-
dugię nulla vel fœderis pacisue cōditio; Om-
nia

nia trunculentâ rabie feruebant ; nimirum
hîc irrita malorum spes omnis exinguitur ;
hîc nullâ interueniente morâ renascuntur
omnibus sua tormenta : sic rursus armaban-
tur instructę acies vtrinq; : vtrinq; demũ om-
nes dubiâ sorte victi mugiebant. Exaggera-
bantur, crepitabantq; vicissim irę frenden-
tes, ex quo per diabolicas tubas renouatę tur-
bationis fragor increpuit. Exanimat ergo
me, perturbatq; nimium miserandę hujus
recognitionis mœror inæstuans; tanta est illa
pietas, tanta amaritudo visionum, quę præ-
cordiis altiùs infunditur, cõsolata me tamen
est spes certior Viri defuncti, quòd illũ diu in
Ditis toto regno quæsitum nunquam inueni,
tanquam is, qui esset pro constantiâ morien-
di ab omni Cocyti statione prohibitus. At Tu
nunc, amata mihi Soror vnanimis, quid mise-
ro luctu te perdis? quid malorum tibi causâ
in stuporem te vertis? cur tristibus ærumnis
ita te conficis? aut cur sic lacera crines im-
mugis? Eia resume animos: nam animo no-
stro nil grandius, & victrix Fortunę virtus est
nostra. Num optatissimum tibi Consortē for-
tè plangis? Fert hoc, fateor, in primis mo-
tibus

cessq; discursus, quibus furor intus fremebat
horrentius, & vagabatur formidolosę mortis
hostilis terror in omnes: Horum alios, mem-
bratim distractis curribus alii laniabāt, alios
stipites adacti per viscera torquebant, alios
immanioribus bestiis discerpandos objicie-
bat Cerberus Canis, qui & palpitantia ibi
membra torrebat, vbi camini majus exun-
dabat incendium. Vidi quos vneo dirius ex-
coriaret, patibulis jam in harenā suffixos, &
quos carceribus trufos, ac sub jugo catenisq;
custoditos, ad pœnam perpetuę seruitutis ad-
stringeret. Hinc itaq; in vulnera atq; ignes
reboabant præ cruciatibus mille: Mille verò,
constantiam ex desperatione fumentes, in
destinatam vindicis cultri punitionem pro-
curabant occurrere. Infœlisioris belli fors
ultima fuit, quę insequentium facibus multos
vrebāt, multos & refugientes per aspera de-
uia in sulphureum mare submersit: Reliquos
è deuexi montis abrupto latere dedit in præ-
ceps. In hoc ultionis diuinę tam tremendo
spectaculo sagittarum nubes, per aërem late,
vnde cunq; volabant: nullę inibi vęquam in-
dugię nulla vel fœderis pacisue cōditio; Ore-

nia trunculentâ rabie feruebant; nimirum
hîc irrita malorum spes omnis exinguitur;
hîc nullâ interueniente morâ renascuntur
omnibus sua tormenta: sic rursus armaban-
tur instructę agies vtrinq;: vtrinq; demũ om-
nes dubiâ forte victi mugiebant. Exaggera-
bantur, crepitabantq; vicissim irę frenden-
tes, ex quo per diabolicas tubas renouatę tur-
bationis fragor increpuit. Exanimat ergo
me, perturbatq; nimium miserandę hujus
recognitionis moeror inæstuans; tanta est illa
pietas, tanta amaritudo visionum, quę præ-
cordiis aliũs infunditur, cõsolata me tamen
est spes certior Viri defuncti, quòd illũ diu in
Ditis toto regno quæsitum nunquam inueni,
tanquam is, qui esset pro constantiâ morien-
di ab omni Cocyti statione prohibitus. At Tu
nunc, amata mihi Soror vnanimis, quid mise-
ro luctu te perdis? quid malorum tibi causâ
in stuporem te vertis? cur tristibus ærumnis
ita te conficis? aut cur sic lacera erines im-
mugis? Eia resume animos: nam animo no-
stro nil grandius, & victrix Fortunę virtus est
nostra. Num optatissimum tibi Consortē for-
tè plangis? Fert hoc, fateor, in primis mo-
tibus

tibus innata dulcedo suorum: at suum tamen terra reposcit; & quamquam regat luridos artus hoc specus, non est tamen æterno somno spiritus inuasus. Impendes & tu animam fatis, & miscebis vno tumulo cadaueris ossa liuentia: nam vitæ, mortisq; agitur semper alterna mutatio, sed dubiæ vitæ mors certa præfertur, quum omne vitæ spatiem sit vna mortis breuisq; vigilia. Improvisa nanque mors vel inter ridendum multos absorbuit. Sic vitæ incertæq; necis vnus est dies, quem amariùs vltima hora perturbat. Sed laboro, inquis, mei fastidio, quòd amantiissimũ mei, preciatissimumq; tam citò mihi socium amitterim, at neque in tuto est ista querela: vult enim Episuri doctrina sapientem posse se ipso esse contentum: Nam omni prorsus amico dulcior est virtus, quippe quod ex virtute, non ex marito, vel auro, vllâue delectatione felicitas nostra procedit. Quid enim fructus habet implexa passioni, innodataq; voluptas? Blandimenta sensuum, insidiæ viscatae sunt, quas ardens hora mortis incinerat. Quid retert num Tibi præferas Virum, an ille Te sibi prætulerit, quum vsurarii esse non debeant

affe-

affectus amantium? Non expectat Amicitia
quæ commoda consequitur, vel inferat. Or-
dinatæ appetitæ castus est stimulus: Præ-
sens enim adstipit nobis semper noster amor, qui
in morte non extinguitur, sed absentiam leni-
tur. Vacare à molestiis nemini contigit, adeo
in humanis unicuique sua est infelicitas prom-
ptior: in aduersis enim alterum ex alterius
fine renascitur. Subducamus igitur, quoad
possumus, oculos jam lacrymis siccos; satis
quippe nimium per se morsus animi, quocun-
que abierimus, nos sequetur infestius. Satis
in squalore, & vilioribus pannis honorauimus
Viros, lacrymarum vno certè fonte lauatos.
Nec debemus: eatenus tamē varietate Fortu-
næ terteri, ut ad infirmitatem animus mœ-
rore tentus incurrat. Eos ego cantu non fle-
tu sepeliendos existimo, qui cum ordinatâ ad
mortem vitâ perierunt. Credis ne Deum, in
æterno illo arbitrio diuinitatis iniustum? Po-
suit ille beatorum sedes in Cælo, vbi iusti, in-
uiolatâ securitate perfusi, mirâ cum tranquil-
litate quiescunt. Fuere illi Comites Confor-
tesq; nobis, & multâ quidem in nos semper
curâ pietatis accincti. Quod si suspiriis, si la-

mentis prosequendi sunt, qui sub compositâ voluntatis integritate vixerunt, quid facient infœliciores ille fœmellæ, quæ vel funestos habuere, vel nullos? Quæ nam ita perdita mens est, ut procuratæ jacturæ memor obliuiscatur sui? Aduersa fortitudinem potentiùs inducant, & victorices semper manus è theatro constantia reportat. Atqui verum animi robur, dum scisso velo in fluctus it medios, dum vel nocentissimâ grandine conerepitatum incutitur, & turbinosus ex omni parte resonat fragor, tunc dehiscences etiam nauigii rimas æriore cordis firmitate contemnit. Innitamur igitur in altiore aduersitatis pelago. validioribus remis, & paratiori periculo, mediis obuiisq; pectoribus insurgamus: Nam ubi plus periculi est, inde plus gloriæ reportatur, & palmæ. Multæ nanq; ad mortem dispatent omnibus viæ; sed impar est, & incertus unicuiq; suus euentus: Interim si quid nobis è concessis Sors nostra subtraxerit, animo inuulnerato feramus. Vale. Octauo Idus Octobris.

*Ad Nazariam Olympicam. Laura Cereta
de Vitâ propriâ digesto.*

Epist. LIX.

Sollicitata precibus tuis, non potui non obtemperare tibi, Germana, cujus ad amatum vultû, atq; ordinatos mores ante animû semper fero. Hoc autem ideireo mihi consului, quoniam amicæ morem gerere, amicitia in rebus honestis semper efflagitat. In te autem quantum exempli habuerit semper honestas, emendatus in omnibus vitæ tuæ tenor ostendit. Testis est mihi mea mens, quantum Tibi semper ex virtutis auctoritate detulerim. Sed vellem plusculum tamen oculi dari, quàm indulto huic à te mihi negotio supersit. Rem ipsam ex ignoscentiâ tuâ temporis necessitate pensabo. Occurrunt enim triplices mihi, quam vnquam ad hos vsq; annos fuerint, curæ. Sed piget certè nimium, atq; pudet ea referre, quæ dignitati majorum nullâ possunt æquiparatione conferri. Melius ista & antiquius fortè scripsissem, quando subducta curis vacabam animo

dabamq; littoris tempus omne, tam oursim
properanterq; transgressum. Distabuit nunc
osio domestico, & torpuit segnius incendium
illud, beatitudoq; studii, cujus scintillanti lu-
mine totus olim exardebat affectus: Indulsi
namq; semper pro vigore & elegantia clario-
ris ingenii ea litteraturæ mandare, quæ mo-
possent, vel terræ mensam, extollere. Ex hoc
remotius difficiliusq; mihi fuit tam frigide
atq; jejune ea chartis inserere, quæ vel de
priuatâ ex infimo loco mulierculâ ipsæ palam
vulgi nugæ conclamitant. Hinc sequitur illa
necessitas, qua se hæc historia, quàm simpli-
cissime texta, in tenebras obliuionis abscon-
dat. Nata enim igitur me quarto mense, ante
quam curreret millesimi quadringentesimi
Saluatoris annus septuagesimus, satis ex do-
mesticis annalibus compertum habeo. Ar-
uerat jandudū antea ex niuali sæuientis hye-
mis gelu nostra laurus, quæ polituras horti
frondentis procacibus ramis umbrabat. Hu-
jus inditum nomen ipsa retinui, quare dulci
hæc appellatione: dehinc semper ex fre-
quēti ore omnium domus vna resonuit, a deo
pietissimis parentibus carior, alternis om-

nium

nium vlnis ridibunda gestabar: Vsu namque
euenit, vt preciatissimū habeat, quem quisq;
primum genuit alium: Montana fouit altera
à Matre me nutrix, quæ tumida guttur enodo
rugabat ora lurida, impeditos ægrius anheli-
tur trahens, tremebam, memini, mostrosam
hanc faciem horridula, ex quo simplicior in-
nocentia, fari nescia, ab hoc diurno lemure
citiùs se, quam crediderat, propemodum exe-
mit. Infestos sæpe lumbricos candidior in-
fantia sustinuit. At postquam puella scere
cœpit ætas illa gratiâ redundans, in qua te-
nella diuagabar lasciuiens, vesiculosas Vario-
larum pustulas tuli. Adolescentis dentitii ro-
bora nouior excrecentiæ reformauit extor-
sio: reliquæ sanitatis integritati diuina vsque
nunc prouisio consuluit. Verum vt succisui
ordinis minutiora expeditiùs hîc refecē, ex-
ordiar ab his, quæ sub curriculo primi septen-
nii cœpta sunt: Nam quid potest aliud histo-
riæ, præterquam garrulæ simplicitatis insignes
nugas, tenerior ætas illa largiri? Per hoc ergo
tempus, vt primum prima vix elementa in
primas litterarum syllabas mittere subdidi-
ci, Fœminę, consilio & religione electissimę,

credor, à qua erudienda, morum exercitiisq;
disciplinam haurirem intentius. Hæc me, in
penetralibus monasterii reſeratis perſtriſtis,
que veſtibus centum admiſſam, delicatè ſem-
per apud ſe habuit, licèt pro æu ad picturam
trahendo tranſigere noctes inſomnes me pri-
ma docuerit: non multo ad tempus ſpatio fi-
delis ſatis, obediensq; filis manus rudimenta
depoſuit, nec fuit vlla tam difficilis textu po-
liſies, quæ tenuiùs, molliùsq; diſcreta me
fugeret, adeo mens, tantæ agnitionis inops,
adhuc ad lenes illos afflatus animata surre-
xerat, inſtraui diſtrinxi, & criſpius ſqalètiùsq;
daxi tunicam puerulo Chriſto ſugenti, quæ
precia margaritarum æquaret, pendebant
namq; circū os plicatile trementes armillu-
læ, albicanti candore præcipue: ab his tenue
capillamentum argenti defluxit, Violaceis
roſulis in peruiridi herbâ circumfluum; rige-
bant auro plicæ, ſub nodolo & retorto ramo
ſuluiùs ſpinoſiùsq; ſubtextæ, ſanè circinatum
orbem ſolè ſquamulæ verſicoloſes ornârunt;
vnum ſubtegminibus interraſile oſtrum ad-
nectitur, ſed polymitas & amicimina manu-
um interpellabant pariles cruſtæ, maculis ſil-
furisq;

surisq; diuisa : ast humero laevo translucescens
ardensq; carbunculus in faciem Stellæ mi-
cantis effulsit. Hac arte jam plena , jamq;
facta velut vigilatū inane simulacrum, ocio-
sas à pompâ hujus implicamenti manus ab-
duxi. Sequens dehinc annus , tranquilliori-
bus me cōtemplationis studiis aecomodans,
ab omni sæcularium conuersatione submo-
uit : Hinc timore Dei , humilis , atq; mitis in
omnes ; hinc cunctis, quoad possem, innocens
ministrabam obsequia, & vocanti præsto sem-
per eram, velut passerculus, ad manum veni-
re assuetus : inde verò priuationibus locis hu-
mi fusa sub sacrificio innocentis cordis ora-
bam : Hæc emendatæ mentis radix illa fuit,
à qua spei germīna pullulârunt , quibus cum
fructu seruatæ legis obdormitura sum in sinu
Regis, Redemptorisq; hominum Dei. Intra
plenum ab ingressu biennium domum , inde
euocante patre cum vno mœrore omnium
remeaui : Mox , vt paternum limen attigi,
excepit me brachiis strictioribus genitrix , &
lætabunda blandiri cœpit misericordiùs , se-
quens me quacunq; inter haberem, quasi ne-
scirei mei fruitione satari : at Parens, vt est

industrius familiæ gubernator, & vir quidem in primis temperati cōsiliū, dum deposita puerilitate jam esse meæ mentis inciperem, mox ne ocio in segnitiam ætas fortè lapsa torpesceret, liberalium studiorum præceplici me meæ restituit. Huic innixus vigor omnis ingenii, cōmunes die, noctūq; vigilias vltro deuouit. Vndecimo ab hinc, quam intraueram, mense jejunæ adhuc ferulæ subducor: jam enim quæ necessarius grammaticæ documentis oportuit cuncta digesseram: verū domi, velut scientiæ appetentissima, coturnata jugiter eloquentiæ, Tullianoq; nitore, quā potui, perspicuè insigniterq; studebam, sed emenso vix anno omniam mihi fermè domesticarum rerum procurationem assumpsi, atque ita contigit mihi non longè à secundā ætate senescere; ob id non prætermisi: quin priuatis feriis mathematicas scholas adirem, nec omiserim lucrosissimas indulgentias, in quibus concordēs illas scripturæ veteris cum Euangelio figuras intēpesta noctium silentia roserunt: Tres patris externos magistratus etiam tum puella conspexi, beatissimā certè studiorum, & respirantis oblecta-

men.

menti tranquillitate perfusa. Abactozui sic
crescentis tertio vix lustro, mercatori Marito
me (proh dolor) Sors mea sponondit, ejus
lugendum excessum infra ter senos menses
seueris parca filis inuoluit. Heu dies atra ni-
mis: ò præcordia luctu funditus & mœrore
concussa, quàm miserum mihi quàmq; la-
crymabile vulnus hoc fuit, immo inquan-
to culmine ærumnarum, relictâ amariore in
dies molestiâ viduitatis, inturbor: Satis hoc
superq; declamatum est aliàs, satis fœdavi-
mus ora lugentia, satis gemitoriam vitam
ægritudo formidolosi cordis inflixit, & quam-
quam mortis ineuitabiles nemo leges auer-
tat, quamquam & vltix enecet illa Deos;
quamquam item senescant præpopere, mo-
rianturq; omnia, naturaliter tamen amata
non injuriâ deflentur, nec tam facilè ex-
cunt animo incentiua dolorum. Scio, vixerat
moriturus, quum mors, naturæ finis, omnia
dissoluat: Pulvis enim sumus omnes, & um-
bra, sed dispares multum sibi sunt hominum
dies, dispar infortunium, dispar euentus. Fuit
frustra mihi votum omne, dum vixi: er-
do, semper miserarium mihi nutrix hæc vita.

Sed euagata plusculum ad historiam rostituat^r injuria, quæ diris injustisq; causis quiescētem, & quasi in tuto mihi positam vitam ex vnus nece discedit, laniau^t, euulsi^t. Nimirum nūc Viri spiritus jacet inter vmb^ras, nūc oeculit^r artus marmor infandum, nunc auribus meis ingemit puluis ille cinerius, nunc, heu, me vel in humanis agentem, vnum antrum expectat: Est enim vmb^ræ somnium hæc vita, ejus cursus imminet omnibus sub breuiore vigiliâ. His si non abundè, castè tamen intellectum puto quis dierum etatis meę fuerit ordo. Si latius ista curas, melius, & relatu^r forte longiore, describam, si mens sui compos vnquam fiat. Ego pro tempore Epistolam hanc, vtcunq; illa est, donum tibi do. Nunc quæsitâ à te Natalis mei minutiora momenta summo studio pertransiens, fautrices emendatæ intentioni ignoscentias tuas expecto. Feci namq; id summo studio, ne Te cura mei de cœlestium vllâ dispositione sollicit^r. Delectabar & ipsa quondam his studiis, nunc imitata primam causam, secundas in sua instabilitate posthabeo: hinc malim fare, quæ super me trahantur, ignorare, quàm nosce,

nosce, quoniam apud Christi fideles fatum, rerum olim causis annexum, nunc cessit in irritum. Unus enim atq; idem æternus est Deus omnificus, qui cum vergente se Cœli conuexitate nos regit, ac torquet. Ex hoc illa ego sum, quæ futurorum iudicia scrutari temerariæ curiositatis esse, non fidelis animi puto. Fallit quippe nimiam sepultas ingenii vel subtilioris intelligētias fugax illa siderum citatissimaq; celeritas. Oro igitur Te, ne inani hac agnitionis pompâ ficta cæta, ad ventura certo casuum promissu suspites. Suspirabis sanctiùs ad iustum hominum iudicem Deū, in quo dum sperabis, eris semper adjuta; ab illo sanè quidem concursantium luminum, & fideralis omnis ratio dependet; ab illo & rigentum niuium glacialis horror incandet, & ardentissimi Solis altiores æstus ebulliunt: per illum nunc Luna Planetis propriùs accedit, nunc longiùs abest à conspectu & obliquitate Signorum: per illum à pregnatis nubibus modò grando præceps inhorret, modò larga imbrium defluvia funduntur: ille crebis fulminibus ferit hūc Mundum, & turbatum excussumq; pelagus quietissimâ in liquido sereno

reno tranquillitate compescit ; illucescentis
 Orientis illi roseus nitor effulget; illi ab algen-
 ti Zephyro rubens Vesper, & tetra nox demū
 obducta terris applaudit; Sic indidem surgūt
 luminaria die, noctuq; alternā vite lucentia :
 Omnia manu Dei librantur. Hunc nos se-
 quamur, hunc imitemur supplices, huic per-
 sonet latè tuba cordis nostri Dauidicum, huic
 hymnum concinentes ambē cantemus. Con-
 scientia nostra seceret nobis loquatur, & nos
 ambulantes in tenebris erroris nostri aliquan-
 do pœniteat. Ponamus altiùs spem nostram,
 Euangelii doctrinā commonitæ, vt nobis, post
 longæ peregrinationis exilia, Christus, verus
 ille Dei filius, ad Paradyfi nuptias aperiat,
 qui aberratas Patrum nostrorum animas fu-
 so sanguine suo in salutis æterni sinu peruexit.
 Vale. Nonis Nouemb.

*Laura Cereta ad Barbaram Albertam de Insta-
 bilitate Fortune, & Gratulatio de Nuptiis.*

Epist. LX.

Moderator honestatis nostræ Chrysi-
 ppeam voluit esse integritatem be-
 nē vi-

nè viuendi, qua quis alteri in vultum blandio-
re nunquam amicitia mentitur. Ego propte-
rea quāquam tui patris Epistola solenne mihi
munusculum fuerit, nescio tamen aliquid e-
legantius extra ordinem veritatis effingere:
linguæ enim atq; animi vna mihi semper est
facies, quæ paria operi verba concordat. Gra-
tulus igitur tibi, & gratias ago Deo nostro, qui
Barbarico nomini tuo misertus, singularissi-
mo singulariter Viro Te credidit, nunc ple-
nius de illo tractari neq; fas est, neq; locus ef-
flagit. Hujus diuina diu & exquisita virtus
summa sat apud me insignisq; perfulsit. Hæc
ea est, quæ se (ni fallor) per se ipsam transmit-
ter in posteros, de famæ æternitate secura, at
Tu, castissimis iuuentæ floribus ornata, qua
verecundior ille vultus moresq; sanctissimi cæ-
mansuetè innocenterq; perpoliunt, quàm ni-
mium esses sola cæteris præferenda, quàm sta-
bilis & certa plenioris animi te honestaret
vna tranquillitas, si nostrum esset, quod For-
tuna concessit; Sed nullus hominū status est,
itam stabiliter omnio firmatus, quem non
Sors inuida tandem aut premat, aut euertat.
Occurrunt oculis lacrymæ, & inquietam me
habet

habet dolor insignis, quotiens prae me fero
memoriam Viri defuncti: hic enim ad hu-
manitatem, majorum curam indulgentiamque
compositus, comiter a deo mecum se gessit in
omnibus, ut in meo me litterarum quierissimo
studio sub pignore inuiolatae pacis amauerit:
Erat enim inter nos una semper unitas, una
pax, una concordia; Sed illi (proh dolor) in te-
nerrimo ætatis flore mors ingruit, & dum me-
liora adolescentiæ meae promitterem, omnia
mihi paruo momento iniquitas Fortunæ sur-
ripuit. Minatior namque semper nobis est in
erectiore felicitate Fortuna. Hinc est, quod
nemo viuit securus vitæ possessor, nemo diu
fruitur bonis. Misera tandem una est nostræ
solicitudinis merces. In immensum quippe
delectationes humanæ feruntur, & quamquam
exagitatis orbo cursu desideriiis utamur, nul-
la tamen potest auidis animis inueniri facie-
as. Multi, ad procuratum aurum animati,
in aliena littora per tentatum mare trajici-
unt, alii, consilio, & manu prompti, strenui-
simè rebus bellicis indulgent; quidam verò,
sine labore viuentes, solam respirationis secu-
ritate potiuntur. At mihi sub imo corde, litte-

rarum

rarum solus amor inestuat, quo major semper
animus in ipsa studendi difficultate adolescit.
Sic inter electa voluptatum pocula dulce est
suum unicunq; venenum; Sic item sub vario
appetitu strepet omnibus intus inquieta cupi-
ditas. Hinc nescit infirmas conditiones homi-
num beatitudo dignari; languet enim ferme
semper in hac sarcinâ corporis animus eger.
Sola virtus est suo lumine semper illustris,
quæ blanda, & in luxum trahentia confide-
rans, ab evanescente delectabilium fumo ad
stabilem animæ gloriam tuta refugit. Fun-
damentum igitur, immo culmen securitatis
humanæ vnum est, ut cupiditatum omni ve-
lamento detracto, rectâ innocentiae viâ ten-
damus ad Deum, quo quidem digni sunt, qui
è spumantibus juventutis fluctibus in senectæ
emendato portu moriuntur. Moriendum est
itaq; preciatissima Soror, non certè viuen-
dum, quum diu nemo vixerit unquam; est
enim vno & veloci die breuior hæc vita, à
qua omne tempus effluxum est nihil: propte-
rea Tu mecum in vnum somnum itura ex-
crescentis sanguinis tui modera bis habenas;
Generosa namq; magnitudo animi ad ratio-
nis

nis obedientiam se sponte disponit. Scis ipsa,
 me doctior, quot magnos olim ingenio atq;
 viribus heroas, quotue matronas, habitu &
 genere vitæ notabiles obscurauerit nimia
 fœlicitas. Fœlices qui eâ, qua nati sunt, inno-
 centiâ moriuntur. Hæc paucula scripsisse
 perlicuit, non vt consulerem nuptiis, sed blan-
 direr mœrori subæterno, quo angor. Noui
 semideos tuos Albertos, noui familiæ tuæ pe-
 nates illustres, noui & moderationis tuæ su-
 perexcellens illud ingenium, quod Te, duce
 sapientiâ, ad testatius Patris Auique nomen
 extollat. Beauere parentes meos auspicia ju-
 galia, quæ Te prosperè nuptam, Nigrellò so-
 ciârunt. Diu pactos, iustosq; thoros faustiùs
 in dies fauorabiliùsq; fœlicitent. Vale. Septi-
 mo calendas Decembres.

Lau. Cereta in Orestem, & Phronicû Inuectiua.
Epiſt. LXI.

Illitteratissimas litteras tuas, pariter & im-
 periti Nebulonis accepimus, quæ, quâquã
 nugaciunculas blaterent, non sunt non omni-
 no tamen pro obnoxia charitate plectendæ.
 Sed

Sed demiror impensè nimium, Orestes, quod
securus offensarū semihomunculus in aciem
contra me, si non ferro, saltem litteris pelta-
tam, inermis totus imbellisq; descenderis.
Sed dic insimulator cœce, qui tam tritâ fron-
te strepes in triuiis, dic, oro, de quibus tecum,
aut in quo culpam ipsa commerui, vt loquax,
& de omnibus iudicans in Epistolas meas,
ferulæ fortè subductas, cœnoscas euomueris
de sentinâ inuidentiæ sententias? vtinam sal-
tem vel semel orantem Tulliū, aut legentem
Liuium, vel disserentem audiuiſſes de immor-
talitate Platonem. Memini dum sub primo
pueritio disciplinæ litterales ludos intrarem,
Tu in hunc, atq; illum: viciatim, & per angu-
los strepebas anxius, implebasq; omnia la-
tratibus: at Tu, vulpecula sagax, qui ad reue-
rentiæ maioris aucupium sublati sic hume-
ris pederentim incedis, oblitus ne es, quando
vater, vt in fauorem ignaræ plebis inflares,
arguentium in publico palæstram intrabas?
Quis non te vidit effulſcantem argumenta
illa penitus informia, quibus striduli in Te
depalmarunt omnes? Siccine, obſcene Bubo,
arbitraris in locum litterarum vicarias ha-

bere captiunculas? Siccine harpya insidiaris
auro nostro, velut impasto semper, & rugien-
te ventre famescens? Ah pudeat te viscera-
tionis tuæ, vultur, immo corue fatalis, immo
famelicæ rapacitatis ostentum, & reminisce-
ro quotiens pro Apollineâ professione tuâ ad
Te pueros miserim, qui Te circulatorum,
macellarium de coquinalibus ollis euocarēt
implicitum: veniebas tandem iustus inge-
minans, & persuadebas de Te nescio quid in-
solens, sed dum obsorderes foetidus, fastidien-
dusq; nidore sorbili, irridebant Te omnes,
proponentes tibi de Deo ventre quæstiones:
Tu verò in circumstrepentes veluti resoluta
bestia recrepitans, nunc obmutescebas vultu
demisso, nunc inflectebas caput infanum, ceu
altero adhuc ad eam retorto, altero ad pul-
pamentum reflexo lumine conspiceres: dum
te interpellarent alii, missabas obganiens ne-
scio quid barbarum, & inturgescebas contra-
ctis naribus, ineptiæ non minus, quam silen-
tii nubibus immixtus. Sic gestus omnis, &
inflexiones, motusq; cæteri deliramenta mon-
strabant. Hec, atq; alia aduersum Te mul-
tis ingeniis occasionem dedere scribendi.

Deri-

Derisoria sanè via tuæ maliciæ semper fuit: sed quum Te scias infamem, & Te omnes rabulam scenicum, ac Birriam mentis oculis captum intelligant; quænam te intollera- bilis omnino temeritas, qui sceleratus ani- mus, quæ fracti consilii perniciēs inuasit; ut furiosissimam linguam, in crimen maledi- centiæ conuerterēs? Contraria, scio, enene- re, quàm tibi, Onager montane, promiseras: Credebas, larua Gorgonea, Lauræ nomen exulcerare saluiis infectis; sed in optimos ru- mōres his etiam impulisti me, quibus eram incognita. Pensa igitur, bipedum nequissime, considera, Scrophæ gruniens, quæ sit inco- nstantiæ tuæ prona mutatio, quæ gladiatoria mens, quæ maledicendi sitis, quæ inuidia tandem felicitatis alienæ! Num scelus hoc tuū flagitiumq; crudele auditricem me sem- per, semper taciturnam fortè credebat? Quo- tiens boatus vestros hæc aure surdâ transiui? Quotiens sub ore muto consueta silentia por- tauī? Quotiens patientiæ præmia sub igno- scientiâ dissimulatæ frontis armaui? Vos au- tem labyrinthicâ viâ retro semper sati Intin- ctas selle voces procul ab offensiâ abstinentiâ


tulistis, & conuertistis in ceruices vestras indignationis euocatę vindictam. Habete propterea contento animo, quod tam diu quassistis: Posteaquam sic impetus animi; sic adrofor mentis liuor; sic in nugatorium late commeruerit linguae. Tu dudum igitur: & lupus satur ille Phronicus, vnā simul catenā sceleris ligati, quid ex antro ignorantiae in studium meum tam elisā vose vlulatis horrentius? Gramini ego casses & retia in vulpes deceptoria subtraui. Vos nequicquam ingruitis meis scriptis alterni, & rugatis buccis, obtutuq; transuerso frustra in me frontem obducitis. Vidi nanq; paruula Sagas in cunis, nec formidauī nudis ossibus coherētia cadauera. Vidi majuscula cristatos teucros, elypeo phatetrāq; praecinctos; sed pauorem, experta non inferunt: Nam flexuosos angues Ciconia venatur, & Lupos generosus Leo non moritur. Quid paratis mihi bella solliciti? Num vidistis me eruditā manu promptam & ferrū circumlato scuto repellere, & vno ancipitiq; gladio vtrinq; ferire? Quid ergo non desinis ipse Tu saltem, insane, si non me, studio, vt inquis, & litterarum ignaram, emendatos

saltem, jamq; altiùs eruditos Viros execran-
do respuere? Ostenditur recens adhuc tua ex
fronte cicatrix, qua Te è lapsu furentem gy-
ro, præcipientemque suscepi; dum vinosus in
phialas atq; crapulas dicacitatis amarulen-
tæ venena eructares. Cognosce ergo Te tan-
dem truculente carnifex, qui debellandam
destrangulandamq; virtutem insequeris. No-
li prius inuehere, quàm docere. Docenda
nanq; fui, non corrigenda principio. Maxi-
mè verò quum Tu nondum adhuc verbum
vllum ostenderis, quod possit vllâ vel laude,
vel castigatione notari. Sed Tu, importunū
animal, & ab jure atq; legibus barbarū om-
ne in criminibus studium linguamq; præfigis.
Omnes jam mordacitatis linguæ tuæ quærūn-
tur. Solus Tu prædator, bustumq; virtutis ex-
tinctæ, quando viciorum scenam ingrederis,
non cognoscis honestum, non vtile, non ami-
cum. Tu odia in omnes prouocas: Tu omnia
ad injuriam confers: Tu amens inopsq; con-
sili, ex Asino in fictum hominem versus, Te
Catonem, immo cauponem effingis, cui mo-
destiæ nulla frons est, nulla prorsus exercita-
tio Virtutis. Obrepisti quondam ad hono-

res errore hominum : jam iniquatione cor-
rupti hominis pestis agnosceris : jam Te om-
nes obstructis naribus fugiunt, tanquam fue-
ris ex foetidâ barathri spumâ concretus. Ex
hac tuâ infami latrinâ Te sequitur Phroni-
cus, corruptissimus ille omnium, qui de sena-
tu litteratorum, tanquam putridæ pecudis
cædaue, exclusus confundit se se, limmiscetq;
flagitiis; velut in quo nihil est homine libero
dignum. Brutum potius est, cui fustes, non
humanitas, non litteræ ullæ conueniunt, Non
me præterit quotiens eum ipsum, ut emenda-
retur, in charitate redargui; sed me delas in-
sanabilis languor abhorret. Hinc consputus
ille calsitro inter febres morbosq; nequitie
flagrantius semper ardebat; velut qui in suâ
infamiâ gloriosus honestissimis illatrat litte-
ratissimisq;. Hic enim pacis innocentieque
hostis sic æmulos aduersum me concitat, ut
sollicitus venator circa latibula ferarum ca-
nes asciscit. Licet demum tamen ipso para-
sitico lûrecone postcognito omnia in suum at-
que perditum caput omnino redundant; vel-
lem didicisset prius tacere, quàm loqui, &
virum potius palinodiam decantare, quàm

crimina. Quid profuit huic tuo fatali prodigio fecunda loquacitas? Quid contulit reboans procul ineptusq; clamor, quo ille toties in florentes famâ viros per os impium spurcumq; detonuit? Ex sermone hominis cognoscuntur & mores: nam corruptæ mentis cœnosa putredo in flagitium atq; conuicia semper armatur. Quare fons hic gurgescq; sceleurum quum se in tenebras obliuionis abiturû agnosceret, distraxit lacerauitq; omnia blasphemus; & in omnes, quiqui cognoscuntur, contrastetit linguâ procaci: vt qui nullis esset vel litterulis imbutus, tristes vidisse diceret in Parnasso esurientesq; Camœnas, quæ non Heroas aut Deos ampliùs, sed tritas è constrinis fabulas Apollini flenti cantarent. Proh versipelle monstrum, ò sex, ò lutum, ò fordes infœlicium, erumnosissimorumque hominum! credidit his fabulis, Ciceronianissima, imperitum vulgus debere ad cholera m stomachari cōtra sapientes: tanquam is qui moliretur insignes cothurnatosq; Viros à lumine altioris intelligentiæ prorsus orbare: Tantus inuidis ardor, tanta passio, tantum virus inæstuat. Malitiæ nanq; seminarium

ignorantia hæc & pejora malos edoeuit: Pro-
ximius vero mihi semper faciliusq; fuit hos
cupidos insolentis gloriæ gnathones erudire,
quàm pati. Non facit cum Lycurgo Ther-
sites; & disertissimis plebs ignara non conue-
nit. Vos igitur duo fulmina scopuliq; discri-
minum consulite vobis: Nolite simultates
concitare perosi: Nolite in frontes ingenuas
venenata procacis linguæ tela conjicere; ne
vester fortè sanguis nostro de vulnere demùm
extillet. Multi nanque intorta spicula ictu
retroverso patiuntur. Jam enim tempus, jam
venit ætas, qua liceat toxicum indignationis
euomere. Scitote quoniam si vobis ardens
irarum stimulus ex iliaca intorsione ctepu-
erit, non dabitur Æsculapius alter, qui recep-
tam vrinam speculetur in eribro. Abeste nūc
vilia mancipia nebulonesq; cognitissimi, qui-
bus aperta nefariæ turpitudinis contagia in-
famix notas semper inurunt. Calendis Quin-
tilibus.



*Laura Cereta. Constantio Bon. S.**Epist. LXII.*

NUces hodie electissimus puer tuus attulit, quarum nucleum ligneâ intercur-
satam membranâ è compactili operimento,
jejunis diebus adaperimus. Is dedit & sero-
tina pyra, gelumatura, quæ vi quadam sue
ei gratissimi, quasi lactis æmula, tibi tuisque
ex vino & passo condidimus. Squammosos
piscis vellem lacui seruasses; vt se se attritu
vêtrium versando ea oua vitali semine asper-
sa peperissent, quæ ejus ripas & viuaria re-
plêssent. Suscepi & Castaneas hispidis spinis
armatas, & trino cortice ab naturâ occulta-
ras: Tu misisti coctiuas, non eas quæ sponte
profiliunt, tam solers tibi cura nostri semper
inuigilat. Habui quoque (vt memini) ante
vindemiam vinosissimas vuas, calida satis
suauitate præcipuas: quibus succus inest, ejus
immoderato vsu nihil intemperantius omni-
no? Quid memorem tot illos ficus prædulces
ex albis, ac nigris electos? quasi crediderim
transportatam ad te arborem, sub quâ vel

Adam Æuæ complacuit, vel Lupa expositis
 Rhemio Romuloq; præbuit mammæ. Oliuas
 in aprieis natas eâ tuo intuitu veneratione sus-
 cepi, qua in triumphis Romæ fuit & Athe-
 nis arboris tantæ bellica maiestas. Satis lar-
 gitati tuæ tuæ dona concordant: sed majus
 debetur Donatori præconium. Hinc ego ti-
 bi amicitiae primum locum pro fidei gloriâ
 concesserim. Quarto Idus Nouembris.

Ad Sororem Deodatam Leonensem Monacham

Laura Cereta Topographia, Epicuriq;

Defensio.

Epist. LXIII.

Quæstiuiculæ tuæ subtilitas ingenium
 mihi ad majores intelligentiæ vias a-
 peruit: nec sum ob id illa ego propte-
 rea, quæ ausim hoc argumentum vllâ in par-
 te tueri. Implumes nanq; alas aëris inane nō
 sustinet. Nolo tecum in palæstrâ differere,
 quæ solam litterarum vmbra absq; Aca-
 demiâ, vlloue studio subtilitatis acquisiui. Iti-
 neris digressusq; nostri seriem exposcis? Pla-
 na hæc satis esset historia, sed difficultas in

terminis tota consistit, in quibus tacitè sub nostro illo gaudio Epicuri voluptatè impugnas. Hanc tamen ipsa tam facile vicio non dederim; quum Philosophus illam non in delectationum sensibus, sed in animi contenti satietate locauerit. Hæc aliàs. Nunc ad quæsitam. Præma igitur ex Vrbe Ceretum nostri profectio: Iseum nos cum obuiò & comitatore equitatu sub primo Sole suscepit: Marcus ibi celerius expectatos ad se nos reportauit in arcem, naturâ anfractuq; saxi tutissimam. Eò, vbi lautè cœnatum est, ad nos proripuerunt secum amicum turbines, qui paulò post ac in diuersum abiissent, in lætū nos illucescentibus ab occasu jam Stellis quietis causâ recepimus. Ut verò primū Auroræ nitor effulset, nauem, qua mercatores ad ripas castri contendunt, ascendimus, liquimus portum, vela dedimus; nam tum leues aurarum flatus ab austro surgebant: Sic jocosa nautæ ac retia cætuq; trahentes longos Sabini tractus felici remò sulcârunt. Vix propius arenæ accessimus, quod nuncii, ex proximâ valle ad nos aduentantes, congregiuntur: His præmonstrantibus iter per adjacentes montanis

lateribus villulas eò peruenimus, vbi è radicibus imis vertex primi collis attollitur. Expe-
ctabat ibi nos flagrãtioribus desideriis plebs
rotã feruescens, quæ plenos amicitia vultus
sub mansuetã adulatione monstraui. Hinc
itaque boum mugitibus plenis conualles
profundæ boabant: inde summis rupibus re-
sonuere Cornutibz pastorum. Dianam Syl-
uanumq; nemus tenere credideram. Sic fa-
cilis fuit, licet asper, ascensus. Sedimus, re-
spirauimus, egimusq; tranquillæ in herbido
prato, fraga floresq; legẽtes. Ducimur in alio-
nos hortulos, quos & refertẽ pomis arbores,
& scandentes geniculato palmite vites um-
brabant. Hic nos omni respectu deposito pri-
uatas ridenteq; vallabat vna securitas, qua
raptas racematim vuas artifice fame mandi-
dimus. Regredimur, penetramusq; alpes, &
nactæ solitudines auias dumosa, atq; ardua
mõris juga euagamur incertæ. Diuersẽ tandẽ
in supereditissimã culminis arcẽ cõuenimus,
è qua in profunda valliũ præcipitata saxorum
volumina retorsumus. Hoc strepitu exciti le-
pores juga illa transuerso excursu præteruo-
lant. Comitabantur nos indagi canes, qui

in venatu solertiâ erant & sagacitate præcipui. Horum intonanti latratu pavidus ante ora Capreolus excitur, at dum hujus illi vestigia odoremq; captatum persequuntur infestius. is urgente vi canum fugam saltu è præruptis elegit. Inde igitur domum repentes, illuc impedito calle concessimus, vbi sylvæ densa proceritas in altum tota surgebat. Hic sitiētes magalia plurimi lactis ebibimus; Nam lōgo adhuc interjectu hospitii aberant eas. At circa conspectum hujus abrupti lateris specula est, amœnissimas villas longè latèq; prospiciens. Hoc quoque sinu sublapsæ transmisiimus angustos scopulos, sub ineuitabili transitu sibi inuicem obuertos. Tenebat nos inter eundam murmur insufurrans, cui respondens echo resonuit: Ex hoc Pallada atq; Musas alternæ sub exciso saxi antro cantauimus. Hac demum summis inambulantes digitis vix poteramus terræ plantas imprimerè; adeo pedes ardentissimi Solis incendia torruerant. Sic lento infirmoq; passu occultas ad flumen iuimus vias, vbi obuius aut præulius nemo quisquam apparuit. Lauinus, certissimus, cubitum hoc sub obrentu arborû stratus;

tisq; foliis indiximus, quâ fluuio circūcinctus
ager alluitur. Facile sopor placidus hujus in-
tercadentis aquæ fragore irrepsit. Nam de-
currentes flexuosæq; ripæ rapido decursu spu-
mabant. Pendebat Laudula in sublimæ re-
cantitans, quæ modulatum aëra blandè mul-
ceret: sed misit irrisor Fortuna Cuculum, qui
ludificum ingeminans nos euocauit è som-
no. Risimus, & minas Aui tendiculis viscòq;
promisimus. Hinc cadit, itq; rapax in pro-
uoluta & confragosa saxa fluentum, quod rau-
co tractu à refusis desuper fontibus inūdans,
occulto meatu subter absconditur: nec longè
hinc dispatet in exitum, quo prouectam gla-
ream in lacu vadum eructat: hoc transmeato
domum expectatæ dilabimur; vbi cœnulam,
Xebocrate dignam, refertæ in angiportu mē-
sæ parauerant. Castaneæ, atq; rapæ, & po-
lenta primum & delicatum nobis fuere jen-
taculum: in secundo apparatu singuli singu-
lis ex hordeo panes additi sunt: vnus in me-
dio vini lagunculus gradatim electionem cir-
cu præstitit sui. Pro opsonio auellana, nux,
atq; poma cœnantibus nobis data sunt. Opu-
le nter satis exempta fames est. Nam sapiens,

jejunâ visitatione contentus, quod nutrit, nō
quod delectat, exquirat. Temperata nanq;
parsimonia viuendi plus Soerati glōrie, quā
Sardanapalo voluptas attribuit. Quānam
parcæ frugalitatis cōparatio potest esse cū
ventre: quum illa contemplationem ingēnii
per incendia charitatis rapiat in cœlum: hu-
jus autem indulgentia cum rapacioris lupi
vitâ concordet? Non potest animi generosi-
tas vllâ deliciarum seruitute teneri. Soli mi-
seri tolerantiaē terga dederunt. Excitemus
igitur ex somno animum Soror, & ad maj-
ores fidei radios ignauæ jacentesq; surgamus:
sequestremus à limine inquietudinis senescen-
tes hujus sæculi curas, & à deceptâ opinione
futuri tenuia pendentis pōpæ fila rumpamus.
Jam posthabenda est humanorū omnis om-
nino jucunditas, & nescia firmitatis hæc gau-
dia à deuiis sensibus rescanda sunt. Quid
facit nunc ab beatitudinem animi respiran-
illa videndi è promontoriis aëra tranquillis-
tas? Quid contulit quietior illa nobis conso-
lati cordis effusio, qua peruagatos montes
sine strepitu vllâue Sortis injuriâ lastrauim⁹?
Quid profuit, putas, per cliuosas rupes prodi-
gum

gum illud sparsumq; refugium, à quo volans
anni celeritas per molestissima nunc dierum
spatia refugit? Satis ex hac locorum mutatio-
ne huc atq; illuc errauimus. Sed varia ista
peregrinatio saltuum, sylvarumq; mutatio
quomodo amplecti potest animum nostrum,
cui strictior patria totus est orbis? Certior hæc
fuit mei cognitio, quòd contra Philosophiæ
præcepta crediderim isto discursu quietis se-
curius limen intrare. Sola sibi virtus ad ve-
ram animi pacem viam inuenit. Falsa hæc,
Germana, sunt & fucata lenocinia, quæ Epi-
curus pendere parui solebat, velut quæ man-
sura gaudia non essent. Nam ille, vt erat ma-
gnâ moderatione temperatus, fortuita hæc
oblectamenta inter quiescentesq; remissio-
nes omnino dampnauit; nec temere; nam si-
cut in eâ, quæ extrinsecus splendent, prona af-
fectus inclinatio prolabitur; ita acquisitis de-
sideriis nauseans intus appetitus impletur. Il-
lam ille voluptatem esse censuit, quæ intra
nos nata, viridior semper sub emendati ani-
mi libertate renascitur. Plenus enim con-
tentusq; animus cum Diis potest de felicità-
te contendere. Cætera, quia senescunt, vren-

tius nos pœnitentiſq; diſcruciant. Magna
nimirum eſt admirandaq; Beatitudo virtutis.
Hinc vir ille, moribus ſapientiâq; plenus, ima-
ginarias omnes inuentitiaſq; ſuggeſtiones er-
rorum ad ſecuritatem veræ quietis breues ef-
ſe duxit pœnitendaſq; dulcedines. Nos verò,
quas jure ſæſtidit hæc dulcedinum inconſul-
ta ſacietas; ſatiemus corda blandiùs in amo-
re Dei vocantis, & curſum vitæ fugientis, in-
uiolatæ virtuti ſub frenato animi velo panda-
mus. Interea conſolentur ſe, in quantum poſ-
ſunt, vanitate ſua Matronæ, quas vol nota-
menti ſplenderis impudentia non arguit.
Nos ultro in noſtri pudoris humilitate conſpu-
tæ eſtimemus noſtra hæc fragilia corpuscula
paleas ad incendium, ſinumq; relictas: &
quâquam apud Te Monacham ego non jam
Laura dicar, ſed Laudula juxta Phœnicem;
non me tamen pro humanitate tuâ à conſpe-
ctu charitatis ejicies: neq; enim dedignata eſt
Pica Luſciniam; neq; Pauo ſemper ſpreuit
Upupulam. Erit, non dubito, par tibi conſi-
lium, ſi cōſiderabis quàm perangultiſſimum
hocce tempus eſt, quod nata quæq; irreuoca-
bili curſu trahit ad finem: finis autem, &
obje-

obiectum animæ nostræ vnus est Deus, qui
 pro Paradyse acquirendo peregrinas nos po-
 suit in exilio carnis infirmæ. Demus ergo
 tempus omne virtuti; & ad Saluatoris nostri
 exlibem innocentemq; vitam noscens vita
 nostra se referat. Imitemur tot illustres in
 Ecclesiâ viros, qui, omnibus desideriis ab-
 stracti, plenis animis ad æternam vitam in-
 hiârunt. Docuit natura nos in bonum sem-
 per esse liberâ voluntate proniores; Vt sit no-
 bis demum aliquid, quod cœlites in quo sem-
 piterno conciliet: Est enim vagum adeo &
 instabile hoc viuere nostrum, vt natalem ex-
 tremumq; diem velox hora perstringat. Nul-
 lus ergo per ocium dies euanescat à nobis:
 vendicemus orationibus noctes: vnum ani-
 mo laxamentum cogitationes ordinatæ con-
 cedant. Cogitemus omni die eam ipsam il-
 lam esse nobis vltimam diem in terris. Pen-
 semus mœroris esse turbidum fontem hanc
 vitam; Mortem verò putredinis vermiumq;
 parentem. Vehit ecce nos, atque omnia,
 Fortunæ furentis iniquitas; & subuolat omnis
 cum spiritu fugiente superbia. Orbata quip-
 pe nimium est iudicio suo nostra mens, quæ
 perim.

perimplicat infirmæ delectationis cœca spes, fallaxq; promissio. Discutiamus hîc summam grana quæstionis. Ignota est vulgo viua voluptas, quæ humanorum negligens, diuina virtutis precio mercatur. Hæc animos nostros nutricao sinu delectat, ac fouet; & claustra obseruatæ religionis inhabitat, & in medio systium atq; deserti perasperrimæ vitæ salua est, secûra, beata. Hęc vna illa est & summa animi contenti finitio, immo tranquillissima solatii nostri satietas, qua ad Deû tuto fidei calle perducimur. Est enim deorum socia recta mens, in quam non habent ocia, non vmbre, non vlla passio dominium. Lenocinia turbida sunt cætera quæque, & medio ipso mari vitiorum absorpta, quibus vaga, & intuptos turbines lata mens hominum, mollitiei & falso inaniq; solatio demergitur. Scribe sepe, si quid habes, Scribe, vel si non habes; posteaquam te mihi in tuâ illâ solitudine videre nō licet. Leuant enim adeo me litterę tuę, vt iucunda Tui recordatio Te mihi præsentem ostendat. Vale. pridie Idus Decemb.

*Laura Cereta, ad Petrum Zenum Patavinum
de subeundo maritali jugo iudicium.*

Epist. LXIV.

Illigat se natali tuo Quis non
deflectat in tam fausta auspicia senten-
tiam: Quis patriciæ pudiciæ numini turtu-
ris hostiâ non litet? Quis ex Cypro ad sacrifi-
candum Isidi Phasidas, & farra non donet?
Parabis Hymenæo nuces garrulas, qui iustis
thoris insideat; Iterabis Telamoni prospe-
rum nomen; Superaccipient sponsæ manibus
Pilumnus, & Picumnus dona dotalia, & tuo
somnia Deo pia pacis vota jactabis. Quod si
amicitiæ fauorabilis fati non credis; si rela-
bentium signorum stationes obliquas, & er-
rantium Planetarum diuersa inter se sem-
per loca minimi pendis; aut si Te stellarum
assidue mergentium decursus fortè non mo-
uet; velut qui suspectam mentem habes in
pendulo dubiæ deliberationis ambiguam;
monstrabo, quantum nostræ poterunt literu-
læ, viam exemplis; quibus castimonia quon-
dam maiestatiq; mulierum generoso pectore;

& pudicis amoris flammis, inarsit. Fideli memorix tradiderunt historici Didonem Elisam, constantix illud immobile saxum, pro casto seruandæ viduitatis impulsu disposuisse eligere mortem animo forti; & ob id infestius instantibus Aphris objecit illa suo se cultro super funebrem rogam, iteratum optatissimi viri Sichæi nomen implorans. Quis meritas Penelopes ire posset in laudes, quæ pudico inflexibiliq; proposito contra mille nubendi tædia expectatum ex Phæacibus in Ithacam bis denis annis Ulysses percharum anxia desideratumq; suscepit? Nonne Hipsicratea, inseparatæ fidei mulier Mithridati tam victori, quàm victo per maria, perq; terras, & omne bellum, miro laborum toleratu, semper adhesit? Sic proscripti, & laborantis inopiâ Lentuli Sulpitia in laboribus fida comes, relictâ matre Juliâ, & spretis ultro tot splendoris auiti delitiis, Mariti longum in sinu Siculo non expauit exilium. Curia quoq; memoratu inter cæteras digna. Q. Lucretium, tabularum trium-viralem exilio damnatum, intra sinum secretioresq; latebras ficto vultu non minùs quàm industriâ sagaci seruauit incolumem;

Extulit se solius filiolę Claudię feruidus amor
 in Patrem, quem in Capitolium triumphan-
 tem è violentis Tribuni manibus liberum sal-
 uumq; seruauit. Fulsit in seuerę pudicitię
 apice sūmo Hippo Gręca, Oceani Teryosę;
 filia iuuenula, quę seruatura castitatem,
 quum se cognosceret violanda à nautis, in
 tantum doloris intus amaruit, vt se se in ama-
 ras maris vndas vltro deturbans, amariorem
 amaritudine mortem ebiberit. Argiam au-
 tem, Adrasto Argiuo natam ad maritalis ob-
 seruantię robur meliorum spes vlla non im-
 pulit: Impulit excitata potiùs ex integro eor-
 de vera pietas: qua inter cęcorum corpora
 exesum iam insepultumq; viri Polynieis ca-
 dauer contra Creontis imperium ausa est col-
 ligere, mandareq; flammis, & vrę tumulo
 relictum, custoditumq; seruare. Ingentes ma-
 ternę auctoritatis vires sunt, quę eas iras ob-
 durati & Romam obsidentis Coriolani oran-
 te matre Veturia molliuerunt: quas per lega-
 tos supplices Romana plebs, aut per velatos
 Pontifices vllis precibus placare non potuit.
 Reddat Nero Agrippinę matri pariles gra-
 tias de imperio suscepto; quòd illa *Claudiana*
 illis

illitis veneno boletis infecit. Ita Zenobia bel-
lipotens Hermoniano & Timolao filijs, ex
Odenato susceptis, vsurpatum regnum ar-
mis industriâq; restituit. Ibat vel in alienas
gentes imperium, ni Atheniensis Irene vte-
rum postmodum ferens Constantinum tanti
regiminis filium ex Leone viro tulisset. Quis-
nam sub aulâ Theutonicâ in throni solio se-
disset, si nata non fuisset Guilielmo Siculo
Regi Constantia, quæ Henrico Imperatori
annosa peperit filium, eximiae claritatis illum
heredem? Accedant nunc Marpissa, & Lam-
pedo, belligeræ illæ viduæ; immo Amazonum
duç Leænæ, quæ Cappadocum sanguinem,
pro eadē virūm vlciscendâ, sitientes inuicta
pectora tam obstinatâ duritie animositatis
armârunt, vt in illo formidabili ardore vin-
dictæ sub ferro barbarico, maluerint pe-
rire, quàm viuere. Traditur à multis, apud
Terracinam vrgentibus Vespasiani militi-
bus, actum fore de Lucio Vitellio, ni Victo-
riam præstitisset redimita diademate regio
Vitellia. Et superbâ crudelitate, atq; armis
nocturnis accinta inclytum de se testimoni-
um reddidit Portia, Catonis patris imitata

constantiam, quando ob amorem, immo dolorē Decij Bruti, apud Philippos occisi, igni-
 ros auido gutture carbones inhaufit. Pium
 est reminisci, quā aptè inuenerit peccatrix
 fors infœlicem Piramo Thysbiq; gladium;
 quo sô amata virgūcula super trajetum
 puerum, & ægram anxitrahentem animam
 cum gemitu nominis inuocati tranffixit. Or-
 nauit se hoc fulgore nominis Paulina Pom-
 peja, quodd odio vitæ cum Senecā tepentem
 balneum impauida & apertis venis intrauit.
 Ast vlli majorum exemplo festina mors Julæ
 non cedit, quæ Julio Cæsare nata Pompejum
 tam ardentē amauit, vt ob illius vestes ab
 hostiâ in sacrificio cruentatas, velut suspicata
 virum occisum, conciderit expiraueritq; re-
 pente. Supererat non mediocri documenti
 minor Antonia, quæ subducto è vita Druso
 anxit misella corde fœmineo, & in æternos
 planctus iens, residuum neglectæ vitæ dedit in
 lacrymas. Expectabant percussiores animo
 Menæ cantatissimi illi Jasonis Argonautæ
 Lacedæmonicâ coniuratione notati; quando
 velatæ, & chilamydes sordidatæ coniuges er-
 gastulo virum admittæ, ac perituros illos vl-
 timo

timo vale visuræ mutatis vestibus pullis emi-
sere damnatos; ipsæ intus manserunt, sub de-
posito montis intrepidæ. Præ lata est Roma-
nis cæteris inaudita filia puerperæ pietas, quæ
& vagientem domi filiolum; & inedia suppli-
cio perituram carceri matrem eisdem vbe-
ribus suis sub incauto janitore nutriuit. Ere-
xit Artemisia Lygdami filia ex diuine mar-
more extincto Mausolo sepulcrum; & colle-
ctos busti cineres inflammâti coniugalis pe-
ctoris vna sepeliit. Ah quantum gloriæ quan-
tumue fidei Cimbricis mulieribus attulit ob-
stinata desperatoris pudicitia; cōstantia, qua
trucidatis à C. Mario consortibus; omnes
vna nocte laqueis se se dedere pendentes. Do-
cuit animosa vlciscendæ castitatis austeritas
quantum debet matronalis splendor sub vi-
tore gladio firmus vigilantiusq; seruari: quan-
do apud Asiam Gallogræca illa mulier ani-
mo plena: & corruscans honoribus. Judith
apud Hæbreos constantissima ac casti pro-
positi raritate fulserunt, qua temulentas hæ-
ceruices Olophernis; illa Manlij Torquati
Centurionis caput ictu gladij defectum è sinu
hostium illæsa reportauit ad suos. Arsit au-

tem flamma virtutis inuiolatum illud pudicitiae propositum : quo Lucretia cruentum ense sustinuit pectus aperire, cuius insons stil-lansque cruor perfidum Sexti Superbi flagitium perpetua expulsiōe deleuit. Vicit animum suum iniuriae victrix Aemilia : quæ fuit in sua illa patientiæ animaduertentia primo forsam Aphricano non minor. Hec, ne illibatos viri vel defuncti rumores vlla violaret infamiae labeculâ, portauit secum moriens sub arcano pectore longas tede jugalis offensas. Hæc tolerantiae docta magistra dociles discipulas habuit, à quibus in posteros aliae transmissæ, subnascentesq; aliae descendantium totam lineam orbe toto replerunt. Hæc si tecum mente volutes; si oculatiore animo viriliter prospicienterq; consideres intrabit securius de ineundis nuptiis cordi consilium & parabis, quas accendas altari pro sacro thalamo, faces. Magna quippe nimium, & inexpugnabilis coniugum fides in viros, quæ in vtriusq; fortunæ mutatione constantes repercussis desiderijs suis pericula nostra subintrât. Didicere aues pro pariendis ouis parare pul-lulis nidos. Inclinat in propagationem species

suæ

luz natura : & docet illa nos optare nomini ,
& rebus nostris hēredēs . Instituit autem Sa-
ceramentum Ecclesia , quo valeamus hilares
ad prolis tam dulce pignus accedere . Inuitat
ad hoc nos infracta coniugalis amoris inte-
gritas , quæ in vigilijs vagitibusq; contemp-
to labore & pietate filios educat . Hę sunt
quæ proposita jurisjurandi contestatione de-
uouent se vobis , quę vā in prælōgum spārium
vitæ deductæ , gazas honoresq; vestros sollici-
to amore custodiunt . Hæ , dum earam sem-
per semperq; virentē vnitatem seruant sancti
coniugij , pro obediendis maioribus imperant
sibi , & prudentiā suā omnes domesticī schis-
matis indignationes emolliunt . Excitant è
contra ineuitabiles exitus , inaudita consilia ,
& astu atq; armis non minus quàm iure san-
guinis arcant à confinibus bella strepentia :
tuentur Reges : Regnā conciliant . Hæ ū
quando maritalibus appetuntur iniurijs la-
uant raptim è violato corde odia facta lacry-
mulis ; & clementiā bilis accensę conuitia ,
linitis in lētitiam blandimentis , extinguunt .
Passereulis nihil opus est vobis , qui ad ma-
num venire assuescant . Adueniunt viris ad


emen.

emendatos nutus vxores , tamquam puellæ
 arbitrio nutricis attrahæ. Quid clamorosos ca-
 tellos viri tenentes in manibus , circumuolu-
 tat se blandienti similis mulier , & gestiens
 gratiam de verberibus refert . At verò dum
 anus misellæ efficiuntur , eunt pro tuitione
 domus in casus intrepidè : Nurus vigilantius,
 atq; nepotes documentis instituunt. Indulgent
 languentibus ægris : Vltimæ cubitum segni
 lecto se recipiunt. Verùm vni pijsissimæ vitæ so-
 cij fato rapiuntur : sepeliunt illæ cum cada-
 ueribus in anxio illo stupore corda viuentia ,
 Disturbant omnia plangoribus : Nec subter-
 fugit hora vlla à memoria præteriti : Sed in
 orba luminibus senecta, & dum tædio vi-
 tæ laborant, miserentur adeo suorum,
 vt sub æroso mœrore animi rupti,
 gemitoria funebri obsequij
 lamenta concelebrent.

Vale. 111. No.

nas Februa-

rias.



Lauræ Cerete in Bibulum Sæmpronium De liberali Mulierum institutione Defensio.

Epist. LXV.

OBuerberant fatigatas aures tuæ quærelæ, quibus per cōpita & palam non mirati solūm, sed dolere te asseris, quod inauditum illud præ me ferre dicar ingenium; quod literatissimo viro crediderat. Quasi vidēare ex argumento concludere, simile ad nostrō vsq; dies foeminam fuisse raris gentibus visam. Falleris utrinq; Sæmpro-
ni, & à veritatis tramite deuius in patentius disseminatam falsitatem induceris. Dolendum sanē, immo erubescendum tibi nimium arbitror, qui non iam animosus homo; sed animatus lapis spretis studijs, quibus sapientes efficiuntur; in ægritudine torpentis oëij marcescis; & sic in te ipsum non oberrat natura, sed animus, à quo ab facie virtutis perplatibrem viam itur in scelus, Videris hæc arte sub gloriam miratæ iuuentulæ adulari nomini meo, Sed blanda hæc adulationis est captio: nam laqueatus decipulis insidiaris
sexui

sexui in grande æuum semper ornato: & furore tuo persuasus quæris discurrendo calcare me pedibus, & illidere terræ pugnis impactam. Latitat hæc irrisio subdola, & degeneris plebeiq; animi est arbitrari se posse olivæ instillatione obocæcare Medusam, Melius irrepisses talpæ, quàm Lupo, quum illa caligans oculis aperti nihil videat; huic lumina radient in tenebris. Videt, si nescis, animo sapiens & insubeundam animaduertentiam fenestrat sibi ratione vias. Nam providentia futuri cognitrix oculatis pedibus ingruentia mala substernit. Tacuissem, ne dubita, si vni didicisset occurfare mihi truxiila tua antiquataq; simultas, quòd non possit Phœbi radius vel in medio luto turpari. Sed stomacho nimia redundatione fastidij: quid depraetur ijs offendiculis tuis infirmioris sexus nostri conditio. Hinc succeditur sitiens vindictam animus: hinc excitur ad vigiles chartas calamus dormiens: hinc animos silentio longo renatos excandescens ira detexit: Ea ipsa merito causa est, qua ostendere cogor in quâ tam virtutis literarumq; famam euaserit gestata illa pectori nostro generositas, quam la-

gitrix

gitrix honorum scientia per æuum omne sublimat. Certior namq; & legitima est hereditatis illa possessio, quæ ad nos vsq; protracta à sæculi perennioris eternitate defluxit. Legimus imbutum diuinitate pectus Aethiopice Sabbæ prophetica soluissæ ænigmata Salomonis Aegyptij. Et volunt primi scriptores Amaltheã venturi scientia eruditam responsa eccinissæ haud procul à Bæjis, circa ripas Auerni; quæ vt erat Sibylla dijs gentilibus digna libros Prisco Tarquinio vendidit, oraculis plenos: Sic Babylonica Vates Heriphyle, remota longiùs diuina mente prospiciens, excidium cineresq; Troiæ, & fortunas Imperij Romani, atque Christi nascituri n ysteria descripsit. Nicostrata quoq; mater Euandri, & variis inij literaturarumque doctissima intantum iuit ingenium, vt sub figuris sexdecim prima primis latinis primas literas ostenderit. Virebit & fama perennis Isis Inachia, quæ ex Argiuis Deabus vna, sua Aegyptijs legendi elemeta monstrauit. At Zenobia generosæ eruditionis Aegyptia Aegyptias non solùm literas, sed Græcas quoq; & Latinas ita didicist, vt & Barbaras scripserit, & peregrinas

grinas historias. Credemus ne quod Theba-
na Manto, filia Tiresiæ absq; literis fuerit aru-
spicinâ & Pyromantiâ, Chaldæis illis artibus
plena, quando per flammaram motus vola-
tusque auium, atque exta fibrasq; animalium
manes alloquens futura nunciabat? Vnde flu-
xit Tritoniæ Palladi tanta sapientia. qua tot
artibus Athenienses erudit, nisi quod Apolli-
nis Physici scripturas arcanas cum admira-
tione omnium excussit? Satis me animat Phi-
lia & Lasthenia Græculæ illæ scemellæ, lit-
terarum jubar eximium, quæ totiens captiosis
argumentorū cauillationibus, nodosos Plato-
nis deludere discipulos. Cecinit autem in fa-
xum amantis animum flebiles versus Lesbi-
ca Sapho, quos ego ex tacta Orphei Lyra,
vel Phœbi plectro resonuisse crediderim. Sur-
rexit postmodum Græca, & plena musis lin-
gua Leontij, quæ aulæ est in Theophrasti di-
uinum eloquium cōmendata viuacitate scri-
bendi acerbius inuehere. Nō omiserim Pro-
bam insigni vtriusq; linguę cognitione con-
spicua, quæ ex Homericis: Virgilianisque
fragmentis compositas historias veteris te-
stamenti contexuit. Dignata est græculam

Semiamiram Romana majestas, quòd pro
subsellio de legibus, deq; regibus dixerit in
Senatu sententiam. Peperit i em grauida
virtute Roma Semproniam, quæ facundo
carmine pollens concionata est, & persuasio-
nibus oratorijs animos audientium impleuit.
Pari & inexhausto elegantie præconio cele-
brata est Hortensia, Hortensij filia, & oratrix,
cui gratia dicendi tâta fuit, vt trium-viros ab
exoluenda exactione talionis in fœminas ma-
ternis illis pijsq; lacrimis miseranda con-
flexerit. Adde Cornificiam Cornificij Poetæ
germanam, cuius natus in litteras amotan-
tas artes acquisijt, vt & diceretur Castaliolac-
tice nutrita, & epigrammata descripserit
Heliconijs floribus omni loco semper amœ-
na. Prætereo Tulliolam hîc Ciceronis, Te-
rentiâ, Corneliamq; Romanas in grandioris
sciẽtię apicẽ elatas; cû quibus Nicolosa Bono-
nienfis, Isotaq; Veronea, & Cassandra Vene-
ta sub silentij corascâ luce transibunt. Plena
est & ornata his exemplis omnis historia, &
sic habes os fœtidum argumẽtis obstructum;
quibus fateare naturam discendi æque omni-
bus vnâ impartiri licentiam. Superexta,

raritatis nostrę sola quęstiuncula, quam cul-
patrix morum electio sola distinguit, Nam
alijs infidet animo cura discriminari pectine
comas, induere molliores amicus, & digitos
vniionibus, atq; super additis gemmis ornare:
Alię premeditata verbum compositis dele-
ctantur buccis effundere: Indulgere choreis;
eblanditos tractare catellos. Studeant alię
inhiare accuratioris męse cōuiuijs, dare quie-
tem animi fomno, & in speculis formosas fa-
cies dedecorare pigmentis. At illę, quibus
ad virtutem integritas maior aspirat, fręnāt
principio iuuenilem animum, meditantur
meliora consilia, durant sobrietate & labo-
ribus corpus, cohibent deinde linguam, ob-
seruant aures, componunt in vigilias inge-
nium, & mentem excitant in contemplatio-
nem ad literas probitati semper obnoxlas,
Neque enim datur dono scientia, sed studio.
Nam liber animus labori non cedens acrior
semper surgit ad bonum: & exerceant lon-
gius illi atq; latius desideria discendi Esto igi-
tur, ex nulla nostri sanctitate non sumus à da-
tore Deo villo munere electioris ingenij dona-
te: Donauit satis omnes Natura dotibus
suis:

suis: Omnibus optionis suæ portas aperuit, per
quas ad volūtatē mittit ratio legatos, à qua
secum sua desideria reportent: Vestra est au-
thoritas; nostrum ingenium: sed pro virili rō-
bore indita est nobis astutia; pro securitate
suspicio: Imus nos sorte nostrā contentæ. At
Tu vecors, & percitus irā canis, quò refugis,
quasi luporum incurſu perterritus. Non spe-
ctat vñ gloria fugientem, neq; oculit se, qui vult
belli fœdus cum hoste pacisci; imò in despe-
ratoribus rebus castra copiosius armis atq;
animis sumptis instaurat. Non delectat stre-
nuos p̄ opultare fugientem: Expecta: solo ne
terrore nominis paues? Non sum animo neq;
manu barbara: Quis Te timor vrget? Frustra
verò Te abdis: callidiùs enim locatæ sunt om-
ni recessu quæ te excipiant insidiæ: Siccine
transfuga ex oculis hoc astu te aufers? Sic
facti penitens primam Salutis viam tibi po-
nis in fugā? Turpitudine ergo tua tecum sit.
Nō meretur in viros nostra bonitas, quòd sub
contemptu fœmineo admirari fingas de inge-
nij felicitate me solam, quæ in conspectu bene-
meriti fulgoris aliarum musculus sum certe
paruissimus. Quare quum sub dissimulato

proposito tegas inuidiam, excusatorijs te dictis circumuectis ineaſſum. Nam obruto mendatio veritas Deo cara ſemper emergit. Hęc eſt torta illa via, qua ſub fuſcato inuidæ mentis obtutu ſers te procul ab homine, ab officijs, à Deo. Quis mirabitur, Bibule, putas, ſi acriùs poſthac extulerit ſe in dicacitatem tuam percuſſum dilaceratumq; cor indignabundæ puellæ, cui nugatrix tua temeritas acerbum vulnuſ infixit? Ne putes deſpectiſſime gentium, quòd exiſtimem me ex Iouis gremio delapſam: Scholaſtica diſcipula ſum ſub fauillulâ humilioris ingenij ſopita, Inuor certè nimium, & nimium animi collegit indignata mens, quæ ſe de tuendo ſexu diſcutians conſciâ obligatione ſuſpirat. Nam omnia penitus, tam quæ in nobis, quàm quæ extra nos ſunt, ſexui obnoxia redduntur: Ego propterea, apud quam virtus ſemper fuit in pretio, poſthabitâ omni rerum priuatarum curâ, limabo fatigaboq; calamum contra linguaces, mendaci gloriâ turgentē; obſtabo nec non pertinaciter ad vias inſidiarum inſtructa; & moliar vlttricibus armis expugnare obſtrepentium maledicentias infa-

mes, quibus infamatissimi quidam in-
telq; furiosis in muliebre, & dignam vene-
ratione Rempub. infestius mordaciùsq; de-
latrant. Idibus Ianuarijs.

Bernardino Laurino Grammatico Lau. Cev. S.

Epist. LXVI.

CArminis & Epistolæ tuæ erudita lectio
me cogit, vt ad preces tuas prompta
veniam in votum; & depositũ calamum stu-
dio rursus intingam; quamquam tamen non
meum putem extra ordinem ea retexere, quæ
omnibus nota celebrantur. nolo ex neglectu
meo opinione tuâ Te exuas: Indignum est
enim animo grandi surgentem alicujus in se
fidei incrementa contemnere. Sed vereor
tamen ne si hoc responsum fortè jr. juniùs sub-
trutinâ integrioris iudicii libraueris, discede-
re statim incipias; quæ ante credideras: Nam
quid delectationi, quid vsui esse potest scri-
bendi vis illa rapida, cursim transeuntesq; fe-
stinans? Hæc aliàs. Insultamus moritis. Me-
mini inuicibili perpessu animi deuicisse For-
tunæ durioris injurias, laui publicis lacrimis

vias : sustinuit immoderata passio mala euenientia , & flui miserandos meorum exitus, sub interno stupore anxie, dureq; suspirans . Hæc castigatione viâ subdidici quanti morerari possim inanis glorię caducū honorem . Quare in hoc habitu sordido mihi contenta ad Deum sub exoleto velamine, imò sub religioso numinis fide confugi . Nam sacer animus, Cœlo demissus, sine Deo non potest esse contentus . Noui pridem, & quomodo fortuita certus nemo possideat, & quantum nobis nostra vota mentiantur . Creuit hinc studij mihi litterarumq; ille tātus amor, à cuius taxato labore nihil vnquam laxamenti mihi conceditur . Excelsi namq; animi vera nobilitat inuios vtrò inaccessosq; labores aggredditur . His malorum angustiiis Alcides gloriam origini longe lateq; diffudit . Iuit acrior in variatis fortunæ casus Vlysses ; quæ neq; Cyrcæ, neq; Scyllæ, vel Charybdis fabulosa deterruit . Sicim ex ardore Solis pertulit Alexander armatus, & bellicis armis depugnans non modò non horruit ubiq; sanguinem fusum, sed ne quidem ab ingruenti se morte surripuit . Quis Scipiones & Anniba-

les

les tantis inuicem rerum periculis annixos non jure miretur? quos intardius æuum illustris bellorum gloria protraxit. Christianos Heroas & Cives nostros Faustinum & Jovitam securior super excruciatum martyrii famam nobilitat; quibus præter Vincentium, & Stephanum cōparat Ecclesia nostra rarissimos Apostolos, eorumq; comites non omiserim, tantâ pœnarum acerbitate vexatos, qui cruciati, in exiliumq; trusi, & rebus suis priuati, tum vel in Crucē acti, atq; palis infixi, gladio & fame perierunt. Hos militantis fidei strenuissimos Duces comitator cæсорum turba pōstsequitur, qui, nullis pauefacti cruciatibus, in constantes mortis umbras iuerunt. Verum quòd hispidi rigidioris heremi patres excavatos scopulis specus in illâ solitudinis contemplatione coluerint, & ipsa locorum adhuc vestigia testatur, & historiarum fides sanctior ostendit. Nunc sacerdotes innumeri, innumereq; virgines, Deo sacræ, ad monasteria, mundanis curis tuta, refugiunt; & vitam mortemq; vouent Deo custodi. Sollicitatur semper anxia intus nostra cōscientia, & certius ad securitatē iter inquit.

scit unquam sana mens antequam euenerit
ordinatæ vitæ finis optatus. Passionum namq;
omnes equuleos mors voluntaria præcidit.
Quare quum aliquis nos semper dolor inurat,
quum nullus sit miseriarum modus in terris,
& nihil habeat, præter Deum, quod speret
noster animus, cōtinuâ futuri luspitione per-
cussus, non tardauit me difficultas vlla consi-
lii, quin generosum ex humanis ad catholica
studium abducerem. Eo namq; gradu con-
germanescunt virtus & scientia, quo viator
& via. Creuit ergo maioris ingenii viuacitas,
quæ in castissimas sententias commutaret
candorem eloquii. Sic ad interiorem sacre
legis agnitionem gressescens in dies me a-
mor inuitat: cuius inuitæ vires omnia deuin-
cunt. Quod Cassandram mihi laudas, in
omni disciplinarum genere foelicem, nihil
nouî nuntias: Nulli nota magis est ea clari-
tas preciosioris ingenii, quàm mihi. Hanc
amicitiam vna virtus interserit. Literas no-
stras ingeniosius olim illa perquisiit. Hinc vi-
dit somnatos manes impetrata ultro volun-
tas. Habet illa calami nostri notas impres-
sas, quas si ejus orationi componas, facile vel
pri-

primore aspectu arbitrari poteris inter v-
tramq; . Nec velim tamen vllum ob hoc
præiudicium ferās : nam neq; tu cognosce-
di legitimus iudex , neq; vlla nos in concio-
nem vocat de parilitate contentio . Vale idi-
bus Februariis .

*Ad Lupum Cynicum. Lau. Cer. in Avaritiam
Admonitio.*

Epist. LXVII.

CYnice, quid aurum sitiens, solus angeris
tecū ? Quid siccis labiis derosum mur-
mur ita mastigas ? Quid digitis repetitos di-
gitis reuocas numeros toriens ? Quid obdu-
cto supercilio, & venaticis in terram oculis cu-
ruus incedis ? speras ne omne quod cupis ? an
fortè putas latiore te , quàm Alexander,
mundum inuadere ? Vnus ab vno Deo factus
est orbis : Alexandrū vnum natura produxit:
Non est ea exaggeratio cumulationis argen-
ti, quæ satiare animum possit : ad opes co-
eervandas auidius semper sitit anxia cupidi-
tas . apcius tu in Myrmidonem vel formi-
cam Scythiæ trāsisses ; egereres lætis hume-

ris erutum è fractis montibus aurum. Emerita saltem, quibus piscator ex arenosa Gangis Pactoliq; alveo micantes auri squamulas trahas. Quid domi in hac torpedine mentis tabeseis ignavus? Quid sub incuriâ deside hæ cupidinariâ habendi curâ tantùm inureris? Erige solertem ingenii trepidantis industriam, atq; Indiam Troademq; discurre: Cumulatiùs conuectas margaritas acquires, quas candicantiùs conchæ Persici maris exudant. I, Arabes & Baſtrianos pete: implebis mantieas jocunda viriditate Smaragdi. Prement humeros durus adamas, ardenteſq; carbunculli. Vade expectat te vnionum & gemmarum illa preciosissima gloria, quam Regû luerosa libido nobilitat: In commerciis cauebis Vuandalos, auarâ nimis perfidiâ doloſos. De clarissimis industriâ Phœnicibus cōsilia dabit euentus. Ad Alexandriæ opulentissimos census promptus erit aditus, & perutilis via, Sed quo abire libet: seu in deserti peruagata vasta perrexeris, seu è diuersis litoribus peregrinâ puppi mare sulcaueris, aut si emensis itinere longo prouinciis Taurum & Caucaſum, Olympumq; transueris: tum vel
inde

inde si per Asiam, & Tarsas perq; Assyriam,
atq; Aphricā ad Hispanas Gades vsq; con-
cesseris, periculis te te offeras semper oportet:
hamo atq; reibus omnia contaminatum aua-
ritiae scelus illaqueat. Sed esto, commercia
curribus atq; nauibus barbaræ extereq; natio-
nes in Italiam ædesq; trajiciant, eritne satur
animus vltro sibi contentus? Esto uel subro-
gauerint te sibi insatiabilis cupiditate Cras-
sus, & auidissimus auri Midas, heu quā vo-
lucris, quamq; fallax datetur horum tibi pos-
sessi: At esto, vixeris sæcula annosioris Phœ-
nice Mathusalem, quid vsui esse posset cita-
tissima ocylusq; trāsuolās illa voluptas? Quod
inevitabile est, semper imminet, & in conspo-
ctu senectæ rari moriuntur. Viuacibus autem
fert tristiora sæpe senectus. Ignem vidit ruināq;
Trojæ Priamus senex: Lydiam atq; vitam
Cræso vetulo infelix vrgentis Cyri prælium
abripuit Xerxes verò insolentissimus ille Rex,
dominandi auidus, post geminas Maratho-
niæ Thermopylarumq; clades, iustā superue-
niente irā Persarum, ingemitoriā suspiriosā
cordis vitā contenuit. Quid memorem Da-
rium tertio jam & insigni Græcorum bello
sub

sub inopinatis insidiis exceptum, qui amissos
tot exercitus duces, & captiuam desolatâq;
Matrem in senili rugâ defleuit? Sepeliit Sa-
uienti pelago canum corpus M. ille Marcel-
lus, qui culmine jam ciuilibus gloriæ positus in
splendenti patrum maiestate confederat. Ca-
stigauit & superbientem felicitatem L. Me-
telli protracta in tot annos oculorum amissio.
Suspicarer indulgentioribus auspiciis partia-
rium fortè Jouem Cæsari Alexandroq; fauisse;
ni demum alter medicata aconiti pocula bi-
bisset, alter, cultris ultus, iuisset in necem. Om-
nes ex vno calamitatis fonte profluximus:
Peccârunt Primi Parentes: plectitur inquie-
tata posteritas. Non regreditur nostri ordo
principii: Continuat propagine Mundus anti-
quâ: sumus omnes ab Adam: non diluitur
siue lacrymis labes, quam sordidatrix Natu-
ra contraxit. Credisne filios habere Fortu-
na n quos in ærumnis vitæ foelicitet? Vexat
nos fors improba rerum, & ferox in spes no-
stras, vanis sæpe consiliis elusas, desæuit, ne-
quiter debacchatur, insanit. Quid laborioso
profuit Herculi inter Aphricam atq; Euro-
pam proscindere montes? Quid auxilii affert

Re-

Regibus Aegypti excellens illa celsitudo Pyramidum? Quid faciunt Cyro aut Menelao Attria illa stellis auroq; micantia? Quid Aenilio Delubrum? Quid Amphitheatrum Caesati? Quid Pompeo Theatrum? Rosere illa famelici temporum dentes: In æternam hi noctem iuerunt. Sic omnes cursu volueri, & depositis humanis imus in mortem. Quòd si noxium onus animi corpus est; si fugacis vitæ tanta breuitas; si fors ingruit semper infestior, quid multam inexplibili voto pecuniam ad breue viaticum paras? si vèiò quæris pro quietissimo semper otio campos Elysios; non video quomodo ad futuram vitam sit omne aurum satis, Hoc habe consultus, quòd si quando recessisti à religionis vero tramite deijus, prudentiam tuam nunc deest, ut tantum in virtute animo surgas, quantum ex ejus altâ turri in barathrum immane decideras. Est enim virtus omni pecuniâ sat grandior; quæ longiùs vitâ permanens, molestissimos annos in inuiolatâ demum æternæ pacis respiracione reponit. Quæ te igitur tanta exiguitate mentis concurlatio mord'eat; ut in execrabile luctû flammantius semper anheles? quàm
fit

fit vel apud homines laus omni ære precio-
sior Ardet mens intus sub toxicato cor-
de nimis auara: non impulit te in studium
acquirendi necessitas: Inclinat in desiderium
habendi oculus nequam: & tu obducto men-
tis visu duras in saxum obstinata præcordia.
Sic euenit his, quibus inestuat formido major
damni, quàm culpæ. Sed tu qui meliorem fi-
nem expectas, induc, precor, sinceræ probi-
tatis mentem innoxiam: elige frugalitatem
potiùs quàm diuitias injustas; & futuris con-
sulens degusta exempla majorum, qui tam
velocibus alis deuolârunt ad mortem, Patu-
las ecce tenet illa fauces, quibus nos vorax
ingurgitet: ad hanc impulsore tempore cun-
cti traducimur: ad hanc omnes improuiso
cursu dilabimur: Necessè est enim vt refugi-
ente vitâ mors propiùs accedat. Hæc habui,
quæ tibi ex hoc fido pectore promerem. Tu,
si quid fidei habeo apud Te, facilè admittes
hæc monita, quæ vera, vel licenter, vel de ne-
cessitate concedas: Sic de intemperie desiderii
cōtēstus parabis tibi per pœnitentiã certū iter
ad Cœlū: & sic lumen veritatis immensæ intē-
tū alieni pectus intrabit. Vale Cal. Martiis.

Laura Cereta ad Marium Bonum, de Apparitione Phantasmatis.

Epist. LXVIII.

INquieta & nugis incessabiliter strepens
fœmina hodie aduersperante jam sole incognita cunctis apparuit, quæ seminuda, & strietiore leuâ colubrum tenens, in triuiis sine pudore saltaret: In hanc stridentem crepitudiniam furor quocunq; recessu admiratæ plebis exiuit: è contra minitauit illa reclamantes poenas in populum; & tristibus obscœnis in obuios quoscunq; supermodum obserduit, quasi Coezyti flammis intus arderet. Hæc puerilibus quaque versum conuitiis, maledicentiisq; consputa, cum turpiore abominamêto scelerum, quicquid intemperantiæ excogitari potest exereuit: clam demum & nescio qua viâ fugâ ex oculis omnium euauit. Mansit vnus omnibus stupor, velut qui se arbitrentur captiosâ præstigiosi Phantasmatis, aut alicuius prodigii fallaciâ delusos: Nam si homo illa fuit; quò nam modo in auras leues graue corpus exiuit? Si spiritus quo barathre,
aut

aut quo nutu Dei, putamus, emerſit? Hominis habitatio terra eſt: Hæc igitur furis armata mulier, non Siſyphus ullus, non Oreſtes, non Tantalus inter homines fuit, aut Aſcalaphus; Neq; patet amplius è fatali ſede porta Plutonis, è qua Eumenides anguicomæ, aut horrificæ Gorgones, tergeminiſq; Canis concitatus in mundum exardeant: Nec ſurgit ab Orco Aleſto luſtifica., ſollicitaue furis Megæra, vel Scylla, aut Hydra, plus ſolita crudelitate ſtrepentes. Ego verò quid hæc dira portenta imminero nobis oſtendant tamen ſi non intelligam; intelligit tamen conſternata mens quid formidandum debeat curremiſcendumq; pauſeſcere. Vale vii. Cal. Martias.

Ad Lodovicum Cendraram Veronæum, de Initiis, & Cauſis Militaribus, deq; Bello Brixiano, & Cæleſtibus Prodigijs

Lauræ Ceretæ Conqueſtio.

Epist. LXIX.

COEleſtiæ Bellipotentis Numini Martis Aphri nō ſolūm, aut Romani, vel Græci, ſed Babylonæ quoq; & Medi, atq; aliæ vel præ-

præstantissimæ orbe toto Nationes & templa
posuerunt & vota: Explicauerunt autem prio-
ra belli vexilla, terrificus Nembrot ille Gigas,
& pater ille Nini Belus Abantides; quos suc-
cessu temporum Indi, & Scythia Barbaries,
Æthiopesq; monstrosi sub exemplo sequuti
sunt. Turbauit postmodum rude & conten-
tum pace sæculum belliger ætas Liberi Pa-
tris, atq; Saturni. Persarum & Assyriorum
frequens eruptio, post fata Dioclis, ire vidit in
prælia abnepotem Phraortis Astyagem: Sic
temporis tractu exercitus numerosissimi stu-
pescentiam in Spartanum Leonidam infla-
tissimus Xerxes eduxit. Egregia facinora
Patris in Thracas, Thessaliam, ac Thebas
atrocissimus transgreditur Alexander, qui de
Persis, & Rhodiis, ac Phœnicibus, Aegyptiis,
Armeniisq; triumphans Scythas & Parthos
Hyrcanosq; deleuit. Cyclopes & Titanas,
Deos ipsos, & prælia vocantes, tum vel Lapi-
thas, atq; Centauros, ac renascentia semina
dentium Poetæ decantent. Cecinit euerse
Trojæ gladios, attritosq; cineres litterarum
Princeps Homerus. At crudeles Cyri, Da-
riiq; strages, & excidia Pharaonis, ac Moyses;
tum

tum vel Amazonum excursions, & Arabum; Pœnorum quoq; ac Laedæmoniorum, atq; Atheniensium in Romanos tot obrutas classes latius multo volumen expectat. Tremuere Capitolii saxa nutantia in conspectu Gallorum, qui turbinibus inundant Italiam. Fatalis de hinc fuit Africana gloria Scipionibus; quorū rarissima corda, non minùs quàm tormentorum moles præcellentissimam struere Carthaginem, flammis ruinisq; simul admixtis. Non omiserim Gothorum ferocientes & confertissimas gentes, quæ tanto sanguine à suis sedibus ad Romanum descenderunt Imperium: Hinc priuatim discedere à se didicere ciues. Hinc in suscitatos tumultus suspiciosa Rerumpub. creuit inuidia; Hinc ausus Tyrannici violauere finitimos; Hinc tantus siue causâ furor, non de repetitis, aut propulsandis, sed de inuidiâ surgentis gloriæ disceptans, cedendas vel parentum sæpe ceruices edocuit. His demum conjurationibus appetita dominandi libido ad arma Reges exiuit: Hinc exarsit, hinc pululauit superbissima illa prædandi consuetudo, qua tot maria fugaces, & latrunculæ pyratarū naues

excurſitant. In tranquillo Dux gentium nunquam agit: nunquam bellorum cura quieſcit. Quomodo, putas, dormiet vnquam animus, quem vel noctu pernicioſus veneni timor inoculat? Inquietatur, nec reſpirat, illa mens, quæ à pace pactiſq; fœderibus reſiliens, ſollicita ſemper indulget, quo aſtu deportet quaſitas dolo belliſq; victorias: Quid, quodd vel caſtra ſequentes ſpes irrita numi ſæpe deludit, dum hoſtium ſuper imminent ſæui ſecures; dum circūſtrepunt arma victricia, & cædi ſuorum cogiſq; acies ante ora conſpiciunt. Testis eſt ſamofa internecio Syllana, & inſignis conſliſtus ille Cannenſis pauore & præacerbis luſtibus plenus. Infinita militum millia incerta vincendi ſpes traxit ad mortem. Dubium nanq; & periculolum in dimicantes omne prælium accenditur; nam dum galeatis auri- bus tympana & ſtrepitus mugienſq; clangor inſuſurrant, omnes in centore odio indiſcretâ vtrinq; cede diſſiuiunt. Manat adhuc, immo ſtillat damnis illatum vulnus agro Brixiano, in quem numeroſus Calaber, & ferè omnis Italia ſub vno populatu com meatu popula- banda ſurrexerat. Coaluit in magnam gen-

tem exercitus, qui majore frâtes audaciâ,
 atq; Olio ponte transmissio, campeſtria noctu
 repleuit. Per hunc ſcutati com meârunt vltro
 citroq; pedites, qui improbis efferatiſq; diſcur
 ſibus finitimos adorti ſunt: Horum autem pri
 mò repentina rabies foras efferbuit, & ma
 jore frâti audaciâ ſe ſe dabant in hoſtem, tam
 quam ad mortem libertatis amore concurre
 rent. Sed hi quibus erat ſumma belli comiſ
 ſa, quum renitentes vicos paſſim militibus da
 rent in prædam, hebeſcere Ruraliũ agmina
 pauca facta ceperunt: His ſucceſſibus hoſtis
 elatus, oppidanos quosdam omnibus rebus
 abraſit, & ediſtis latè miſſis ciues ad ſe acco
 las adnotatâ proſcriptione vocauit: Càſtella
 ſoſſis mœnibuſq; circumſepta repens cinxit
 obſidio. Hinc multorum timor, & proſtigata
 fides, ad motus nouitatis aſpirans, in rebellio
 nem exarſit: Secuta hinc eſt defeſtio locorũ,
 qua hoſtis voluntarios in deditiõem accepit.
 Multi tamen multis machinis, ad extremum
 quaſi diſcrimen adducti, in tormentis, & fa
 mis extremâ perniciẽ manſere conſtantes.
 Terras hiſe eadentes & raptæ vento frondes
 obtexerant: ſeneſcentem de hic pruinis an
 num

num glaciavit hiems . Strenuæ in terrâ inely-
tissimi Robert rediere acies, qui vel in despe-
ratissimis rebus hostium consilia præcipiti
juxta Valentum celeritate præuenerat : Ad-
uersus hos terrore magis quàm prælio prorū-
pens, & agrum depulsis hostibus liberat, &
astu bellico paratas omnes eludit insidias: In
collectu illo copiarum requisitorum obsidum
speciale pignus abducitur: Multa in captiuos
crudeliter aguntur; legiones nostræ ad con-
ualles per hyberna disponunt; nec longè per
conterminas stationes inimici flumine tra-
meato locantur. Tunc credidere se Venetis,
qui tumultu atq; cædibus impulsæ à fide defe-
cerant: Ita satis superq; is annus calamitate
publicâ fuit insignis. Vtrinq; interim multi
transfugiebant ad hostes. Ver pluuium im-
bres demissi tardarunt, Ut primùm herba-
rior planities effloruit, rediit falcifer turba sa-
tellitum; noua tunc quisq; sui auxilia re jungit;
Copiæ rursus ex utroq; sinu deducuntur in cā-
pum; ex integro noua bella nascuntur, & pro-
ximæ villulæ nouo incēdio correptæ creman-
tur. Dum nouis omnes rebus inhiant, omnes
plus omnino periculi cōminantur. Sed equi-

cum dispar creuit instructus: Provinciam cepit ingens hostium metus inuadere. His rursus alii se ultro, & sub nullo fœdere dederunt: Alii deditionem pa&: sunt, diu conclusi. Iam trementes obsessos minæ quassabant; jam omnia refusus vndiq; timor vrgebat; jam ceperant crebris dilacerationibus omnia vastati: Hostilis tamen gladius à sanguine magis quàm à præda; & incendiis, temperauit manus infandas. Ea illa causa fuit, qua & habitatore casæ, & cultore agri defererentur. Veniebant in dies ad insidias Urbis ordinatæ ceteræ: sed ex totâ illâ refusus & suffocans se populus certatim exhibat, cui animosum pectus semper incaluit se se Patriamq; tueri. Quatiebat tunc vna Fortunæ varietas Parmam, Ferrariam, Veronam, Brixiam, Cremonam, Bergomum, Cremam, omnia bellis ardebant; at dum frustrata spes militum residuum stipēdii flagitaret incassum, ad amnis Nauigii clauigas de pace pepigere Duces. Agimus nunc mitioris quinquenii tranquillissima spatia. Ego verò per id tempus agebam Isei cum Patre, qui & oræ Sabine Prætor, & Oppido instaurando Præfectus erat: Huic

quan-

quanta fuerit hostis arcendi solertia, sat ipsa
loci facies ostendit, quem latiore fossâ, &
murorum extructione, non minùs quàm li-
terali vallo, & insomni turrium atq; arietum
custodiâ muniuit, Mirabar, memini, trepidu-
la, & puerili animo cuncta mandabam: ob
id nouior recordatio hæc nunc habuit, quæ li-
cèt sine ordine, non ab re tamen ad Te scri-
beret, cui in exponendis vel oscultis rerum
causis mañum semper surgit acumen foeli-
cioris ingenii. Nescio quid mali portendat,
quòd ignis alto scintillans à me visus est in
conflictu noctis horrendæ rixari, quasi videa-
tur jaculatum à Stella Martis virus effundi.
Vidi & astra sanguinea, quæ sine radiis in or-
tu; in obitu verò sub insolito pallore subalbi-
cant; ac si gelida caligantis Saturni vis tristes
in Naturam profliget angores. At læuâ ter-
rificû sub nascentis lunæ cornu surrexit, quod
per fumidas Cœli vias trementem asperge-
ret in matutino nubeculam. Hæc ominari
non est ausa fœminilis cordis improbitas. Tu
cognitor interpresq; Cœli (si Cœlo tamen de
uenturis danda fides est) ex optato facies, si
ordine stelligeri decursus inspecto solueris

hos mihi surrepens dubium, quo prædiuinans
animus sub percussu fatalis læpparentiæ tur-
batur. Vale. Idibus Martiis.

*Laura Cereta ad Solitariam Europam de falsa
delectatione Vita Priuata Admonitio. et
Epist. LXX.*

Quæsiui & percunctata sū vigiliore studio
sollicitata, in quam agri patriares se-
dem, aut vbi nam hybernatura, vel
quem remigrandi ad nos præfinitò diceres
diem: Quam certiores me faceret nemo;
exploraui furacibus atq; indagis oculis om-
nes Ecclesias, si quæsitæ ex optato forsam oc-
curreres; hanc spem in mediis manibus sem-
per amisi. sic euenit amanti; ut desiderium
sæpicule spes casta deludat: Applicuit tandē
ex rusticano tugurio villiculus, qui sordidis
pedibus, & plenum ignobilitate suā in triuio
populoso tuas mihi litteras daret. Ego verò
quanto, & quàm sitienti sororiæ charitatis a-
more mellitam expectationem hanc ad oscu-
la retulerim, condicere sat potest infusa mul-
tudo spectantium. Exultabant intus præ-

eordia, & tremulâ vox sub hilari frōre gestiebat. Hoc perfusa gaudio domum è vestigio me contuli: hinc per aulam in cubiculum refugi: Sed egi foras, summoiq; omnes, tamquam essem ad sortem oraculi religionis fide permota; Est enim adeo tuum apud me preciatissimum nomen, vt tãti Te, tuaq; faciam, quanti est vel salus vitæ pensanda. Perlegi ergo diligenter optatissimas litteras tuas, quarum fuso relatu longa ruris solatia, describis: Gratulor tibi nomine omnium, & gratias ago pro porciunculâ meâ, quod vrbico honore deposito ad requiem animi, si requies tamen illa est, priuata refugeris: Sed metuo, pace tua scripserim, ne Te fallat lenis hoc & dulce laxamentum ocii fugientis: Nam quæ tuta in humanis potest esse tranquillitas, vbi fleamus infantes, ignoramus pueræ, laxamur iuuenes, deflorescimus vetulæ, & decrepita nostri tædio miserâq; languemus? Omnes obuiis incurfibus sub injuriâ naturæ pereutimur: sola Sapiens juribus Fortunæ non parit: Eam autem Sapientem existimo, non quæ se pro solitudinis oblectamento à consortio Ciuitatis exemit; sed quæ pro æternæ vitæ mer-

sede in medios malorum turbines victict
 constantiâ luctatur. Ea igitur, quæ licuit, viâ
 vrbe excedens, in villulas, tamquam in here-
 mo, peruagaris solula; Istic longum, vt refers,
 Tibi fuit iter ad montes, apud quos aëreos
 vmbriferosq; colles vaga transcendis: Ibi
 ex summis alpium speculis nunc quæritas
 horrendas antri latebras, nunc profunda ab-
 ruptæ vallis præcipitia despectas: In hac auia
 solitudine cliuosi tramitis conspicias virentis
 Sylvæ Platanos, ramosasq; Pinus: audis Lu-
 seinæ modulata murmura, quæ repetitio al-
 ternationis garrulæ die noctuq; pertinaciter
 variat. Ex hoc nemorum sinu tua trahitur
 delectatio ad insidendum ripis Mellæ recur-
 uæ; quæ, primis fontibus latus montis obuer-
 berans, in arenosum molliter torrentem ad-
 mittitur; & nunc hæc placidis vndis, leniq;
 meatu prælabitur; nunc illac ex montano an-
 fractu rupta per arua foelicia interclusis pro-
 currit aquis, ac procul hinc graui dejectu in
 spumantia saxa ferientibus vndis excurret:
 inde nunc aduersis vorticibus recto properas,
 nunc languidiore circumflexu latè stagnans,
 prouectas tandem cæutes in Olii vadum ejet.

Etat. Perpulchra sane quidem est arborum
densa illa intacta q; vastitas, sub qua petulei
saltant, formidolosi q; fugiunt lepores: hinc
ipsa ex obtentu frondium cuncta prospectans
euentui ardentèr inhias, ad quo illi præcipiti
decurfu in substratos laqueos improuisi deci-
derint. Præter eo nunc è pampineis labru-
scis dependentes uas: Ne q; absolua minima
vallium, vbi tot arbutei fructus, & virentis
oleæ bacca præpingues, atq; castaneæ, pun-
genti coreice rectæ, hirsutum nemus inum-
brant: Operæ precium est videre inter tot sa-
cras quercus coronatas æsculos, & montanas
fraxinos, nigricantes q; juniperos. Quid me-
morem, oportet cornos, ac sorbos, vel fron-
dentem corylum, aut adoratam Veneris myr-
tum, triumphales q; Lauros? Discussisti jam
Tulatiùs florea, rorescentia q; prata, in quibus
anguis, rigori squammarum innitens, è vepri-
bus in ciconias exit ad prælia. Falleris hæc
inani requiè Europa carissima, & dum tran-
quillè agis, quietem omnem ab tuâ foelicitate
conuellis. In hoc non imitabor tua consi-
lia, quæ gentili vestigio sequuntur decantatas
in Scholis historias. Credis, arbitror, maiore

animo æmulari Camillum, ac Curios, ac Metellum, P. Scipionem, Q. Cincinnatum, ac Syllam: ex græcis autem Pittacum, Anaxagaram, Euripidem, Mysonem, Heraclitum, atq; Parmenidem; ex quibus illi pro longiore & imperturbatâ vitâ glebas, & rastra, balantumq; greges summis anteposuerunt splendoribus; hi verò in latibulis heremi, atq; arduis montium superciliis, & maritimis scopulis solâ cōtemplatione studii remotioris adie-runt. Pertulere hæc illi cunstanter, neq; recusârunt vllum omnino laborem, vt nominis sui dignatio recordationi posteritatis hæreret; ceu qui aliam non expectarent post seculum vitam. At illi prophanati sacrificiis simulacrisq; gentilium, dum sine Deo essent, Deitatem in vanitate quærebant. Sed metuo ne fulgida mentis præbitatis illa coruscatio illos in tenebrosam voraginem inferæ domus absorbeat. Verùm ipsa Tu, in baptismo ab huiusmodi infidelitatis leprâ mundata, debes securiorem portum inuenire naufraganti animulæ Soror. Est etiam alia tua conditio, quàm gentium, quarum portentosa gentilitas in saltibus montium Pana, atq; Sylva-
um,

aut, & Napeas, Hamadryadesq; colebat.
Non damno qui habent in summis montibus
rupibus heremiticas casas. Multi quondam
emicuere Philosophi, quos consilio & virtute
moderatos, vno omnium oraculo iudicauit
antiquitas. Sane cum illis incomparabiles
sunt christiani animi dores, quem non gene-
rosam aliquod in vitam facinus, aut probitatis
exemplum vllum posteritate magnificum,
sed humilis atq; innocens, exultat mentis in-
tegritas, æternis potest beatorum Hierarchiis
inuehere: Infestissima semper fuit nobis hu-
manorum nimia felicitas. Fucatur enim ea
vitæ bonitas, quam voluptatis dentes in de-
lectatione mordicant. Pensa igitur aliis,
quid sit tibi in hac solitaria vitæ electione ser-
uandum, ne dum sub prosperis annis pertur-
bationes animi fugis, anus demum sub vn-
dosâ pulsata cōsuetudine tempestate mergaris.
si satietatem animi speras, quæris in dumis
teneriores vitæas. Inuidiosa semper homi-
num fors fuit, & gaudiis semper maior oc-
currit: At esto quam diutissime vixeris, & sub
vno & inuiolato fœdere vitæ respices; num
tandem mors omni poculo aconiti veniet ama-
rior?

rior? Omnes suo tempore in oecusum malorum offendimus; nam gaudii atq; tristitiæ congermanus est ordo: sic omne vitæ tempus indeffolubilibus implicamentis obuoluitur: sic cum venturi xui diebus præcurfi dies eunt in mortem. Sed heu labitur vnicuiq; è carioribus diebus semper hæc vita. Vellem ob id inquietares in pœnitentiâ amissi temporis laceram mentem; Vellem super quærelis indolentium pauperum consilia, opemq; portares; vellem cum viduis, orbatifq; paruulis suspiria passionefq; sentires. Minor hinc amaritudo ad secretum animæ testem intraret, & minus molestiæ morituræ, tibi restaret ad mortem. Olim & ipsa cum comitatu matrum plana montefq; transmissi; sed erat mecum pudore tecta mens intus, quæ animam excruciarer secreto teste conscientiæ: Sunt enim animo peccanti perturbationes semper admixtæ. Aliæ propterea nobis ad Deum scalæ quærendæ sunt, vt quibus in morte non porrigit dexteram virtus. Examinat, si nescis, omnes vna dormitio Vigila Tu, ne Te tua dies illa in tuis delitiis imparatam offendat. Vale iiii. Cal. Martias.

Fatri

*Fratri Thomæ de Mediolano, Predicatorum
Philosopho Laur. Ccr.*

Epist. LXXI.

R Esponsura nunc vnis atq; alteris litteris
Tuis, seposui parumper attētioris studii
vigilias, quas pro dimetiendis terrarum spa-
tiis vltro nimis indulgenterq; susceperam: Id
enim indagare atq; altius prosequi, & enoda-
re suas causas, conjectans animus intro ten-
tabat. Grata erga Te est cordis inuitati curios-
itas, quòd elaboratis hoc genus Epistolis a-
perueris mihi lumen ingenii, cuius vigor iners
erassa prius vertigine torpebat in tenebris.
Obstupui primùm, sublimitatem eloquentiæ
tuæ mirata, cui neminem fortè prætulerim:
Prima namq; limatiore styli in te gloria est
etiam quidem inter varios flores hominum,
qui quondam inauratâ linguâ, & dicendi dei-
tate quadã excelluerunt in terris. Super exce-
dit hanc gratiam tenax illa & capax omni-
um tui memoria, qua imperturbatæ lucis
mente celeri Simonidem Metrodorumq; tran-
scendis. Accreuit & gloriam nominis re-

motiorem inteliigētiam indagans ingenium ,
 enjus cōtemplatione vigili tot problematum
 ænigmata , totq; abditas in naturâ causas
 aperuisti, quæ absunt à nobis altiùs profun-
 diùsq; remotæ. Potest enim aliquid semper
 à nobis præter inuenta post nosci: Nam dum
 in hoc corpore sumus, contuente semper im-
 aginatione dormit ingenium; tenuit namq;
 semper homines ista dormitio: Docebunt
 posterì, quod nos præterit; & scimus multa
 nos, quæ vetustas erronea fortè nō nouit: Adeo
 augustissima nostrę mentis vasa sunt, quibus
 recipi dantur ideæ rerum innumeræ. Est au-
 tem tibi cum Aristotele manifesta societas, à
 quo Te major nemo certè surrexit. Tu Reper-
 toribus Argumenti non impar, fallacissimas
 illas sophismatum ambiguitates adeperis,
 quas Dialecticæ nodosa subtilitas multipli-
 ciùs intricat. Dicā fidenter, citra tamē Theo-
 logorum inuidiam, peculiare, vţ concio, tibi
 est, de arcana Trinitatis diuinitate differere,
 velut qui ocularâ intellectus vestigatione, non
 minùs quàm sub specie sensitiui planam il-
 lam præsentissimam demonstras. Nec opto
 ob id tamen existimes sentire me Deum de-

monstrabilem organi sceleris esse materiam :
Potentissima potius in superlatissimis ille cau-
sa est, quæ, ceu spectatrix custosq; nostri, inui-
ctum passionibus animum sub humanis viis
inhabitat. Scis ista Tu altius : Nec fauenti
velim ascribas, quod veritatis meritissima
requirit integritas. Testis est gymnastica in-
geniorum illa multitudo concurrens, in qua
tibi tot Principes doctrinæ cœlestium, tot
Religionum multarum Antistites, in litte-
rarum omni genere præstantes anteire stat
gratia : Nunquam studium tuum à reli-
gione ad litteras transfers : Verique am-
bidexter inseruis, Integra tecum semper
est virtus. Probitatis vnam semper sequeris
viam, & habes ipse Te semper in humilitatis
vero fulgore despectum. Sed non potest ta-
men virtutis splendor obscurari tenebris. In-
flexi animi tui illibata est inuisolataq; con-
stantia ; sic cœlestem patriam eleuata mens
tua semper aduolat; nam cœlestem animam
corpori humano habes intusam, & tamen
omni ambitione repudiata monasticis emen-
datae viæ passibus sub maturo cursu festinas
ad Deum. Habes ad hoc iter renouatam re-

nascentemq; recordationi mortis imaginem;
quæ præsens tibi semper assistit. Regite enim
Te præstans ille animi spiritus, cujus consilio
spernis adeo cœcam, nesciamq; horæ mor-
tis hanc vitam; ut putes ineuitabilem horam
illam omni loco tibi paratam. Brevis namq;
immò nulla hospitalis in hac vitâ nobis se-
des est. Nam tanta est tamq; brevis fugæ
æui rapacitas; ut sub vicino semper instanti
crastinum pede premat hodierna vestigia.
Intelligentiæ igitur & documenti exempla
tua magna sunt; sed religiosæ exemplarita-
tis non certè minora: quippe qui non Te am-
pliatione maioris famæ, sed Dominicam ob-
seruantiam tuam coronâsti. Exaquas & Pa-
trum seminudorum titulos, quibus per vasta
deserti delicias herbæ fontesq; parârunt:
Nam quum alii priuatis in cellulis cum tabu-
lato stragulo, ac saxeo puluillo soli se silen-
tesq; sequestrent; alii verò nudi pedes, nodo-
sis tunibus jejunos ventres obcingant; & sint
item alii, qui diuite prouentu, & latè plenis
horreis in contemplatione & abstinentiâ
contenti sunt; alii autem proclamatam sub
urbicis Ecclesiis Euangelii doctrinam in

quantâ libet convenientium turbâ diffundant. Reperiuntur quoq; monachi sub grauiore aspectu barbati, qui vel specus saxis excisos, vel securas in nemoribus casas incolant, quas viminalis luti paleati cespes erexit. At Tu cum Patribus tuis, quos frænator pœnitentia nobilitat, in asperioris claustri conuentu arctior in feruorem semper insurgis. Quare quum à Tè didicerim, corpus hoc inane esse, ac fallax animi pignus, & preciosissimâ animæ peregrinæ margaritâ esse cōscientiam; retraxi ab illustri humanarû literarum gloriâ consilium; ne fortè vanitate mens orba, & imprudens diligentiam futuri felicitatem caduci nominis quærat infelix. Nam quum sit nimia sciendi sollicitudo prodigalitati vitæ suspecta, non debet plus vigiliæ restare semper nobis in studio, tamquam simus solis litteris natæ. Indulgere licet nostris. Dandum est orationibus aliquid, & munere seruitutis honorandus est Deus. Deo namq; cor innocens victima censetur acceptior. Nos enim ipsas, non nostra vult ille, qui nullum habet diadema, quod nostris monilibus ornet. Nam voluntates nostræ apud

Saluatorem super omnia pensantur. Ego verò sub illius oculis constituta cognosco volatilis vitæ meæ dieculam, cujus quamquam vix quintam partem excefferim; detracti sunt tamen ex injuriâ fractæ adolescentiæ tot dies, ut certior esse debeat mortis expectatio, quàm vitæ. Sic tui exemplo, ad regimen securioris vitæ, porrigeretuas in manus institui. Hinc cumulationes tibi debeo gratias, quòd sub tacito hortatu leuaueris me hoc scribendi pondusculo, numerosi erroris fortè misertus. Clauditur ergo familiarium Epistolarum hic prima pars sub delumbi, & ab ordine in diuersum abducto stilo strictim, capitulatimq; comprehensa. Superest nunc ut exordiar dignas impressionibus notas: quibus & solidam peccanti animulæ gloriam sine periculo, & altioris boni mercedem sine marcescentia nanciscar. Ego litterarum tuarum præcepta ad aures conscientiæ propius admisi. Ea enim quum mecum semper sit, ego semper mea mihi sum, hinc socius mihi ad temperantiam, vnus æqualitq; tenor est: qui neglectis humanis surgit ad Deum, ob hoc siue post hæc consilium erit epasci vegetiori.

tioribus studiis ingenium, quibus ad majora vel scientiores erudiantur, siue deposito calamo sub respiratione remissioris otii me Deo prestitierim: non potero abstinere tamen, quin colligam mente saltem ex cœlestium speculatione doctrinam. Neq; enim patitur frater virtutis labor, quod possit mens generosa quiescere. Vale. Pridie Non. Februarias,

Ad Reuerendissimum Sedis Apostolica Cardinalem. D.D. Ascanium Mariam Laure Ceretæ in Epistolas Epilogus.
Epist. LXXII.

Redis & intemperati calami nostri primicias, quas olim sum ex audacia scribendi securitate pollicita, tua nunc manus perhumana suscipiet: quæ majori digna munere, non datum, sed datoris animum consuevit inspicere. Distuli hæc, non oblita sum; sed suffudit adeo ex alto corde rubor ora pudentia, ut metuerim primum, ne epistolaris ista verboritas lectu foret profuturæq; rancidula, & sordatura esset dedecora-

tum hoc opus, immo memet ipsam abhorrentem à lingua latina. Dum in diuersum raperetur deliberandi mens anceps, deuorauit hoc pudoris antidotum promissæ mihi ignoscentiæ tuæ spes nimia: qua non ignorantium simplicitatem modò, sed vel vltro declinantium errores receptas ad gratiam. Humiliter igitur has omni ornatu chartas exutas ad te ausa est scribere mea puritas, nullo studio, nulloue nitore linguæ prorsus adiuta. Animabit me spero vigilantia maioris ingenii, si sciero ejus dignationis ea sint apud te, quæ tot precibus tantèq; rogatu sapientum minor hæc ætas absoluit. Non est à calamo surrepta materia, quæ si vel clavis scriptoribus digna. Ad celsitudinem peruii dogmatis me via planior expectat: & surrecturus est grandescens studii proximus fulgor. Solum probatiunculæ tuæ mihi restat exemplum: cujus publico testimonio hæc per se nuda vestiantur. Quod ubi caluero, non verebor, etsi me ex inuida plebe alius alium, requirente vultu conspiciat. Immo secunda vel ludibrii trepentis hunc librum ausim in traiectum maris ablegare, &

qui-

quidem ad remotas orbe deuio nationes.
 Nec mirum . legendum namq; vsq; nunc il-
 lum satis expectant scopulosæ Cyclades &
 fatidica Delos, Cretaq; ferax, atq; vltima
 Thyle Hunc enim fautore te vagi Numidæ,
 atq; Hyrcani ferales . pislîq; Schytæ, & nudi
 Garamantes exquirent . Mittent autem ex
 filuis sua thura, Medus & Arabs : Ex arenis
 dabunt aurum Tagus, & Hermus : Sic tenuia
 stamina Seres : Sic Mauritani Simias : Sic
 Æthiops Rhinocerotem , ac Cinama : Sic
 gemmas Oriens, & Boreas : Sic tributa la-
 chrinati Balsami Iudæa transmittet . Tanti
 est apud gentes tua sapientia : tanta rerum
 tuarum æstimatio : tanta nominis auctorita-
 tisq; maiestas . Est enim ingenii litterarumq;
 tuarum stupenda illa præstantia, Athenarum
 porticu digna . Nam Socrates, & Plato, per
 os tuum proloquuntur oracula, & insident la-
 biis tuis, virginei Heliconis illæ Camænæ, quæ
 istinc à nobis vel sine clamore sentiuntur .
 Hinc propterea gratus ibit iste liber in popu-
 los, tuo illo sale , tuoq; intus nomine tantum
 ornatus, vt illum honores nulli, nulla opum
 humanarum precia refugiunt . Ego ve. è

puella nondum cognita, etsi mella non epas-
 scar Hymeti; nec sint mihi quas dono dede-
 rim Policratis annulus, aut Smaragdus Ne-
 ronis, Achatesq; Pyrrhi: vel Margaritæ ab
 India Persiaq; conuectæ: pro beneficii tamen
 qualicunq; mercedula, edam sat spero ex
 secretis ingenii majus inuentum: quo tuis
 auspiciis per orbem referente, multos


in viriditatem nominis trahet

nouior semper admiratio

post sæcula. Pridie

Kal. Mar.

tias.



101 1466789

IACOBI PHILIPPI TOMASINI NOTAE.

EN, mi Lector, paucas tibi notas hasce temporarias, quas à libris per itinera & publica negotia distracto suggessit memoria, dum absentis Typographi operam recensco. Occupationibus hæc seruiat, ne quid lectionem moretur.

Lauræ Ceretæ) vel vt aliis placet *Cereta*.

Pag. 1. *Africanus Maria titulo S. Viti Card.*) Vicecomitis Sfortiæ Ducis Mediolanensis filius à Sisto IV. Summo Pontif. purpura decoratus, cuius virtutes tangit Panvinus, & Ciaconius in Vitis Pont. & Cardinal.

Primæ Epistolæ initium non legitur, quod nescio à quo, vel quæ de causa, obliteratum fuerit. Cæli positum indicat quo tempore eam exarauit.

Io Oliuero.) Oliuerii Brixienfis circumfertur Opusculum, suntq; adhuc Brixie posteri non degeneres.

Pag. 2. *Quadrifrons scientia.*) Quatuor disciplinas superiores procul dubio intelligit, quas vulgo Facultates nominamus. Philosophiâ, Medicinâ, Iurisprudentiâ, Theologiâ.

Hæc si in intelligentia hosti non aperuit) Ita erat in M. s. locum planè corruptum sic legendum censco. *Hæc si in intelligentia ostium non aperuit.*

Pag. 6. *Pondo*) Melius *pondere*. Pondo enim libram significat, quod Laura parum aduertit, quemadmodum & plura alia bonis scriptoribus vsitata in nouum sensum detorsit. Quod ipsius ætati benignè condonandum.

Pag. 13. *Alchimedontis diuinitate permixtum*) i. e. non vsq; dedolatum. Alcimedon enim apud Virgilium iii. Eclog. nobilis sculptor audit.

Pag. 14. *Febriens Leo*) Naturæ enim prorsus est igneæ. Febris autem apud Hippocratem ubiq; ignis appellatur.

Pag. 16. *Arachne Colophonica*) i. e. insolens. Colophona namq; superbia in prouerbium abiit, & nota est eruditæ Arachnæ fabula.

Hortensius hystrio appellatur) per inuidiam fortassis. Cic. enim summus orator Hortensium ab incredibili gestus suauitate commendat.

Bonif. Bembo 17.) Satyrogaphum prædicat Octavius Rubens
Brixionis in Elogiis suorum civium.

Pag. 16. Oppia lex) Quam tulit C. Oppius, ne qua mulier
plusquam seminaclam auri gestaret, neve uestimento di-
uerli coloris uteretur, neve in urbe aut propius stille
passus uerberetur, nisi sacrorum publicorum causa. de qua
Lilius lib. 24. Tacitus lib. 3.

Pag. 19. Endimeon) Hic primus Lunæ cursum intenuisse fer-
tur. de quo Apollon.

Pag. 21. Capillos scindere) De hoc ritu in nostro de Donariis
veterum Commentario, quem in mariti Cosmi Pinelli
morte uxorem inuitatam fuisse memorat Paulus Gualdus
in Vita Io. Vicentii Pinelli.

Pag. 22. Lege Iulia) Lex Iulia repetundarum hic induitur.
de qua ex professo Iuriconsulti.

Pag. 24. Ad rostra deferant) Eleganter pro eo, quod vulgo
ad supremum Iudicem appellare.

Pag. 28. Buxus) Eleganti metonymia pro tibia, quæ ex buxo
conficitur.

Idalia Citheraq; luans) Magna hæc fateor visus
oblectamenta: sed longè inferiora iis, modò vera,
quæ Hesperidum horto tribuuntur. varia quidem apud
veteres extant, nemo tamen ad ingenii voluptatem mihi
accuratior videtur Scylææ Caryandensisque in Periplo hæc
prodit: Est locus profundus Orgiis xviii. præruptus
circumquaq; nusquam descensum habens. Vbiq; Ge-
rò duobus stadiis non minor est latitudo & longitudo.
Hortus hic opacus est arboribus in se inuicem implica-
tis quam maximè densis. Arbores sunt, locus; mali
omnis generis, punice, piri, arbuti fructus, mora,
vites, myrti, lauri, hedera, olina, oleastri, amygdali,
inglandes.

Pag. 30. Falcifer) Saturnū intuit. Sic Ouid. in Lib. Fastorum
Causa ratis superesi, Thuscum rate venit ad amnem
Ante pererrato falcifer orbe Deus.

Tempus enim quod Saturno adscribitur falci instat om-
nia dentit.

Pag. 37. Formicatio) Ab agmine formicarum erumpentium
elegans mataploga.

Xenocraticæ Academia apparatus) I. E. sobrius. Xenocrates enim ab omni voluptate abhorruisse fertur. Hinc etiam Coena Xenocrate digna Epist. 63.

Figurati status vasis) I. E. cyathis vineis.

Murrana) Rectius Murrhino vel Myrrhino. Talia enim sunt vasa Murrhina vel Myrrhina ex Murrha seu Onyche gemina, quæ a nostris Porcellanis diversa, quemadmodum contra Cardanum, Scaligerum & Mercurialem eruditè ostendit Nicolaus Guibertus peculiari de Murrhinis libello cap. vii. Murina vel Myrina verò potius est mulierum, veluti suo Auctionario breui proditurus est Cl. Gaspar Hofmannus.

Pag. 32. *Carcær Deloæus*) Eleganter pro vivario artificiosè extructo.

Fanus interdictionum) I. E. legem sumptuariam, de qua Aul. Gell. lib. 2. cap. 24. quæ vetuit ultra decem aris quotidie insumere extra tempus ludorum.

Placatio vitulus) Frequenter in sacrificia assumebatur.

M. Curii ventrem) M. Curius Ro. singulari frugalitate innotuit.

Pag. 39. *Zoroastres*) Zoroastres Bactrianorum Rex.

Cadi) Hyperbolicè, cum Cadus congios decem contineat, exprimere voluit vulgare illud *Cadinetis*.

Cyneas) Locus iste obscurus est. Cujus hic videtur sensus. Nolle tibi echforem tui luxus nimis memorem. Cyneas enim profundæ memoriæ traditur.

Pag. 40. *Claræ*) Claræ oppidulum in agro Brixienti populosum, cuius etiam meminit Epistola 41. Gabrielæ Rangonum Cardinalem hinc natum esse ostendit Octavius Ruheus, contra quam Panulsius & Ciaconius antea statuerant.

Pag. 56. *Cossatim*) Nonè ad imitationem Minucii Felicis, apud quem legimus *Arnatim*.

Atlantides) Stellæ Hyades significantur, quas Atlas ex Pleione Oceani filia quinq; suscepit. vid. Iul. Hig.

Figura Cocytæ) I. E. spectri infernalis.

Pag. 78. *Halegone*) Fabulam tangit Ovid. l. 1. Metam.

Phaton) Plerumq; Phæton diuinus: quamquam & aliam rationem ex veteribus tueatur Salmasius.

Pag. 51. *Niobe*) Hujus fabulam statuæ marmoreæ, quas pridem Romæ in palatio Medicorum cum Io. Bapt. Calli

& Gabriele Naudeo Viris amici simis perlustrauius, sic
ad vnum exprimunt, vt verè saxeus, qui iis nō moueatur.
Pag. 68. *Turritus*) Hunc refert, quam deimus Cassandræ
effigies.

Palliolum Arabicum) Carbasum sericum forte sis intel-
ligit, quo adhuc vtuntur matronæ nobiles.

Pag. 78. *Tomiris*) Tomiris Massagetarum Regina, Lucianus
in Charonte.

Vir ait) Eleganter Oraculi responsum versu redditū fingit.

Bryareus) Bryareus gigas Terræ filius.

Abiurate rapina) Mendum suspicor exscriptoris. Rectius
abactæ rapinæ. Cacus enim Herculis boues abduxerat:
cujus rei historia prolixè tradit Liuius lib. 1. Virgil. viii,
Æneid.

Hic spelunca fuit vasto submotâ recessu
Semihominis Caci.

Pag. 83. *Tages*) Tages enim Genii filius & nepos Iouis puer
Etruriæ incolis aruspiciam tradidisse fertur, de quo
Cic. 11. de Diuinat.

Libros Sibyllinos) Sibyllina carmina, quæ hodie circum-
feruntur, vix omnia germana dixerim, sed ab eruditis ho-
minibus olim ad ingenti exercitium conscripta, vetustatis
memoriam meruisse.

Pag. 96. *Petra*) Oppidum agri Piceni. Tres aliæ apud Fer-
rarium in Topogr. enumerantur.

Pag. 100. *Latus utrumq; perstringere*) Aliquæ ualdè urgere,
103. *Vrceis*) Hodie munimentorū Venetorū est fortissimū.

104. *Centona*) Legendum Falconia, quæ centones scripsit.

119. *Pluit literis*) Hyperbole ex indignatione nata.

120. *Orestes & Phronicus*) Aduersarios notat malefanos per
allusionem; in quos Epistolam alibi reliquit. Orestes
enim moribus ferus erat. Phronicus autem (qualiter hic
procul dubio legendum) non Phronicus Lacedæmonio-
rum proditor erat, Cornicorum stilo notatus.

121. *Tonsillarum senatores*) Eleganter ij dicuntur qui in
tonsillis nugascuntur. Vulgatū est prouerbiū. *Lip-
pis ac tonsoribus notum*. Eiusdem generis est illud E-
pist. 54. ex urnula popinali consultrices.

124. *Pulmones*, I. E. tumidæ ac superbiæ. Pulmones enim
faci-

facile inflantur . Vnde Prouerbiū reuellerē pulmones .
I. E. Superbos compefcere.

124. *Megaras*) Inuidiæ plenæ .

134. *Affhodelos & Semperuinam*) De influentia Planetarum in stirpes è recentioribus egerunt plures . inter ueteres occurrit Theſſalus M. S. in Bibliotheca P. Rhodii & quampridem inter Patavinas vulgauimus.

136. *Charaſterum figuras*) Horum vanitatem ſolidè reiecit Cl. Vir Gabriel Naudeus luculento de ſtudio Militari Syntagmate .

140. *Caminus*) Hanc vocem apud Suetonium cap. viii. in Viatellio deprehendo. Non ergo Caminus recentiorum eſt inuentum, ut putant quidam . De Caminis ueterum aliquid accuratiùs ab Io. Argolo Cl. bonarum literarum in Lyceo Bononiienſi Profeſſore.

143. *Lauates*) Antiquè apud Comicos pro *lotos*.

147. *Tumida guttur*) Vitium indicat uicinarum montium incolis frequens, quod medicorū vulgo Hernia gutturalis.

159. *Depalmarunt*) Depalmare eſt colaphum impingere, quo verbo uſus eſt Gellius .

161. *Larna Gorgonea*) Tangit fabulam Lucretius Lib. ix.

Occulat a Meduſa) Phorci filia, cujus crines à Minerva in angues conuerſi à nemine videre poterant. vide infra Epist. 65.

162. *Teneri criſtati*) I. E. galeæ per Metonymiam Adiecti. Galeæ enim erant criſtate.

166. *In Cribro*) Hominis inertiam taxat.

163. *Epicurus*) Neoclis & Chæreſtratz filius Philoſophus, cujus laudes tangit T. Lucretius paſſim. Hanc Epistolam, olim ad Iacobū Gaſſarellū V. Cl. in Galliam miſimus in gratiam viri cuiuſdam eruditæ qui Epicuri Philoſophiam reſtituere conabatur .

169. *Cereſum*) De quo in Vita Ceretæ .

Iſcum) Flumen Brixiensis agri piſcoſum trutarum prouentu celebre .

170. *Cornuſibia*) I. E. tibiz vtriculares Paſtorum, quæ vulgo *Cornuſe*.

172. *Landula*) Nouè imitatione Italici ſermonis, quo Alauda *Lodola* dicitur.

375. *Pilumni*) Vid. Com. nost. de Donariis Cap. xiii.
 180. *Hippo*) Puella Bæotia. de qua Plutar. in Pelopon.
 181. *Lampedo*) Lacedæmonia mulier regis filia, regis vxor,
 & regis mater Plin. lib. vii. c. 41. raræ felicitatis exēplū.
Marpessa) Marpessa filia Eum uxori; Idæ, mulier speciosa
 Hom. 9. Iliad.
 197. *Faustinus, & Iouita*) Horum uitas in lucem dedis Rub.
 198. *Cassandram*) Huius vitam iphus Epistolis præmisimus.
 206. *Ascalaphus*) Acherontis filius, à Proserpina in bubo-
 nem mutatus.
 209. *Inoculat animum*) Abusuè, perterret. Inoculare pro-
 priè est arboribus inferere.
 215. *Laxamentum ossi*) Plutarchus elegantissimum reliquit
 libellum, cuius titulus: *An rectè dictum sit, Latenter esse*
uiuendum. Diuersæ opinionis se ostendit hisce uerbis:
Sicut lumen non manifestos tantum nos, sed & Sciles
inuicem facit: ita notitia non gloriam modo, sed &
agendi materiam virtutibus parari. Verè Seneca E-
 pist. 68. *Intendi genus est, nimis latere; & a con-*
spectu hominum secedere.
 216. *Deiectus*) Seneca cap. xviii. de Consol. ad Marc. De-
 jectus flumini, caduta d'acqua.
 221. *Simonsidem Metrodorumq;*) Admirabilem utriusq; me-
 mōriam Cic. deprædicat.
 229. *Vltima Thyle.*) Ita Virgil. ex sui seculi notitia. Poste-
 riores enim ulterius progressi Groenlandiam detexerunt;
 quibus Thyle est Islandia. Huius insulæ descriptionem
 accuratissimam Arngrimus edidit.
 230. *Polycratis annulum*) In mare à Tyranno felicitate &
 opibus affluente proiectum, quem tamen coquus ejus in
 piscine recuperauit.

Voces parū usitate, licentie seculi indulgende.

A Admirari. 5. passiue,	Cauillari. pass. 105.
Animaduertentia. 184.	Clanculo 41. <i>clanculum</i>
Arbitrari. 134 pass.	Congermana. 31.
Balbuticula. 18.	Congerianus. 220.
Carissior. 56.	Compeccans. 113.
Catona. 118.	Deferti 28. <i>efferti</i>

Dignari. 33. <u>157.</u> Passiue.	Præceptrix. <u>150.</u> sic i oratrix.
Dilcrederè 195.	<u>191.</u>
Dispatens. <u>115.</u>	Prædiuina. <u>Presaga. 91.</u>
Acquidistanter <u>63.</u>	Preciatius. <u>18.</u>
Enodia, explicationes, ab eno- do. 80. <u>176.</u>	Preciatissimum. <u>215.</u>
E post liminio. 10. <u>105.</u>	Pretiabilis <u>107.</u>
Examussus. <u>17.</u> pro ad amussim	Pridie festum. <u>18.</u>
Exemplaritas. <u>224.</u>	Primior. <u>19.</u> pro, Prior
Extollentia. <u>116.</u>	Procuratiuncula. <u>7.</u>
Fabre. <u>affabre. 104.</u>	Puer. <u>215.</u>
Fruisci. <u>70. 78.</u>	Pulchrescentia. <u>27.</u>
Gloria Plur. <u>70.</u>	Pueritium. <u>236. 159.</u>
Ignoscentia. <u>venia 123.</u>	Relatus. <u>relatio 215.</u>
Ignoscibilis. <u>73.</u>	Retrorsa. <u>114.</u>
Ingemitoria. <u>201.</u>	Reticentia pro silentium. <u>92.</u>
Impreciabilis. <u>74.</u>	Rhetoricola. <u>83.</u>
Indagare, pro tentare. <u>123.</u>	Scientior. <u>117.</u>
Inoccupat. <u>159.</u>	Soluta, Dim. vt Itali <u>soletta.</u>
Instructus, pro apparatu. <u>98.</u>	<u>216.</u>
Interfilaris. <u>13.</u>	Solui. <u>66.</u>
Inceptor <u>209.</u>	Sordidatrix. <u>202.</u>
Inuchere. pro inuehi. <u>163. 190.</u>	Super-excedit. <u>221.</u>
Irascentia. <u>83.</u>	Superlatissimis. <u>223.</u>
Laudula. <u>172. 175.</u>	Suppedalia. <u>68.</u>
Lectoria <u>92.</u>	Suspiciari pass. <u>82.</u>
Mercatur. passiue. <u>106.</u>	Stationes. I. E. encornia
Minitauit. <u>205.</u>	Tempus effluxum. <u>157.</u>
Moderni. <u>66.</u>	Torta. i. <u>c. placenta. 39.</u>
Nimietas. <u>125.</u>	Totulus. <u>18.</u>
Obstupefcentia. <u>102.</u> stupe- fcentia. <u>126.</u>	Toxicatum. <u>204.</u>
Occulere, pro latere. <u>42.</u>	Transadire. <u>97.</u>
Orditura. <u>132. i. c. subtegmen.</u>	Tristitudo. <u>62.</u>
Paritio. <u>91. Partus.</u>	Venerari. <u>65. pass.</u>
Patriare. <u>214.</u>	Vigilius. <u>26. 214. Vigilantius.</u>
Parum quanto. <u>22.</u>	Vigilius. <u>214.</u>
Paruitas. <u>126.</u>	Vlula. <u>78.</u>
Paruissimus. <u>193.</u>	Vpupula, pro Spupa. <u>175.</u>
	Zelare. <u>44. Amare.</u>

Index Rerum, & Nominum.

A Bbatissæ officium. 108.
 Abbatissa S. Clara. 107.
 Barbara Alberta. 154.
 Albertus de Albertus T. C. 35.
43. 57. 61. 71. 89. 100. 125.
 laudatus. 101.
 Alceſtides. 41.
 Amicitia vis. 105.
 Anachoretæ probantur. 219.
 Astrologia incertitudo 213.
 Astrologia iudicium de Inge-
 nio. 11. 127.
 Aſcanius Maria Cardinalis I.
 eius encomium. 8.
 Inuectiva in Avaritiam 199.
 Encomium Iac. Baſiliſci. 109.
 Michael Baetus Phyiſicus. 42.
80.
 Bernardinus Laurinus. 195.
 Bonifacius Bembus. 17.
 Conſtans Bon. 45. 167.
 Belli initia. 207.
 Bellum Brixiense. 209.
 eius Prodigia. 213.
 Boreales bellicoſi. 96.
 Sigismundus de Buſcis. 12.
 Caminus. 140.
 Laurentius Capreolus. 117.
 Angelus Capellus. 28.
 Michael Carrariensis Phyiſi-
 cus. 56.
 Diana Cereta. 33.
 Hippolytus Cereta. 87.
 Baſilius Cereta. 87.
 Frontonus Cario. 111.
L. Cereta juris perita 120.
 Aſtencium. 20. 29. 63. 90.

Astrologia. 125.
 Theologia. 3. 114.
 Laura labor 13. 16. 20.
 Indoles. 1.
 educatio. 16.
 Ingenuitas. 40.
 Epistolæ. 14. 101.
 Modesta extenuatio 33. 36.
 Humilitas. 131.
 Studium. 1. 2. 6. 13. 61. 73.
102.
 Eiusq; occasio. 105.
 Patientia. 4.
 Pater eruditus. 84. Prætor. 12.
17. Orator. 112.
 Opus 74. 101.
 Oratio. 4.
 Conciliata inuidia. 4.
 Aemuli. 41. 81. 129. 193.
 Vita compendiose descrip-
 ta. 146.
 Silvester Cereta. 40.
 Veronica Cereta. 27.
 Clara. 40. 81.
 Conſolatio in morte filioſæ. 91.
 Conuiuii eruditi descriptio. 37.
 Cynæas. 39.
10. Aloyſius Dandulus 94.
 Delicta rustica. 27. 167.
 Augustinus Aemylus. 62. 66.
 Emblema. 14.
 Exhortatio ad coniugiū. 178.
 Exhortatio ad Audia. 87.
 Fannii interdictum. 38.
 Femina virtute illustres. 179.
 & literis. 189.
 Cassandra Fidelis. 75. 191.

Franciscus Fontana Regius

Orator. 47.

Fortunæ inconstantia. 155.

Aduersus fortunam consolatoria. 21.

Execratiō contra fortunā. 47.

Gentilium errores. 53.

Gismunda 119. 120.

Gratulatio de Nuptiis. 155.

Helpericus Math. 90.

Inferni locus. 75. 137.

Influentia Planetarum in herbas. 133. 134.

Itineris descriptio. 168.

Inuectiua in aduersarios. 158.

Iunius Notarius Clarenſis. 89.

Lauræ Apologia. 112. 118.

Laura Perrarchæ. 20.

Bernardus de Leno. 72.

Lud. de Leno. 19.

Inſigna familiæ de Leno. 12.

Origo. 72.

Deodata Leonenſis. 168.

Lex Oppia. 14.

Adriani. 119.

Iulia. 22.

Liuius Romę legens. 125.

Clemens Longulus. 39. 81.

Lupus Cynicus. 129.

Marii mors. 57. 58. 59. 61. 63.

66. 117.

Conſolatio. 141.

Marius Bonus. 205.

Martha Marcella. 137.

Mortis descriptio. 55. Aduersus

mortem Conſolatio. 211.

Mulierum fides. 183.

Mulieres etiam cruditas eſſe.

164. 122.

Faſtus muliebris reprehendi-
tur. 13. 69.

Munificentie modus. 43. 49.

Nicolaſa Bononienſis. 191.

Niobe. 59.

Ilotta Nogarola. 191.

Io. Oliuetius. 11. 37. 71. 73. 85

Nazaria Olympica. 145.

Oratori ſedendum. 39.

Ornatus muliebris. 68.

Palliolum Arabicum. 68.

Io. Dominicus Patuſius 1C. 18

Sancta Peregrina. 105.

Franciſc. Prædonus 1C. 22. 25

Prælii deſcriptio. 26.

Petrus Serina. 21. 23. 26.

Petrus Stella. 36.

Bibulus Sempronius. 127.

Libri Sibyllini. 81.

Silentii exultatio. 23. 35. 44.

Solitudo vitæ improbatur. 215

Solitaria Europa. 214.

Tagies aruſpiciuæ auctor. 83.

Felix Thadæus Phyiſic. 55. 59

Fr. Thomas Florentinus. 89.

Fr. Thomas Mediolanenſis. 113

129. 221. Lauræ præcep-
116. 150. encomium. 221.

Alphonſus Tiburtinus. 110.

Julianus Trolulus. 21.

Turcarum minæ. 68.

Vandalæ perfidi. 200.

Venetorum potentia. 99.

Lucilia Vernacula. 122.

Vrcei. 103.

Tri corporales vmbrae. 75.

Petrus Zenus Patavinus. 178.

Xenocratis Characteres. 136.

Zoroaſtres. 39.

C O R R I G E N D A

1 in Vita. 16. collis
 9 15 Mancipau
 10 10 fruticabit
 28 5 Saltantes
 43 21 rusticatorq;
 45 5 desuierim
 45 11 tegeres
 50 15 gladiis
 53 16 Dæmonas
 22 possit.
 56 13 moriendi
 57 1 luctu.
 12 hanc
 59 16 marmore
 17 fugientis
 69 25 illæ
 72 8 humanitatem
 75 18 tristem
 77 4 saxa
 81 3 duplicatae
 16 aduersum
 86 10 asciueris
 87 16 refugiant
 91 11 fasciis
 20 scrutabar
 94 13 conspectu
 95 22 sint
 102 22 fatigatione
 107 23 monacharum
 108 11 nosti
 111 8 inquam
 113 20 somnus
 116 2 succisuar
 117 1 restat.
 119 6 vis
 120 8 est
 20 si ei in mei
 121 17 sentiam.
 23 succedunt
 123 7 indignant

128 9 iter.
 130 21 institui
 136 3 signorum
 138 18 remigrandi
 139 2 fatellitum
 141 2 exstinguitur
 142 8 sparum
 145 2 digestio
 154 16 aberrantes
 155 23 tam
 25 inquietam
 156 20 satietas.
 159 3 ferro
 163 23 obrepisti
 170 16 ridentes
 172 15 lacus
 172 23 effusio
 24 lustrauimus
 175 13 splendoris
 182 7 anxie
 8 transfixit
 10 tepens
 186 3 in manibus
 187 10 nostros
 188 7 irrepsisses
 19 succenditur
 189 22 elementa
 191 25 superextat
 192 4 amicus
 194 5 obrutu
 9 nugatrix
 205 10 minutata
 209 10 Sæuæ
 24 populatu dele
 210 25 dehinc.
 211 2 Roberti
 215 18 puellæ
 216 7 præterco
 11 cortice
 219 2 molibus &